


Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 556







Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 556














Henrik Jer Bouch.

APOLOGIE

OV DEFENSE

DE TRESILLVSTRE PRINCE GVILLA V ME PAR LA

GRACE DE DIEV PRINCE D'ORANGE:
Conte de Nassau, de Catzenellenbogen, Dietz, Vianden, & C. Burchgraue d'Anuers, & Visconte de Bezançon: Baron de Breda, Diest, Grimberge, d'Arlai,
Nozeroi, & C. Seigneur de Chastel-bellin, & C.
Lieutenant general es païs bas, & Gouverneur
de Brabant, Hollande, Zelande,
Vtrecht, & Frise: &
Admiral, & C.

Contre le Ban & Edict publié par le Roi d'Espaigne, par lequel il proscript ledict Seigneur Prince, dont apperra des calumnies & faulses accusations contenues en ladicte Proscription.


PRESENTEE A MESSIEVRS les Estats Generauls des Païs bas.

Ensemble ledict Ban ou Proscription.

De l'Imprimerie de Charles Syluius.

M. D. LXXXI.





LA LETTRE DE MON-SEIGNEVR LE PRINCE

D'ORANGE ENVOIEE AVS

ROIS ET AVLTRES
Potentats de la Chrestienté.

IRE, Iene doubte point que vostre Maté. n'aist esté aduertie d'vne proscription que le Roi d'Espaigne a faict publier contre moi, d'aultant qu'il l'a faict diuulguer en toutes langues, & l'a enuoiée en plusieurs endroicts de la Chrestienté. Il m'a semblé, & à tous mes meilleurs amis, que ie ne pourroi satisfaire à mon honneur (lequel pour rien ie ne suis conseillé de mettre en danger) sinon en opposant une iuste defense à ceste proscription. Suiuant quoi i'ai presenté à Messieurs les Estats de ces païs, ma response, laquelle aussi pour maintenir monhonneur, & ma reputation enuers les Princes & Potentats de l'Europe, qui sont pour raison de leurs preeminences & dignitez le secours des paoures Princes & Seigneurs affligez, i'ai pris la hardiesse de leur enuoier, & à vous Sire particulierement, suppliant treshumblement vostre Maiesté, l'aiant veue en faire pareil iugement qu'il a pleu à Messieurs les Estats, (qui ont esté tressideles tesmoings de toutes mes actions) en iuger: comme il plaira à vostre Maté. le cognoistre par leur aduis, qui est aussi ioinct à ma-

dicte defence. Et d'autant Sire que V. Maiesté pourroit trouuer estrange, le Roi d'Espaigne m'aiant par ci deuant raui tous mes biens, apres que i eu remis mes gouvernemés es mains de la Duchesse de Parme lors gouvernante de cest estat, & m'estant retiré au païs d'Allemaigne lieu de ma natiuité, ou ie me tenoi paisiblement, auec mes freres, parents & amis, ce que l'auoi deliberé de continuer : aiant au mesme temps enleué des escoles mon fils le Conte de Bueren, & contre les priuileges du pais, & contre son serment faict mener prisonnier en Espaigne, ouil est encores detenu cruellement, d'abondant m'aiant faict condemner à la mort par son ministre le duc d'Alue: pour ces raisons dis-ie qui estoiet toutesfois grandes, que ie n'ai oncques voulu publier auleune defense qui s'addressast audict Roi: ce que neantmoins ie fai à present, & monstre par icelle que les crimes dont le Roi d'Espaigne me veult charger lui appartiennet: le supplie treshumblement V. Maiesté Sire deuant que iuger de ce mien escript, vouloir considerer la qualité des crimes & blasmes dont ie suis chargé par ceste proscription, & pareillement celle de ma personne. Car si le Roi d'Espaigne se fust contenté de me retenir mon fils & mes biens qu'il a en sa possession, & encores de presenter, comme il faict, vinteinq mille escus pour ma teste, de promettre d'anoblir les homicides, leur pardoner touts tels crimes qu'ils pourroiet auoir comis: i'eusse essaié par tout aucre moien, comme

comme l'ai faict par ci deuant, de me conseruer mor & les miens, & de pouuoir rentrer en ce qui m'appartient, & eusse suiui la mesme façon de viure que i'ai fait. Mais le Roi d'Espaigneaiant publié par tout le mode que ie suis peste publicque, ennemi du monde, hypocrite, ingrat, infidele, trahistre & meschant: ce sont iniures Sire que nul gentilhomme, voire des moindres qui soit des subiects naturels du Roi d'Espaigne, peut & doit endurer: tellement Sire quand ie seroi l'vn de ses simples & absoluts vassauls: si est-ce que par telle sentence, & si inique en toutes ses parties, & aiant esté par lui despouillé de mes terres & Seigneuries, à raison desquelles ie lui auroi eu serment par ci deuant, ie me tiendroi absouls de toutes mes obligations enuers lui, & essaieroi, commenature l'enseigne à vn chascun, par touts moiens à maintenir mon honeur, qui me doit estre & à touts hommes nobles plus cher que la vie & les biens. Toutesfois puis qu'il a pleu à Dieu me faire la grace, d'estre nai Seigneur libre, ne tenant d'aultre que de l'Empire, comme font les Princes & aultres Seigneurs libres d'Allemaigne & d'Italie, & en oultre que ie porte tiltre de Prince. absolut, ores que mon Principaulté ne soit bien grand; quoi qu'il en soit, ne lui estant subiect naturel, ni aiant rien tenu de lui sinon à raison de mes Seigneuries, desquelles il m'a entierement depossedé: il m'a semblé ne pouuoir satisfaire à mon honneur, & donner contentement à mes parents proches, à plusieurs Princes ausquels i'ai cest honneur d'appar-

tenir, & à toute ma posterité: sinon en respondant par escript publicà ceste accusation proposée en la face de toute la Chrestienté. Et combien que ie ne l'ai peu faire sans toucher à son honneur, i'espere neantmoins Sire que vostre Maiesté l'imputera plus tost à la contraincte que m'a apporté la qualité de ceste proscription que non pas à ma nature ou à ma volonté. Car quant à ce qu'aulcuns pourroient trouuer estrange que ie me defende en ceste sorte, veu que i'ai aultre fois tenu plusieurs terres & Seigneuries de lui : ie supplierai treshumblement vostre Maiesté, de considerer l'atrocité de l'iniure qui m'est faicte, que iamais vrai gentil-homme n'endurera, que ie ne lui suis subiect naturel, & quant à mes fiefs qu'il m'en auoit despouillé. Mais quand i'en eusse tousiours ioui: siest-ce que le mes-Roide Fran- me droict dont il vse ne me peult estre refusé. Il Il tient tient du Roi de France, à foi & hommage & comde V. M. me vassal de son Seigneur, le Conté de Charollois, pour cela il n'a laissé de faire la guerre à la couronne de France, & ne cesse touts les iours de machiner contre icelle. Il prend pour fondement, qu'estant d'allieurs Souuerain, il lui est licitese vanger du tort qu'il pretendoit lui auoir esté faict par le feu Roi Henri de treshaulte memoire. Quand il fit la guerre au Pape Caraffe, d'aultant qu'il tenoit de lui comme vassal les Roiaulmes de Sicile & de Naples, il publia sa defense, par laquelle il semain-

tenoit estre absouls de son serment, à cause que le Pape ne s'estoit tenu vers lui es termes qui tiennent le Seigneur obligé à son vassal, suiuant les droicts feodauls qui sont mutuels. Or il n'est rien si naturel Sire, sinon qu'vn chascun reçoiue en son endroit la mesme regle, qu'il veult estre reçeue par aultrui. Pourtant il ne doit trouuer estrange, si estant oultragé en tant de sortes de lui, & ne lui estant subiect, ie m'aide des moiens que Dieume donne, & desquels il s'est voulu aider contre ses Seigneurs, qui ne l'auoient offensé en chose quelconque approchante des torts que i'ai soufferts de lui, & de ceste marque ignominieuse dont il essaie de me flaistrir & ma race. Et d'aultant que Messieurs les Estats qui ont de plus pres cogneu la verité de ce qui est contenu en ceste mienne defense l'ont approuuee, m'aiants rendu assez suffisant tesmoignage de ma vie passee : ie supplie aussi vostre Maiesté Sire treshumblement en approuuant icelle mienne response, croire que ie ne suis ni trahistre ni meschant, mais que ie suis Dieu merci Gentil-homme de bonne & tref-ancienne maison, & homme de bien, veritable en tout ce que ie promets, non ingrat, ni infidele, n'aiant commis chose dont vn Seigneur & Cheualier de ma qualité puisse recepuoir aulcune reproche. Vous suppliant treshumblement, me tenir au nombre de vos treshumbles seruiteurs. Et

† iiij

apres auoir treshumblement baisé les mains de Vostre Maiesté, le prierai Dieu

SIRE, lui donner en parfaicte santé tresheureuse & tressongue vie. A Delsten Hollande, le IIII. iour de Feburier, M. D. LXXXI.

De vostre MAIESTE,

Tres humble & tresobeissant serviteur,

Guillaume de Nassau.

REMONSTRANCE DE MON-

Messeigneurs les Estats generaus des païs bas.

Essieves, Vous auez veu par ci deuant vne certaine sentence en forme de proscription, qui a esté en uoiée par Prince de Parme. Et comme par icelle, mes ennemis conle Roi d'Espaigne, & depuis publiée par ordonnance du tre tout droict & raison se sont essaiez de toucher grandement à mon honneur, & faire trouuer mes actions passees mauuaises : i'ai bien voulu prendre l'aduis de plusieurs personages notables, & de qualité, mesmes des principauls consauls de ces pais. Mais pour raison de la qualité d'icelle proscription, les enormes & atroces crimes, desquels ie suis chargé, ores que ce soit à tort : toutes sois i ai esté conseillé ne pouvoir satisfaire aultrement à mon honneur, sinon en monstrant par escript publicq, combien iniustement i'estoi accusé & chargé de plusieurs crimes, comme aussi l'estoi publicquement iniurié & calumnié. Suiuant lequel aduis Messieurs, attendu que se vous recognoi seuls en cemonde pour mes superieurs, ie vous presente ceste mienne defense escritte contre les criminations de mes aduerfaires, par laquelle i espere non seulement auoir descouuert leurs impostures & calumnies, mais aussi legitimement iustifié toutes mes actions passees. Et d'aultant que leur principal but & intention est de cercher tous les moiens de m'oster la vie, ou bien me faire bannir de ces pais, & pour le moins diminuer l'authorité qu'il vous a pleu me donner, comme si obtenant telle chose, le tout leur viendroit à souhait: & d'aultrepart, d'aultant qu'ils me calumnient, que par moiens illicites ie retien mon authorité: le vous supplie Messieurs de croire, ores que le suis content de viure tant qu'il plaira à Dieu entre vous, & vous continuer mon fidele service, toutesfois que ma vie que i'ai dediée à vostre seruice & ma presence au milieu de vous, ne me sont point si cheres, que tresvoluntiers ie n'abondonne ma vie, ou que ie nemeretire du pais, quand vous cognoistrez que l'yn ou l'autre vous peult aucunement seruir pour vous acquerir vne certaine liEt quant à l'authorité qu'il vous a pleu me donner, vous sçauez Messieurs combien de sois ie vous ai supplié de vous contenter de mon service, & me descharger, si vous trouvez qu'il convienne pour le bien de vos assaires : comme encores ie vous en requier, offrant toutes sois, comme i'ai tousiours faict en tout ce qu'il vous a pleu me commander, de continuer à m'emploier au service de la patrie, au pris de laquelle ie n'estime rien de ce qui est en ce monde : comme ie le vous remonstre plus amplement en ceste mienne desense, laquelle si vous iugez convenir, ie vous supplie trouver bon qu'elle soit mise en lumiere, assin que non seulement vous Messieurs, mais aussitout le monde puisse iuger de l'equité de ma cause, & de l'iniustice de mes adversaires.

Presentée par Monseigneur le Prince d'Orange, à Messeigneurs les deputez des Estats generauls & des Prouinces vnies, assemblez en la ville de Delft, le XIII. Decembre. M. D. LXXX.

Soubs estoit escript,

Moi present 1. Houfflin.

LA RESPONSE DE MES-SIEVRS LES ESTATS GENERAVX.

Es Estats Generaux aiants depuis quelques iours veu & leu vne Dproscription publice par les ennemis contre la personne de vostre Excellence, par laquelle ils imposent à icelle des crimes enormes, essaiants la rendre odieuse, comme si par moiens illegitimes & voies sinistres elle auroit vsurpé le lieu & degré auquel elle est constituée; & d'exposer sa personne en proie & lui oster son honneur : aiants veu pareillement la defense proposee par vostre Excellence, contre ladicte proscription, Trouuent par la verité de ce qui est passé en ces pais, oqu'à chafcun d'eus en son endroit est cooneu & manifeste, les dits crimes & blasmes auoir esté à tort imposez à icelle : Et quant aus charges tant de Lieutenant general que des gouvernements particuliers, apres avoir esté legitimement choisi & esleu,ne les auoir acceptez, sinon a nos instantes requestes, esquelles auroit au si continué à nos prieres, & auec entier contentement & satisfaction du pais : & la supplient encores lesdicts Estats y vouloir continuer, lui promettant toute aide & asistence, sans espargner aulcuns de leurs moiens, & de lui rendre prompte obeissance. Et d'aultant qu'ils cognoissent les services fideles rendus par vostre Excellence à ces pais & ceus qu'ils esperent encore à l'auenir:ils lui offrent pour l'asseurance de sa personne d'entretenir une compagnie de gens à cheual pour sa garde, la suppliant l'accepter de la part de ceus qui se sentent obligez à la conservation d'icelle. Et entant que touche les dicts Estats qui se trouuent ausi chargez par ladicte proscription, entendet de brief außi se iustifier, ainsi qu'ils trouueront conuenir. Ainsi arresté en l'assemblee de Messeigneurs les Estats generaus en la ville de Delft, le dix septiesme iour de Decembre M. D. LXXX.

> Par ordonnance expresse desdicts Estats, Signé I. Hovfflin.

IE MAINTIENDRAI



NASSAV.

Paronionnance expressed destinas.

ste en l'assimilier de Adesperents les Estres generammen la Dels se dixsopriesme ient de Decembre M. D. LXXX.

APOLOGIE OV DE-

PRINCE D'ORANGE: CONTE DE NASfau, de Catzenellenbogen, Dietz, Vianden, &c.
Burchgraue d'Anuers, & Visconte de Bezançon: Baron de Breda, Diest, Grimberge, d'Arlay, Nozeroy, &c. Seigneur de Chastel-Bellin, &c. Lieutenant general és pais bas, & Gouuerneur de
Brabant, Hollande, Zelande, V trecht, & Frise: & Admiral;
Contre le Ban & Edict publié par le Roi d'Espagne, par lequel il
proscript ledict seigneur, dont apperra des calumnies & faulses accusations contenues en ladicte Proscription.



E que j'ai tousiours demandé à Dieu, Messieurs, & desiré de tout mon cœur, me vouloir accorder des le temps que j'ai voué ma personne & ce que j'auoi de moiens en ce monde, pour le recouure-

ment de vostre liberté, l'asseurance de vos personnes, biens & consciences, si dis-ie i'auroi oncques preposé ce qui me touche en particulier à vostre salut en general, en ce cas que ie portasse vne peine & ignominie eternelle, laquelle i auroi attiree sur moi par ma propre volunté: Mais au contraire si ce que i'ai faict parcideuant eust esté seulement entrepris par moi pour la conservation de vostre estat, & que i'eusse soustre seulement pour le salut commun de la patrie: que la haine conceue par les meschans contre le païs & contre toutes gens de bien & d'hō-

neur, aiant esté pour quelque temps dissimulee & couuerte en leur cœurs, vint à se desgorger tout à la fois plustost sur moi seul que sur tant de gens de bien, & mesmes sur le general de la republique: que si ma volunté auoit esté telle enuers vous Messieurs, vos enfans, vos villes, & communautes, i'en peusse rapporter quelque iour vn tesmoignage solennel tant pour le repos de ma conscience que pour mon honneur enuers tous peuples de la terre, & enuers toute la posterité: Maintenantie me resioui grandement & ren' graces immortelles à nostre bon Dieu & ai grande occasion de contentement & satisfaction, puis qu'il permet m'en estre rendue vne si rare, si noble & si excellente marcque par ceste proscription cruelle, barbare, & dont iamais n'a esté ouie la semblable en ces pais, recommandez en. uers tous peuples & nations pour leur singuliere & incroiable humanité. Car combien que rien ne soit plus desirable à l'homme qu'vn cours de sa vie entiere, heureus, prospere, & egal sans aulcun heurt ou mauuaise rencontre: toutesfois si toutes choses me fussent venues à souhait & sans auoir rencontré la haine de la nation Espagnolle & de ses adherens, i'auroi perdu l'auantage de ce tesmoignage qui m'est rendu par mes ennemis, lequel i'estime estre le plus excellent sleuron de gloire dont i'eusse peu desirer deuant ma mort estre couronné. Qu'estce qu'il y a plus agreable en ce monde & principalement à celui qui a entrepris vn si grand

LE PRINCE DORANGE.

& excellent ouurage, comme est la liberté d'vn si bon peuple, opprimé par si meschantes gens, que d'estre hai mortellement par ses ennemis, & ennemis ensemble de la patrie; & par leur propre bouche & confession receuoir vn dous tesmoignage de sa fidelité enuers les siens, constance contre les tyrans & perturbateurs du repos publicq; Tellement que de tant de plaisirs que les Espaignolz & leurs adherens m'ont faits pensants me faire desplaisir, comme par ceste infame proscription ils ont plus pensé me nuire, aussi ils m'ont d'aduantage resioui & m'ont donné plus de contentement. Car non seulement i'en ai receu ce fruict, mais aussi ils m'ont ouuert vn champ pour me defendre plus ample que ie n'eusse osé desirer, & pour faire cognoistre à tout le monde l'equité & iustice de mes entreprises, en laisser à ma posterité vn exemple de vertu imitable à tous ceus qui ne vouldront deshonnorer la noblesse des ancestres dont nous fommes descendus, & delquels vn seul n'aiamais fauorisé la tyrannie, ains tous ont aimé la liberté des peuples, entre lesquels ils ont eu la charge & authorité. Ie n'ay point occasion de me plaindre que ie n'aie eu par cy deuant assez ample subiect pour parler de moimesmes & taxer les faultes lourdes & enormes de mes ennemis, mais ni la pudeur me permettoit de chanter moimesmes mes louanges, ce qui est trop difficile de ne faire, quelque modestie qu'on se propose en tel subiect, ni l'honnesteré publique vouloit que ie m'essargisse à reciter les crimes de mes ennemis, aimant trop mieus enseuelir vne partie de leurs enormes entreprises sous silence, qu'en les diuulgant (ores qu'en verité,) me mettre en danger d'encourir le soupçon d'estre mesdisant. Puis doncq Meslieurs qu'en ceste proscription il n'est point seulement question de taxer ma personne & l'exposer barbarement en proie, mais aussi il est cogneu à vn-chascun que par mes plaies on veult naurer la Republique & l'estat de tous ces pais : comme ce n'est plus par petits libelles diffamatoires composez par gens de neant, & des-, quels les iniures ne m'esmouuoient non plus que la langue de quelque petit serpent, qu'il faut plustost escacher du pied que s'amuser à le combatre par les armes : Mais que gens de si grande qualité rabaissoient tellement & si vilement leur grandeur que de s'amuser à mesdire faulsement & à calumnier; Il m'a semblé estre du tout necessaire de parler, assin que la patrie commune, pour laquelleie suis prest d'exposer la vie comme i ay fait les biens, ne se sentist interessee par mon silence; & que d'autre part ces tiltres illustres de tant de païs & de Roiaulmes & s'estendants iusques sur l'Afrique & l'Aste, n'esblouissent les yeus de plusieurs qui iuget plustost les affaires de ce monde par les vmbres & apparences, que no pas par la fermeté & solidité de la raison. Ie cognoi toutesfois que ceus qui me proscriuent en plusieurs choses ont aduantage sur moi, & princiLE PRINCE DORANGE.

palement en deux points, l'vn est qu'ils font monître & parade de leurs grandes qualités qui surpassent infiniment ma condition, sautre comme il est naturelà tous hommes d'ouurir voluntiers les oreilles aux mesdisances & calumnies (car i'ai souuent oui le plus elegant de tous les Poetes auoir bien dit qu'il n'y a en vn banquet saulse si doulce au palais que la mesdisance est à l'oreille,) & d'aultrepart rien n'est tant ouy à contrecœur que la parolle de celui qui se loue soi-mesme. De ces deux ce qui apporte du plaisir est donné à mon ennemi, & i'ai en partage ce qui est dur & deplaisant quasi à tout le monde. Mais i'espere moiennant vostre faueur & bonne volunté ordinaire que l'vn & l'autre ne m'apporteront aulcun dommage, comme ainsi soit que depuis long temps vous auez esprouué que ces grandes & illustres qualitez si elles sont tachees de tyrannie ne peuuét beaucoup gaigner sur des cœurs francqs & genereus. Et d'autrepart cognoissant le train ordinaire de ma vie qui n'aime non plus taxer aultrui que me louer moimesmes, s'il faut que ie face l'vn ou l'autre, come il est dissicile de m'en passer (combien que ce sera en la plus grande modestie que ie pourrai) & s'il y a quelque chose qui semble moins seant, sera à vous Messieurs de l'attribuer plustost à la necessité de ce faire qui m'a esté creée par mes ennemis que non pas à ma nature, & parainsi me descharger & reietter entierement la coulpe sur leur impudéce & importunité. Et vous prie-Aui

rai Messieurs de vous souuenir que ie suis faulsement accuse d'estre ingrat, infidele, hereticque, hypocrite, semblable à Iudas & à Cain, perturbateur du pais, rebelle, estranger, ennemi du genre humain, peste publicque de la republicque Chrestienne. trahistre, & meschant, que ie suis expose pour estre occis comme une beste, auecq salaire à tous assassineurs & à tous empoisonneurs, qui le vouldront entreprendre, vous laissant à iuger Messieurs s'il est possible que ie me purge de telles calumnies, sans passer en quelque chose l'ordinaire train de ma vie & de ma coustume de parler de moi & d'aultrui. Cependant iesuis tellement asseuré de la iustice de ma cause, de mon integrité & fidelité enuers vous, & pareillement de vostre equité & rondeur, & de la cognoissance que vous auez comment toutes affaires sont passees, que ie ne vous demande autre chose sinon que vous iugiez & cognoissiez de ce faict, & en ordonniez, pour vostre bien, salut, & conservation, ce que les lois, franchises, libertés, & priuileges du pais vous commandent, suiuant l'esperance que tout le peuple a de vostre sagesse & integrité, ce que ie vous prie de faire, voire obteste par toutes choses saintes & sacrees, & mesme par vostre serment & obligation que vous auez au pais: m'asseurant certainement comme en plusieurs aultres choses ie suis moindre que mes ennemis, aussi que ie serai en ce poinct d'aultant leur superieur, que par tous moiens & artifices ils ont voulu violer, ropre, & opprimer vos lois, vos priuileges, & libertez: mais au contraire que ie me suis de bon cœur

OR si mes ennemis Messieurs fussent venus droict au point de la proscription, mettans en auant les raisons sur les quelles ceste sentence barbare, & qui monstre par trop leur cœur bas & forlignant de la vertu de leurs ancestres est sondee, ie n'eusse aussie si vsé d'aucuns circuits, & d'entree i'eusse declairé qu'elle est mon innocence, & combien leurs

fondemens sont debiles & ruineus. Mais puis que pour me rendre odieus, ils ont mieux aimé ietter des l'entree au deuant des yeux de tout le monde vnamas d'iniures, & les entrelasser sans propos au cours de leur oraison parlants de moi si impudemment: ie pense qu'il est necessaire & mesmes tresiuste, que ie responde à telles calumnies, asin qu'aulcun estant esmeu ou persuadé par tels propos ne reçoi-ue ceste miene defense d'vn cœur plus aliené de moi que le droict receu entre tous peuples, & la iustice

ne le requiert.

Quant à cest amas doncq d'iniures par lesquelles ie suis impudemment deschiré, & sesquelles estant retirees de ceste proscription rien n'y restera qu'vne fumee, voiez Messieurs combien la defence de laquelle i'vse est simple & sans fard. Si vous me cognoissez estre tel que mes ennemis me publient; si ie porte ou en corps ou en ame telles couleurs dont le forgeron de cest escrit dict qu'il ma depeint (car Messieurs vous m'auez cogneu dés ma ieunesse, & n'ai passé mon aage ailleurs qu'auecq vous) fermez incontinent vos oreilles, & refusez d'entendre vne seule parolle sortant de ma bouche. Mais si au contraire en toute ma vie i'ai esté plus homme de bien, plus entier, plus continent, moins auare que les autheurs de cest infame escrit, & que celuy qui l'a publié, à sçauoir le Prince de Parme & ses predecesseurs, desquels les faicts sont trop cogneus par les histoires, si dis-ie vous me cognoissez

LE PRINCE D'ORANGE.

gnoissez & mes ancestres plus gens de bié que ceus ci (car ie ne parle point encores du Roi) & leurs ancestres, croiez comme ils calumnient faulsement des l'entree, qu'ils ne seront aussi non plus croiables en tout le reste de leurs impudentes accusations. Carie vous prie à quoi sert tout cerecit de tant d'iniures, sinon pour monstrer à tout le monde, que mes ennemis sçauent bien mesdire & detracter, & celui qu'ils n'ont peu par la grace de Dieu meurdrir ni par poison, ni par glaiue, ni tromper par promesses & amuser par vaines esperances, pour le moins ils essaient le naurer du venin de leur langue accoustumee des leurs ieunesse à un si infame mestier?

On faict vn recit des l'entree de plusieurs bienfaicts, que Des biefaices i'ai receus de l'Empereur pour le regard de la succession de feu Mosieur qu'on ditt le Seigner Prinle Prince d'Orange mon cousin, que le Roi m'auroit faict de son ordre, ce auoir re-Lieutenant general au gou Vernement de Hollande, Zelande, Vtrecht, pereur Char-& Bourgoigne, & du Conseil d'Estat. A quelle fin ces choses? pour monstrer que ie suis grandement obligé à la maison d'Espaigne, & que ie ne puis euiter d'estre Accusation condamné d'ingratitude: & d'auantage à raison des de. serments par moi faicts, & des terres & Seigneuries que ie tenoi à hommage dudict Seigneur i estoi te-que sait importer nu de procurer le bien & aduancement de ses affais gomage aux sois res, pensants me rendre pareillement coulpable de infidelité. Voirement ie confesse & suis d'accord a- Accusation uecleRoy & auecq toute la maison d'Espaigne, que rien n'est tant à condamner en ce mode, que l'homme souillé de ces deux taches, à sçauoir d'ingratitude & infidelité, & qui a dict ces deux iniures à vn

homme, il lui en a dict autant que s'il auoit faict amas de tout le reste des conuices que gens sages & fols, discrets & indiscrets pourroient rassembler: & principalement d'autant qu'vn Seigneur est de maison plus noble & illustre, d'aultant plus sera il deshonnoré s'il peut estre conuaincu de telles faultes: & ne refuse point d'estre hai de tout le monde, exterminé de la terre, que ma memoire soit seltrie à iamais si ie suis trouue tel. Mais ce sera à ceste condition si ie monstre qu'il n'y a Prince en ce mode plus ingratenuers vn paoure Seigneur, que celui qui m'ac cuse & me veult condamner, est enuers moi & les miens, que l'infidelité dont il a vsé en mon endroit (car ie ne veuil encores parler de la foi violee publicquement enuers le pais) est incroiable, qu'il soit aussi assubiectià pareille condition, & qu'il soit tenu pour tel qu'il est, enuers tous les viuants & toute la posterité: & i'estimerai ceste punition plus grande en son endroit qu'il ne faict au mien en ce qu'il monstre cercher par ceste tragique proscription, qui ne m'estonne par la grace de Dieu non plus qu'vn fantosme. Premierement Messieurs ie proteste que la memoire de l'Empereur Charles me sera tousiours honorable, tant pour raison de ses gestes, que pource qu'il lui a pleu me faire tant d'honneur de m'auoir nourri en sa chambre l'espace de neuf ans, auquel aussi i'ai faict seruice tresfidele & tres-voluntiers. Mais si celui qui par raison entre tous les humains est le plus obligé à maintenir sa renommee vient

m'accuser d'ingratitude pour n'auoir recogneu les biens qu'il dict que i'ai receu de l'Empereur, ie vous supplie m'excuser si estant contrainct ie declare pour mon innocence quant aux biens, que ie n'en ai receus aulcuns de lui, ains qu'en lui faisant seruice i'ai receu de tresgrandes pertes, comme vous entendrez clairement s'il vous plaist m'escouter patiemment.

Or doncques il dict que pour la succession de feu l'accusation Monsieur le Prince René mon Cousin, l'Empereur d'ingrating. m'a traicté fauorablement. Mais en quoi ? premierement il ne s'est iamais trouué Seigneur si mal aduisé qui ait voulu quereller contre moi la succession, tellemet que si elle ne m'a esté empeschee par l'Empereur, qu'ail faict pour moi que le plus ennemi iuge que i'eusse peu auoir n'eust faict pareillement? ne se trouuant partie auculne si temeraire qui aist osé se presenter pour la debattre? Et quand i'eusse eu des parties, si mon droit estoit si clair & si bien fondé que rien n'eust iamais peu estre allegué au contraire qui l'eust sceu obscurcir ni esbransler, & que la dessus l'Empereur eust doné arrest à mon proussit, que eust il faict pour moi sinon qu'il m'eust administré iustice, & ne m'eust voulu oster ce que les lois, la raison, & la nature mesmes me donoient? Mais s'il vous plaist Messieurs de considerer la nature de la succession, vous trouuerez mon droit auoir esté tel, que l'Empereur n'eust peu m'en priuer sans vn tort extreme & iniure trop euidente.

Bij

CX.

vient

Ma fuceession de Nassau, & Chaallon.

Il y auoit en la succession deux membres principaus, à sçauoir ce qui venoit de nostre maison de Nassau, dont Messieurs mes predecesseurs ayeul & bisayeuls, oncles paternels & cousin germain paternel ont ioui: à sçauoir les biens qui m'appartiennent auiourd'hui en Brabant, Flandres, Hollande & Lucembourg: l'autre estoit la successió de la maison de Chaallon. Quant à la succession de Nassau qu'on appelle communement de Breda, pour estre le lieu principal de mes Seigneuries, & ou moi & mes predecesseurs auos tenu nos chambres de comptes, conseil, & principauls enseignemens, qui est ce qui me pouuoit troubler en icelle, sinon Monsieur mon pere qui estoit oncle, & moi cousin germain de Monsieur le Prince René fils vnique de Monsieur le Cote Henri de Nassau mo oncle & frere de Monsieur mon pere? Mais tant s'en fault que ie fusse empeschéen la succession par mondice Seigneur & pere, que luy mesmes prit la peine de venir soliciter que i'en fusse mis en possession, & ne se trouuaiamais homme si impudent qui s'y voulust opposer, sinon le President Schoore, lequel en conseil dict que Filius hæretici non debet succedere. D'aultant que Monsieur mon pere ensuiuant les exemples des bons Rois comme Dauid, Iosias, & aultres, auoit reformé les Eglises de ses terres qu'il tenoit en Allemaigne & les auoit repurgees des abus selon la parolle de Dieu, & mesmes par la permission de l'Empereur. Et toutesfois pour cela ne laissa le Conseil LE PRINCE D'ORANGE.

de donner aduis selon raison & equité, comme aussi il ne pouvoit aultrement, mesmes aiant esté maintenu Monsieur le Conte de Kungstain mon oncle en la succession du Conte de Rochefort combien que lui mesme sust protestant. Puis doncque que c'estoit vn different (si differet se doibt appeller qui estoit en nostre maison, soit que la succession sufdicte fust adiugee au pere ou au fils, toutesfois suiuant les lois) aultres que nous n'i pouuoient pretendre auleun droit.

Quant à la maison de Chaallon, Premierement Les baronies de Bourgoiil ne se peult dire pour les Baronnies que ie tien & gne & en Dauphiné. possede paisiblement au duché de Bourgoigne & au Daulphiné de Viennois que i'en soy obligé à l'Empereur, caril n'y auoit non plus de puissance que moi, le tout estant en la puissance du Roi de France qui saississoit egallement le Conté de Charollois appartenant à l'Empereur, & mes baronnies quand la ruisen des querres guerre se mouuoit entre eus deux, tellement que ie ne lui en puis estre aulcunement obligé, sinon de ce que ie fu compris au traicté de paix de Soissons, qui est le moindre debuoir qu'il eust peurendre à la memoire de Monsieur mon Cousin qui estoit peu de temps au parauant mort en la mesme expedition & à ses pieds au siege de saint Disser, apres tant de faicts d'armes pour son service. Et moins m'a il peu fauoriser en mo principaulté d'Orange, ou il n'auoit d'Orange. rien à veoir ni lui ni Prince quelconque, le tenant en

souueraineténuë & absoluë, ce que peu d'autres Sei-

ult que

lapa-

gneurs pourront dire. Et n'y a Prince pour leregard de mon dict Principaulté duquel i'aie besoin de l'amitié & bonne grace sinon du Roi de Frace, lequel i'espere ne vouldra toucher à ce qui appartient à vn paoure Prince qui lui est treshumble seruiteur, pour ce que la raison ne le permet, laquelle il ne vouldra Bien Suestlan du Rey oultrepasser, & aussi en consideration des loiaus seruices que mes predecesseurs ont faict à la Couronne de France & Duché de Bretaigne (dont il est descendu & est heritier) auecq grands dangers de leurs vies,

grandes despenses, & infinis trauaus.

Il reste doncq ce qui m'appartient au Conté de Bourgoigne & dequoi si iniustement & tyrannicquement i'ai esté si long temps spolié & depossedé, qui me reuient iusques à present à prest de deux millions de perte. Mais ie vouldroi en premier lieu que on se souint pourquoi le Conté de Bourgoigne est appellé Franc, à sçauoir entre aultres raisons par ce que la franchise & liberté des Seigneurs & tenans bien audict pais, est, qu'ils ont puissance de tester & disposer de seurs biens comment & à qui bon leur semble, sans pouuoir estre ni pour femmes ni pour enfans ou heritiers quelcoques forcez à disposition aultre de leurs biens sinon comment il plaist à leur volunté. Puis donc que Monsseur le Prince René meu de sa propre volunté sans aultre esgard qu'il eust à moi, qui estoi encores lors ieusne enfant viuant en Allemaigne soubs la puissance & discipline de mes maistres & gouverneurs, & n'aiant aultre re-

framhe Comto our ita diratur

Les biens en la Franche Conté.

LE PRINCE D'ORANGE.

spect sino que l'estoi son cousin germain, m'a institué son heritier vniuersel, ce qu'il a faict suiuant la puissance qu'il en auoit selon les lois & coustumes du païs, si dis-ie i'en doi rendre graces à quelqu'vn, c'est à la memoire dudict Seigneur Prince lequelestant l'aisné de nostre maison a voulu comme ie lui debuoi succeder à ce rang d'aisneesse, que ie vinsse aussi à lui succeder en ses biés. Ie ne veoi point doncques insques à present que ie soi obligé de rien pour ceste successio à la maison d'Espaigne, & n'y a hom-

me du monde qui le peult dire auec verité.

Mais l'Empereur donna ottroi audict Seigneur Prince de tester à qui bon luy sembleroit, & en vertu de l'ottroi le Prince m'a choisi pour heritier. Ce- L'ottoi. la Messieurs est à mon tresgrand aduantage, & ne peult seruir à mon ennemi. Car quand l'Empereur a accordé l'ottroi, il ne sçauoit pas qui debuoit estre nommé heritier par le Prince, & n'a esté sceu de personne iusques au iour de l'ouuerture du testament qui fust faicte en la presence de la Roine Marie, depuis la mort dudict seigneur Prince, tellement que l'Empereur accordant l'ottroi, puis que son intention n'estoit de m'aduancer, ie ne me sen'aussi lui estre obligé, ceste faueur qui fust faicte au Prince (laquelle neantmoins la moindre personne qui soit, peult facilemet obtenir par lettres ordinaires de la chancellerie) n'estant faicte en ma contéplation. Car de iuger de l'ottroi par ce qui en est parapres ensuiui, seroit iuger cotre les regles que l'ai si souuet oui repe-

filtheion,

Exitus acta probatiter à l'Empereur, qui disoit les conseils debuoir ecareat surcessis pete stre examinez, approuuez, ou reprouuez par les caugaignes ab susta probation pube ses & non par les effects. Or posons qu'il n'y eust
point eu d'ottroi. Toutes sois rien n'a esté ordonné
par le testament de Monsseur le Prince Renéque se-

lon les lois ainsi qu'il a esté dict.

Testament militaire.

Mais que respondront ils quand oultre toutes ces raisons ie leur dirai, que le testament de Monsieur mon cousin est vn testament militaire, ce qu'ils ne peuuent debattre ni obscurcir, voire faict auec telle solennité & maturité. Fai & dis-ie & fondé par parolles expresses sur ce que ledict Seigneur Prince, qui auoit ia au parauant senti que c'estoit des dangers de la guerre en tant d'expeditions pour le service de l'Empereur, estoitia en chemin pour aller à vne guer re si dangereuse & auecq vn si grand Prince que le Roi François: & combien que ie ne sois pas vn grad docteur en lois, si est ce qu'il me souvient tresbien auoir oui plusieurs sçauans personnages disputans de ceste matiere en presence de Monsieur mo pere, qui disoient non seulement les testaméts militaires mais aussi les codicilles estre de telle valeur suivat les lois Imperiales, que si l'homme de guerre auant sa mort auoit faict la moindre marcque de sa volunté, le plus petit signe qu'on peut imaginer, comme aiant tracé de son sang sur sa targe le nom de celui qu'il veult instituer, ou de la pointe de sa hallebarde ou espec escript en terre: que ceste ordonnance de derniere voluté est inuiolable, & est preferee à toute aultre institution,

sces

stitution, suiuant les anciens privileges de ceux qui sont honorez du bauldrier militaire. Combien plus ce priuilege estoit il deu à vn si vaillant Prince & si gentil cheualier? Carici il n'est point question d'vne simple marque: il y a vn testament bien faict & meurement, non point à la haste ou par vn simple soldat blessé, tendant à la mort; mais par vn Prince de vertu & digne d'honneur immortel, assisté de son conseil & acheminé à l'expedition: non point à vn estrangier, mais à son cousin germain: non point à vn importun flatteur, mais à vn enfant estant bien loing de l'armee Imperiale qui alloit assieger St. Disier & deliberoit de donner iusques à Paris. Ordonnance dis-iefaicte non point au desceu de l'Empereur, mais auec son ottroi, ordonnance suiuant les lois & coustumes des lieus. Estant doncq si ferme, il n'a esté en la puissance d'aulcun de la debattre & moins de m'en frustrer, sinon par vne voie qui eust esté par trop tyrannique, & qui peult estre eut plus apporté de dommage à la renommee de l'Empereur que d'aduantage, s'il eust voulu me faire autre chose que la raison. Et comme il y a eu entre mes predecesseurs aulcus qui ont bien trouué moien de se faire faire raison à des Princes iniustes & ingrats qui leur detenoient leur bien, aussi i'espere que Dieu me fera encores la grace d'auoir heureuse issue contre celui qui m'a iniustement despouillé de mes biens & me veult barbarement oster la vie. Mais puis que ie suis contraint de parler encores de ceste succession, ie

voudroi qu'on me dit si l'Empereur me laissat iouir de la succession, m'a donné de son bien ou non, car si ien'ay rien receu sinon ce qui auoit appartenu à Monsieur le Prince René: ie ne voi point que le Roi puisse en faço quelcoque me reprocher, que lui, ou que l'Empereur son pere m'aient doné quelque chose, si ce n'est liberalité faire largesse du bien d'aultrui.

Mais au cotraire ores que pour le present ie taise les torts qui me sont faicts audict Conté, auquel i'ai tels droicts & preeminences, & dont on m'a despouillé, & desquels iene parle pour le present, les remettant à debattre quand les armes m'auront faict plus de raison, que l'iniustice de celui qui me detient le tout: ie n'eu pas si tost apprehendé la succession, qu'aussi tost ie su despouillé de la Seigneurie de Chastel-belin, laquelle est de si peu de valeur qu'à present me sont deus trois cents cinquante mille liures d'arrierage à cause d'icelle. Et voici le comble d'iniustice. L'Empereur fust requis par Monsieur mon pere, que pour le moins selo les droicts ie fusse premierement reintegré en la possession en laquelle auoit esté mon predecesseur, il ne le voulust permettre, seulemet me permit (estant toutes fois despouillé) de poursuiure mon droit par iustice, en quoi il me laissoit au moins quelque ouuerture, d'aultant qu'il nem'empeschoit pas de debatre mon droit cotre lui, estant la cause euocquee au parlement de Malines. Mais le fils qui neantmoins ose me reprocher ses bienfaicts, voiant la cause preste à iuger, le

La Seigne urie de Chastel-be-

Cynde VI.

LE PRINCE D'ORANGE. iour mesmes que le proces se deuoit vuider, les aduis des President & Conseilliers estoient ia enregistrez, & auoi eu aduertissement de cercher argent pour les espices, (voiez Messieurs que la Iustice estoit bien renduë par celui qui me l'auoit iuree & aux Barons de ces pais) Il interdict à sa cour de passer oultre, & laisse le proces pendu au crocq, ou il est encores à present. Voila les grands aduatages que l'ai receu de la maison d'Espaigne, voila le fondement & la base des reproches, & surquoi est appuiée ceste infame

Mais si au contraire ie vien à deduire combien la maison d'Espaigne est obligée à mes predecesseurs (car de moi ie n'en dirai encores rien,) i'ai peur d'entrer en vne mer que ie ne puisse passer en plusieurs mois. le toucherai doncques seulement les principaus points laissant à vous Messieurs & aux lecteurs la recerche particuliere desdictes obligations aux

histoires & anciens registres de ce païs.

structure de Proscription.

Celui qui est premierement venu de la maison d'Austriche au païs bas & long temps apres que mes predecesseurs y tenoient Contez & Baronnies, est l'Empereur Maximilia, lors Archiducq d'Austriche, qui est ce qui ne cognoist que le Conte Engelbert Messire Engelbert Messire Engelbert Messire Engelbert Conte de mo grand oncle, est celui qui a maintenu le dict Em-Nassau. pereur, emploiat ses biens, sa vie, & son entendemet pour le conseruer? N'est ce point le Conte Engelbert auecq Monsieur de Romont, lequel gaigna la iournee de Guinegaste, aiant par son asseurance

retenules gens de pied ensemble estans les gens de cheual mis en route, au moien dequoi furent arrestées les grades conquestes du roi Louis vnziesme, ce qui asseura depuis l'estat de Maximilian? N'estce pas lui qui au retour de sa prison de France trouua Maximilian embrouillé en Flandre cotre Monsieur de Rauestain & ceus de Bruges, & qusit tant par armes & par conseil que l'appointemen se fist: qui fust cause de maintenir derechef ledit Achi duc & qui fist pareillement entretenir l'accordaus habitans de Bruges, dont encores en demeurent auiourd'hui les marcques illustres & de sa fidelité & de la gratitude des Brugeois? C'est ce mesme Engelbert qui a dompté ceus qui se rebelloient vers les confins du Rhin, & a rendu ledit Empereur paisible des pais d'Oultre-meuze. Sans parler des voiages dangereus entrepris pour ledit Empereur, comme de Bretaigne pour le traicté du mariage entre ledit sieur Archiduc & de Madame Anne heritiere du Duché, & depuis roine de France deux fois: & auoit si bien negocié que tout estoit accordé & fust passé oultre, sans que Mons. Iehan Prince d'Orenge pere de Monsieur Philibert rompit ce coup, & procura le mariage de ladicte dame sa cousine ger-Ledict Conte maine auecq Charles Roi de France. Et furent les Lieutenant general des le merites & valeurs dudit Sr. Conte si grands en ces
temps du Duc pais qu'il fust Lieutenant general par tout le pais

Charles.

Le successeur & heritier es biens de ces pais dudit

Sr. Conte Engelbert, fust Monsseur le Conte Iehan de Nassau son frere & mon ayeul : & apres sa mort Messire Henri succeda Monsieur le Conte Henri mon oncle fils aisné dudict Seigneur Conte Iehan aus biens de pardeça, en Brabant, Lucembourg, Hollande & Flandres: Monsieur le Conte Guillaume mon pere aus biens d'Allemaigne. Personne ne peult nier que de son temps il n'y a eu Seigneur en ces pais qui plus ait trauaillé pour le seruice de l'Empereur Charles quelui: & affin que ie ne m'estende à reciter ce qui est tant cogneu, seulement ie vous dirai en vn mot que c'est lui qui a mis la couronne Imperiale sur la teste de l'Empereur, aiant poursuiui tellement cest affaire lors que l'Empereur pour son ieune aage, & pour son absence (car il estoit en Espaigne) n'estoit capable de le poursuiure, qu'il persuada aux Electeurs de preferer l'Empereur aux roi de France qui contendoit aussi pour le faict de ladicte election. Et comme il est notoire à vn chacun que ceste couron ne Imperiale a esté le pont, qui par apres a faict passage à l'Empereur pour tant de conquestes, on ne peut denier que la recognoissance n'en doibue estre faicte audict Seigneur Conte. Mais me pourra on à present monstrer vne seule marque de recompense, vn seul bienfaict que nostre maison aie receu de celle d'Espaigne? On veoit en plusieurs places de ces pais les pieces d'artillerie aus armes de Hongrie, que le roi de Hongriea donnéà mes prede-

cesseurs, pour tesmoignage & memoire de leur

C 111

vertu qu'ils auoient emploiée à leur seruice contre les Turcs, desquelles pieces aulcunes m'ont esté violentement emportées par le Duc d'Alue hors de ma maison de Breda lors qu'il tyrannisoit en ce pais,& aulcunes y sont encores demourées, ce que ie mets en auant pour dire que tant que ces pieces durerot, tant aussi dureront ses marques de la vertu de mes ancestres, & vn illustre tesmoignage qui leur a esté rendu par le Roy de Hongrie. Mais comme mes predecesseurs ont estési nobles, & par la grace de Dieu & leur bo mesnage n'estoient point paoures, ils n'ont rien demadé des Princes de ces pais, ni aufsi n'ont rien receu de gratuit. Et toutes fois pour le moins la couronne Imperiale meritoit bien quelque recompense. Ie confesse que la succession de Chaalon & du Principaulté d'Orange, a esté vn grand acroissement à nostre maison. Mais si nous en sommes obligez à quelqu'vn, vraiement c'est au grand Roi François, qui donna en mariage à Monsieur mon oncle la seur de Monsieur le Prince Philibert, fille de Monsieur le Prince Iehan, laquelle auoit esté nourrie auecq la Roine Anne, belle-mere dudict Seigneur Roi, & de laquelle estoit cousine ladicte Princesse. Et voiezicy Messieurs l'honnesteté de ceMonarque.L'Empereur a receu sa couronne par les peines & trauauls de mon oncle : le roi François qui sçauoit ce que ledict Seigneur auoit faict pour son competiteur ne laisse lui donner ceste Princesse en mariage, heritiere presum-

ptiue de son frere Monsieur le Prince Philibert, recognoissant ledict roi ne debuoir sçauoir mauuais gré à celui qui auoit constammét suiui le parti qu'il auoit pris. Tellement que ie puis dire comme disent les historiographes de son temps, que ç'a esté vn gentil cœur de Prince & liberal. Et quand l'Empereur auroit concedé quelque chose à la memoire de Monsieur le Prince René, & que suiuant la dis- né. position derniere, il auroit accordé à sa volonté quelque privilege & benefice extraordinaire : ie vous prie estant vn si valeureux Prince qui lui auoit tant faict de seruices, aiant par la force des armes no seulement reparé le dommage d'vne bataille perdue pour l'Empereur, mais aussi lui aiant reconquis le duché de Gueldre, & parapres venir icelui mesme mourir aus pieds de l'Empereur & pour son seruice, seroit ce toutes fois recompense condigne rendue à si loiaus & si signalez seruices?

Que dirai-ie du Prince Philibert, lequel seul luy a Le Prince Phiacquis la Lombardie, le Roiaulme de Naples, & auec Monsieur de Bourbon lui a asseuré l'estat de Rome, & lui a pris le Pape, en somme l'a rendu coblé de toute grandeur & felicité: & maintenant le fils viendra reprocher à la memoire de tels princes que l'Empereur a faict iustice à leur successeur & Cousin? Que si ceus de Nassau n'auoient vescu par ci deuant, si ceus d'Orange n'auoiet tant faits d'armes deuat que le Roi fust nai: il n'auroit pas mis tat detiltres sur le front de ceste proscription, par la-

Early European Books, Copyright © 2011 ProQuest LLC. Images reproduced by courtesy of Koninklijke Bibliotheek, Den Haag. Pflt 556 APOLOGIE DE MONS.

quelle faulsement & calumineusement il me prononce trahistre & meschant, ce qui ne tumba iamais & espere ne tumbera en aulcun de ma race. Mais qu'on me responde par le commandement de qui le Cardinal de Granuelle a empoisonné l'Empereur Maximilian dernier n'estant encores Roi des Romains? Ie sçai ce qu'il m'en a dict, & que depuis il a eu telle crainte du Roi & des Espaignols, qu'il en a esté plus craintif à faire profession de la Religion laquelle il cognoissoit toutes fois estre la meilleure.

Obiection paigne audict Seigneur Prince.

des biens & Il poursuit & dict, qu'il m'a successiuement continué & aug-hôneurs faiets par le Roi desse menté de plus en plus, m'aiant faiet de son ordre, en apres Lieutenant general au gouvernement de Hollande, Zelande, V trecht, & Bourgoigne, de son conseil d'Estat, & m'afaiet plusieurs biens & honneurs. Quant aux biens ie ne puis aulcunement le recognoistre, si on ne veult appeller bienfaicts les grandes despenses que i'ai faictes tant pour le seruice de l'Empereur que du Roi. Car ceus qui ont vescu de ce temps, & principalement du Roi, peuuent auoir souvenance comme la cour a tousiours esté grandementaccompaignee de noblesse de plusieurs & diuerses nations, & pour la pluspart de noblesse Allemande. Or chascun sçait que ma maison a tousiours esté ouverte, & que i'auoi ordinairement la descharge & le defrai, soustenant les despenses de la cour pour le peu d'ordre qu'il y auoit de la part du Roi. Vn chascun sçait aussi la grande & excessive despense qu'il me conuint soustenir au voiage, auquel contre ma volunté & plusieurs protestations faictes à l'Empereur

l'Empereur & à la Roine de Hogrie, ie fu contrainct de porter la couronne de l'Empire à l'Empereur Ferdinand, d'aultant qu'il ne me sembloit raisonnable que l'emportasse la couronne de dessus la teste de mon maistre, qui y auoit esté mise par mes predecesseurs. Depuisiesi le voiage de France, auquel ie fu enuoié pour l'vn des hostages pour l'execution de la paix de Chasteau en Cambresis, qui m'apporta aussi vne extreme despense, tellement que ie puis bien asseurer en ces trois articles, ioinct aussi aux frais que l'ai faicts aux dernieres armees & principalement celles de Philippe-ville & de Charlemont ou i'estoi general, auoir faict despense de plus de quinze cents mille florins, & toutesfois la chambre des comptes peult encores faire foi que ie n'ai iamais eu recompense d'vne maille pour ces serui-. ces, mesmement estant Lieutenant general d'armee que ie n'ai receu pour tous gages que iije. florins par mois, qui n'estoit pas pour paier les seruiteurs qui tendoient mes tentes. Tout au contraire, sila Roine de Hongrie viuoit encores elle auroit bien souuenance de ce qu'elle me dict, quand l'Empereur se trouuant en la plus grande extremité qu'il fust iamais, par les armes du Duc Maurice & du Landtgraue Guillaume d'vne part, & de l'autre par celles du Roi de France, fist la paix de Passau, à si grand inte-Lapaix de rest de nostre maison, laquelle lui seruit (auecqnostre grand perte & despens) de lui conseruer l'empire qu'elle lui auoit acquis au parauant. Car comme

en plaine assemblee de l'empire par aduis des Electeurs l'Empereur eleué en son throsne & siege imperial nous eust adiugé & par arrest, le Conté de Catzenellenbogen auec plus de deux millions de florins d'arrierage, il fit toutesfois sa paix à nos despens, remettant par l'accord de Passau nos parties en possession, sans aulcune recompense: ce que ie ne propose pour faire resusciter le proces, duquel nostre maison depuis a appointé auecq la tresillustre maison des Landtgraues de Hessen, desquels nous fommes bons parents & seruiteurs: mais c'est pour faire entendre à tout le monde les grands biens que nous auons receu de la maison d'Espaigne, & que chascun entéde qui c'est, qui peult à bon droict estre taxé d'ingratitude. Ce n'est pas Messieurs le premier semblable traict qu'onnous a faict : car Monsseur le Prince Renéaisné pour lors de nostre maison poursuiuant si valeureusement la guerre de Cleues, l'Empereur lui promist de n'appointer iamais auecq le Duc de Cleues, sinon à codition de nous laisser paisibles du tiers du Duché de Iuilliers, qui nous appartient par la succession de Monsieur le Conte Iehan de Nassau mon bisaieul, & Marguerite Contesse de Iuilliers & de la Marck: toutesfois se voiant victorieus appointa comme il·lui pleust, oubliant que ceste victoire lui estoit acquise par la sueur & vaillantise de mondict sieur & cousin.

La paix a uecq Monfieur le Duc de Cleue.

me l'ai dict ci dessus, que l'Empereur ne m'ait gran-

LE PRINCE D'ORANGE.

dement honoré, m'aiant nourri & faict de sa chambre l'espace de neuf ans, & depuis en mes deus premieres guerres m'aiant donné charge sur toutes les ordonnances de ce pais. Et combien que ie n'euse attaint encores l'aage de vingt & vn an, estant mesmes absent de la cour à sçauoir à Bueren, neatmoins le Duc de Sauoie faisant vn voiage, l'Empereur me Prince genechoisit pour general de l'armee, combien que les Sei-nice à l'arge gneurs du Conseil, & la Roine mesme en presentassent plusieurs aultres, desquels la capacité estoit tresgrande, à sçauoir Messieurs les Contes de Boussu, de Lalaing, Martin van Rofsum vieuls cheualiers, & les Contes d'Arenbergh, de Meghen, & d'Egmod qui estoit aagé de douze ans plus que moi : ce neatmoins ores que ie ne fusse nommé d'aucun (comme depuis ils respondirent à l'Empereur) à raison de ma ieunesse, si est-ce qu'il pleur à l'Empereur me choisir pour les raisons que lors il declara, & lesquelles la Roine de Hongrie me contraignant de prendre la charge, me fit entédre par apres, lesquelles aussi pour le present i'aim mieus taire que les exposer, pour ne sembler vouloir moimesmes par trop me hautlouer & priser. Ie di encores plus, qu'il pleust à l'Empereur me faire venir du camp, lors Messieurs qu'il vous declara la volunté qu'il auoit de remettre ses Roiaulmes entre les mains du Roi, & lui pleut encores tant m'honorer, qu'il ne voulut faire cest acte solennel en mon absence, & mesmes voulut se presenter en vostre assemblee estant appuié sur moi à cau-Dij

ene

se de son insirmité, ce que plusieurs estimerent pour lors m'auoir esté à tresgrand honneur. Mais quand ainsi seroit que depuis le Roi m'eust faict quelques honneurs, toutes sois ie ne voi point qu'il s'en puisse en sorte quelconque preualoir, puis que contre tout droit & raison, & contre son propre serment, il me les a voulu oster.

Car quant à l'ordre si l'Empereur & le college des cheualliers m'ont donné leur vois, ie n'ai non plus d'obligation à lui qu'à vn des aultres cheualliers, veu qu'il lui estoit necessaire de trouver bon ce que le college approuuoit, comme il sçait que contre son aduis & sa volunté nous eleumes au dernier chapitre de l'ordre tenu en ces païs à pluralité de suffrages, plusieurs cheualliers, & les sismes receuoir. Mais quand ainsi seroit que ie lui en seroi redeuable, toutesfois tant s'en fault qu'il me le puisse reprocher, qu'au contraire il en est lui mesme decheu. Il a iuré & est contenu aus chapitres d'icelui, que les cheualliers de l'ordre doiuet estre iugez par leurs freres. De faict il ne fut iamais en la puissance du Duc Philippe surnommé le Bon de contraindre Messire Iehan de Luxembourg à quitter le sermét qu'il auoit au roi d'Angleterre remettant ledict Seigneur de Luxembourg la decision de leur different au college des cheualliers. Mais les freres que le Roi a donnez à Messieurs les Contes d'Egmod & de Hornes, Marquis de Bergues, & de Montigny, ont esté des facquins, des chiquaneurs & gens de neant, par lesquels aussiil m'a

Les priuileges de l'ordre.

faict condamner contre toute voie de droit, ainsi que l'ai par ci deuant protesté & ai allegué les nullités deuant toute l'Europe. Tellement qu'aiant lui mesme contreuenu à son serment contre les chapitres du college, il n'est aulcunement à ouir en telles reproches, esquelles se trouuent grauces les marques de son serment rompu & violé. Et au reste si ie doi rendre graces à auleun, de l'ordre, des gouvernemens & aultres dignitez : c'est à l'Empereur lequel l'a ainsi voulu & l'a ordonné deuant que partir du pais, aiant au parauant cogneu mes debuoirs & ma fidelité, nommement pour raison de mes seruices en la conduite de son armee, en laquelle i'auoi en teste Monsieur de Neuers, & seu Monsieur de Chastillon Admiral de France, qui a bien faict depuis cognoistre qu'il estoit vne rude partie, ce neantmoins Dieu merci n'emporterent rien fur moi, ains i'edifiai à leur barbe Philippe-ville & Char lemont, ores que la peste affligea estrangement nostrearmee.

Quant au gouvernement de Bourgoigne, ie puis Le gouvernement de bien asseurer n'en auoir iamais receu aulcune cho-Bourgogne. se, joint que mes predecesseurs ont de tout temps maintenu qu'il leur appartenoit hereditairement: & de faict Madame Philiberte de Luxembourg, estant Monsieur le Prince Philibert son fils en Italie, fist assembler les estats de Bourgongne en ma ville de Nozeroi: & sur ce qu'aulcuns le trouuerent mauuais, pour estre madicte ville sur l'vne des frontie-

D iii

mre los

APOLOGIE DE MONS.

res du Conté de Bourgongne, elle respondit qu'elle vouloit entretenir la possession des Seigneurs de la maison de Chaallon qui estoient gouverneurs hereditaires du Conté de Bourgongne. Mais quoi qu'il en soit, les deportemens du Roi en mo endroit monstrent assez qu'il ne peut m'obiecter ces honneurs lesquels contre toutes regles d'honneur il m'a voulu oster auecq la vie & les biens, m'aiant contre tout droit diuin & humain, raui mon propre enfant mesmes contre les priuileges du païs qu'il a iurez a la ioieuse entree.

Conseillier d'Eftat.

Car quant à la charge de conseiller d'Estat, i'ai assez suffisamment monstré en ma defense faicte par ci deuant en l'an soixante sept, quele Cardinal & aultres auoient practiqué que i'y fus appellé pensants se couurir seulement de mon authorité enuers le peuple, & pourtant ie ne me doi sentir leur obligé, puis que ce faisant ils ne cerchoient pas tant mon aduantage que leur prousit. Que si ils sont decheus de leur esperance, il fault qu'ils l'attribuent ou à leur incapacité de n'auoir peu assez sagement conduire leur entreprise, ou ce qui est le plus veritable (car ils n'auoient pas faulte de sens) leur meschanceté a esté si grande, si visible & si palpable que persone ne les a peu souffrir, ains ont esté iettez hors du païs come vn venin, poison, & vne peste publicque.

Du mariage dernier du-

Or d'aultant qu'on ne s'est pas seulement addresdernier dus die seigneur sé à ma personne pour m'accuser d'ingratitude & d'infidelité, mais aussi come la rage & fureur mord u'el-

sde

eurs

es ho

121, 12

mou

drel-

more

egallement tout le monde, aussi bien l'innocet comme celui qu'on iuge estre coulpable, ainsi leur petulance a esté si grade que de vouloir toucher à l'honneur de ma compaigne par le blasme qu'ils cuident mettre sus à mon dernier mariage. Iene sçai si ie les trouue plus à condamner en impudence, ou en bestise, n'aiant sceu ces sçauants hommes qui se vantét d'estre si bons peintres practiequer la leçon chantee & rechantee par les plus petits escolliers, Celuy qui s'appareille pour mesdire d'aultrui doibt estre exempt de tout crime. Car c'est vne impudence & temerité si ils cognoissent leurs faultes si notables, & neantmoins passent par dessus leurs espines & chardons comme si c'estoient roses: ou si ils ne les cognoissent, quelle bestise est ce, quelle stupidité, de ne point veoir ce qui se presente à toutes heures à leurs yeus? Ils voient touts les Incesse du iours vn Roi incestueus qui est à vn seul demi degré sne. pres vn Iuppiter mari de Iunon sa propreseur: & ils m'osent reprocher vn mariage saint, honeste, legitime, faict selon Dieu, celebré selon les ordonnances de l'Eglise de Dieu! Et derechef ie suis ici contraint de vous prier Messieurs ne penser ce que vous n'auez iamais veu en moi que ie soi esmeu par mesdisance à descouurir ces abominables vlceres, & met tre deuant les yeus de tout le monde le cautere de telles consciences: mais qu'il vous plaise l'imputer à ceste rage & fureur desesperee des ennemis de Dieu, de toute la chrestienté, & les vostres en particulier, qui ne sont enflambez cotre moi pour aultre raison

Roine d'Ef-Paigne.

ma diligence, & fidelité à vostre conservation. Celui doncq qui a espousé sa niece, ose me reprocher Meurtre de la mon mariage! vn mariage dis-ie legitime & selon Dieu! Celui lequel pour paruenir à vn tel mariage a cruellement meurdri sa femme, fille & sœur des Rois de France! comme i'enten qu'on en a en Fráce les informations: Sa femme legitime! mere de deus filles vraies heritieres d'Espagne! comme ie ne doubte que la couronne de Frace, laquelle par ci deuant a donné la couronne de Castille à vn bastard duquel Philippe est descendu, depossedant vn tyran toutesfois legitime, n'aura moins de puissance de la maintenir aux vraies heritiers, si Dieu qui est iuste iuge & qui ne laisse iamais telles meschancetez impunies n'en faict la vengeance durant sa vie le priuant de son estat, commeil l'a tresbien merité, quand il n'auroit faict aultre faulte qu'en cest inceste accopagné d'vn meurdre si abominable. Mais il a eu dispēse. De qui? du Pape de Rome qui est vn Dieu en terre. Certes c'est ce que ie croi: car le Dieu du ciel ne l'auroit iamais accordé. Or quela esté le fondement de ceste terrestre-diuine dispése ? c'est qu'il ne falloit pas laisser vn si beau Roiaulme sans heritier: & voila pourquoi a esté adiousté à ces horribles faultes precedentes vn cruel parricide, le pere meurdrissant inhumainement son enfant & son heritier, affin que par ce moien le Pape eut ouverture de dispense d'vn si execrable inceste, abominable à Dieu & aux homes.

mes. Si donc nous disons que nous reiettons le gouvernement d'vn tel Roi incestueus, parricide & meurdrier de sa femme, qui nous pourroit accuser iustement? combien y ail eu de Rois bannis de leurs Roiaulmes & chassez, qui n'auoient pas commis des crimes si horribles? Car quant à Don Charles, n'estoit il pas nostre Seigneur futur & maistre presumptif? Et si le pere pouvoit alleguer contreson fils cause idoine de mort, estoit ce point à nous qui y auions tant d'interest, plustost à le iuger, qu'à trois ou quatre moines ou inquisiteurs d'Espaigne? Mais peult estre qu'il faisoit conscience de laisser pour heritier celui qu'il sçauoit estre nai en mariage illegitime, d'aultant que du temps qu'il faignist espouser l'infante de Portugal mere de Don Char-Mariage du les, il sçauoit estre marié à Donna Isabella Osorio, Bonna Isade laquelle aussi a eu deus ou trois enfans, dont le premier se nomme Don Pedro, & le second Don Bernardino, duquel mariage pourroit donner bon tesmoignage Rigomes Prince d'Yuoli s'il estoit viuant, caril en fust le negociateur, dont lui est venu ce grand credit, & tant de biés en Espaigne, lesquels à present ingratement on ressuce de sa veufue comme d'vne esponge. Que si il s'est si bien porté en ce presumé mariage, celui qu'il a contracté auecq la fille de France n'a pas gueres esté plus heureus: car oultre le meurdre de la Roine sa femme, il a aussi esté ennobli d'un adultere qualifié entre tous aultres. C'est qu'il a tenu mesnage ordinaire auec Don- a Eufrasia

auecq Don-

enter-

mill-

na Eufrasia, laquelle estant enceinte de son faict, il contraignit le Prince d'Ascoli l'espouser, & au bout de quelque temps (comme les seruiteurs de la tyránie disent) le paoure Prince mourut de deplaisir, pour ne pouuoir remedier (aiant trop forte partie) à ce qu'vn bastard du faict d'aultrui ne fust son heritier. Mais ceuls qui en parlent plus certainement, afferment qu'il receut vn morceau plus aisé à aualler que non pas à digerer. Et maintenant celui qui est orné d'vne couronne de trois tels mariages, estant disie vn tel mari trois sois, ose me reprocher mon maria-

ge.

Mais ores qu'il ne fust tellement souillé & qu'on peult le tenir pour innocent, si est-ce que ie ne crain point qu'il me puisse reprocher aucune faulte: & Dieu merci ie n'ai rien faict que bien meurement & auec le conseil de plusieurs personnages d'honneur, sages, & discrets. Et n'est besoin qu'il se donne beaucoup de peine de chose en laquelle il n'a que voir, & de laquelle aussi ie ne suis tenu de luy rendre aulcun compte. Car quant à ma defuncte femme elle appartenoit à Princes de tres-grand lieu, Princes sages & d'honneur, lesquels ie ne doute qu'ils n'aient toute satisfaction. Et quand ie vouldroi entrer plus auant en ce discours, ie luy pourroy bien faire cognoistre que les plus sçauants de ses docteurs le condamnent. Quat à ce qui touche le mariage auquel ie suis allié à present, quoi qu'ils facet bouclier du zele qu'ils veulent faire paroistre auoir aus traditions de , 1

affer-

uzele

ons de

l'Eglise Romaine: si est-ce qu'ils ne feront iamais croire à persone de ce mode qu'ils soient plus grads zelateurs d'icelle Eglise que Monsseur de Montpensier Monsieur mo beaupere, lequel ne faict pas profession de sa religion comme faict le Cardinal de Granuelle & ses semblables, mais comme il pense sa conscience lui commander, & toutesfois aiant bien poisé ce qui est passé, & aiant oui l'aduis de plusieurs des principauls de la cour de Parlement de Paris assemblee à Poictiers pour les grands iours, aiant aussi oui l'aduis des Euesques & Docteurs, a trouué comme telle est la verité que non seulement ores qu'il y eut eu promesse de la part de ma compagnie, elle estoit nulle de droict, pour auoir esté faicte en bas aage, contre les canons, ordonnances de France, & arrests des courts souueraines, mesmes contre les canons du Concile de Trente auquel mon ennemi defere tant: mais que iamais n'y eust auleune promesse faicte, ains plusieurs protestations au contraire, dont est apparu par bonnes informations faictes mesmes en absence de ma compaigne. Et quand tout cela ne seroit point, si est-ce que ie ne suis pas si peu versé en la bonne doctrine, que ie ne sçache tous ces liens de coscience retors par les hommes ne pouuoir estre à aulcune obligatio deuant Dieu. Et ne me peult empescher ce qu'on dict, que si telle chose estoit permise à Seigneur de ma qualité, pour le moins que le Pape en debuoit donner dispense. Car il y a log temps

Dieu merci que ie sçai bien que peult valloir ceste trassicque de dispenses de Rome: & tant s'en fault que ie vueille auoir recours à celuy qui m'aiusques à present procuré tout le mal qu'il à peu, que i'espere bien comme ce bon pasteur me faict & à toutes gens de bien du pis qu'il peult, aussi que Dieu me fera la grace d'aduancer la ruine de ce regne mysticque qu'ila dressé en sa speluncque de Rome, au moien duquel il a dominé par ci deuant sur toute la terre faisant baiser sa pantousse aux Princes & Rois, voire foulant aux pieds vn Empereur.

Que ledice Seigneur Prince n'est estranger.

On m'obiecte aussi que ie suis estranger. Comme si le Prince de Parme estoit vn grand patriot qui n'est point nai en ce pais, n'y a vn patard de bien ni tiltre, aulcun & lequel neantmoins comande à baguette à quelques maladuisez & qui se rendent ses obeissants comme des paoures esclaues. Mais qu'est ce qu'ils appellent estranger? A sçauoir celui qui est nai hors du pais. Il sera doncq aussi estranger comme moi: caril est n'ay en Espaigne pais naturelemet ennemi des païs bas, & ie suis nai en Allemaigne païs naturellement ami & conioint à ce païs. On respondra qu'il est Roi: & ie di au contraire que ce nom de Roi m'est incognu. Qu'il le soit en Castille en Arragon, à Naples, aux Indes, & par tout ou il commande à plaisir: qu'il lesoit s'il veult en Ierusalem, paisible Dominateur en Asse Africque, tant y a que ie ne cognoi en ce païs qu'vn

ceste

ault

ues

Ro-

Empe-

otqui

com-

emet

it en

& par yeult

Afric-

Duc & vn Conte, duquel la puissance est limitee selon nos priuileges lesquels il a iurez à la ioieuse entree. Quant à ce qui me touche, il est notoire que moi & mes predecesseurs desquels ie suis descendu en droitte ligne masculine, auons commencé de plus de deux cents ans de posseder Contez & Baronies és pais de Luxembourg, Brabant, Flandres, Hollande. Car enuiron l'an mil trois cents quarante, Monsieur le Conte Otthon, duquel ie suis descendant en septiesme degré & duquel ie suis heritier aisné, espousa la Contesse de Vianden, & depuis le Contédudict Vianden n'est parti de nostre maison, ains en auons tousiours iouï paisiblement, iusques à ce que le Roi m'en a iniustement depossedé. Depuis Monsieur le Conte Enghelbert premier, fils du fils dudict Conte Otthon, espousa la Dame de Leck & de Breda, duquel aussi ie suis descédu en ligne directe masculine, & en cinquiesme degré. Puis-ie donc estre à bon droict appellé estranger? Sans que ie touche pour le present à mes biens de Bourgoigne, ou i'ai Dieu merci assez bonne part. Et ie vous laisse à iuger Messreurs qui cognoissez mieus nos lois que gens du monde, comment nos ancestres en ont vsé de temps immemorial, & si les Sieurs de Reuestain, de Luxembourg, & de Saint Paul, de Neuers, d'Estampes, & aultres Seigneurs tenant Contez & Baronies en ce païs, ont esté tenus pour estragers, & si encores auiourd'hui vous ne tenez pas pour naturels tous E iii

ceus qui possedent telles Seigneuries, moiennant qu'ils veullent suiure le parti de ces païs, & mesmes n'en en auons nous pas loi expresse entre nous tant en Brabant qu'ailleurs? Car quant au tiltre de Duc de Brabant, Conte de Flandres & aultres qu'il porte, encores que ie confesse ces dignitez estre grandes: toutesfois si lui & les Espagnols ne le sçauent, il fault qu'ils apprennent que les Barons de Brabant, auecq les bonnes villes du pais, quand les Ducs de Brabant se sont tant oubliez que de sortir des termes de raison, leur ont bien enseigné qu'elle estoit la puissance des Barons & generalement des estats du pais de Brabant. Or il est notoire que ie suis descendant de Seigneurs lesquels par aulcuns siecles ont possedé des principales Baronies & Seigneuries de Brabant, Flandre, Hollande & Luxembourg. Mais i'espere que Messieurs les estats ont si bien commancé à lui monstrer combien il a failli en son debuoir, & que lesdicts sieurs lui en feront encore vne si bone leçon, que les paoures Siciliens, Calabrois, Lombars, les Arragonnois & Castillans apprendront par nostre exemple ce tyran ne debuoir estre souffert en la terre: & les paoures Grenadins mesmes, sçauront comment il fault traicter ce tyra, lequel du temps de la guerre des Morifques fit emprisonner enuiron cent marchants habitants de Grenades & tout Chrestiens, dont le moindre auoit vaillant cinquatemil ducats, & puis par vn tumulte populaire les fist massacrer, mettant en ses

coffres tout le bien de ces paoures gens. Et en somme Messieurs les estats Dieu aidant lui enseigneront comment il fault traicter ceus qui faulsent leur serments faicts & donnez à vn si bon peuple à leur ioieuse entree.

nes

rand

eltar

M CA

es Gir

1201-

ny 160

t enle

Mais Messieurs si ie vien à passer plus oultre, & que ie vienne à vous deduire le long temps passé auquel mes predecesseurs ne sont pas seulement originaires mais Seigneurs & tenants grands biens, tiltres & dignitez en ces païs: ie vous diray du temps que ces predecesseurs estoient Contes de Habsbourg & demeurants en Suisse, que les miens estoient long temps auparauant Seigneurs du païs de Gueldre, dont encores à present sont demeurees les armes de nostre maison de Nassau, pour les ar- Les Contes mes des Ducs de Gueldre: & n'auons pas tenu Contes & comme en passant ledict pais, mais depuis que Gueldre de Monsieur le Conte Ottho eust espousé la fille heri-1039. iusques en l'an 1330. tiere du Voght ou regent de Gueldre (car ainsi nommoit-on les Seigneurs de Gueldre en ce temps là) ce qui aduint l'an mil trenteneuf iusques en l'an mil trois cens cinquante mes predecesseurs ont esté Seigneurs Contes & Ducs du païs de Gueldre, comme encores on peult en veoir les monuements: & ie m'asseure tant s'en fault que celui qui m'appelle estranger puisse monstrer telles marques qu'il est originaire de ces pais, qu'au contraire audict temps sa race estoit incogneuë du tout en ce impudences. Ic ne vous toucherai rien Mest, sing

sot & ridicule, contenant ainsi qu'il dict le progres

de mes entreprises, parce que plusieurs d'entre vous ou lors que ces affaires ont esté commancees

du pais bas tenus pour Subiects &

n'estoient en aage competant pour les entendre, ou bien pour ne s'estre lors encores entremis és affaires publicques ne pouuoiet veoir comment tou-Les habitans tes choses se conduisoient par l'astuce des Cardinalistes, & par le Conseil venant d'Espaigne lequel a esclaues des tousiours voulu commader à ce pais comme il faict aux aultres, estant selon leur opinion le Chef des Seigneuries & nous leurs subiects & esclaues: ie vous reciterai comment toutes choses ont esté conduites par ces bons cerueaus qui pensent le reste du monde estre des bestes aupres d'eux iusques à nous auoir emmenez à deus doicts pres de nostre ruine & d'vne seruitude miserable si Dieu par sa prouidence n'auoit veillé sur nous, & ne nous auoit deliurez de leurs conseils & mains sanglantes. Et vous supplie Messieurs comme i'ai ici besoing encores de vostre patience, de continuer à me donner aussi bonne audience comme vous auez faict: & ie ne doubte comme plusieurs d'entre vous ont veu le tout ou partie de mes gestes & deportemens, ou l'ont entendu leurs peres & aultres gens de bien qui en ont esté tesmoings, que m'aiant oui vous ne iugiez facillement mes parolles estre aultant veritables que celles de mon ennemi sont faulses & impudentes. Ie ne vous toucherai rien Messieurs de ce aus,

a le row

en qui

ous ne

nilles &

dece

de ce que i'ai veu du temps de l'Empereur, non pas Le naturel des q ie ne me soi apperceu de plusieurs choses mises tousiours cruen auat & practiquees par les Espaignols que ie ne pour vn temps trouuoi point bonnes, & que ie n'entendisse assez charles. que la maladie auecq le temps pourroit tellement accroistre qu'il seroit en fin necessaire d'yser d'vne forte & puissante medecine, & purger le pais de ces pernicieuses humeurs Espaignolles. Mais pour ne point cognoistre lors à raison de mon aage & peu d'experience la profonde malice des Espaignols & de leurs adherens, ie ne m'eusse peu persuader que nous eussions esté contraints d'apporter le cautere à ce chancre d'Espaigne ou bien en venir iusques au rasoir. Mais depuis qu'auecq l'aage i'ai aussi esté d'vn iugement plus confirmé, i'ai bien eu contraire opinion à plusieurs qui n'eussent sçeu penser la rage & cruaulté des Espaignols pouuoir venir si auant, car rien n'est aduenu à quoi pour auoir eu cognoissance bien particuliere de leur naturel cruel, auare, orgueilleus, ie ne m'y soi bien & certainement attendu long temps auparauant. Ie passerai doncq ce temps la, lequel aussi ne vient aulcunement à estre comparé en sorte de debordement & tyrannie à celui qui a passé depuis au temps du Roi son fils, non que les Espaignols fussent lors meilleurs qu'ils ne sont à pre fent, car ils faisoient trop euidente preuue aus Indes & aultres lieus ou ils commandoient absolutement, de leur naturel peruers, & tyrannicque volonté: mais leur ambition & orgueil estoient aulcune-

ment retenus par la bonne affection que l'Empereur portoit aus paoures subiects de ce pais, & d'aultant que ces prouinces estoient plaines de braues Seigneurs, hommes sages & vaillants ressentants leur ancienne noblesse (& pleust à Dieu qu'ils eufsent des enfants semblables à eus) qui servoient de bride à leur insolence & de contrebatterie à leur orgueil & temerité. Je viendrai doncq au temps qui a suiui, pour ce aussi que celui qui a esté heritier des biens & non des vertus de l'Empereur est celui, qui me vient affaillir d'vne façon pluf-que barbare & tyrannicque.

L'Empereur de treshaulte memoire & la Roine Marie voiants leurs affaires tellement empirees par l'issue tout aultre que le Pape & les Espaignols ne s'estoient promis de la guerre d'Allemaigne s'estant ioint le Roi de France auec aulcuns des principauls Princes d'Allemaigne, sa Maiesté fust contrainte appointer auecq son ennemi estants ses affaires en tel estat, que desesperant de pouuoir garder ses L'empereur se pais delibera de se retirer en Espaigne pour y de-

demet de ses Seigneuries fur

Roiaulmes & mener vne vie priuce, apres s'estre demis de tous ses Roiaulmes, terres & Seigneuries sur la personne de son fils. Et combien que le Roi pour raison de la condition de son estat & de ses Seigneuries nommement des pais bas eust besoing (comme aussi il en auoit tresexpres commandement) d'entretenir ses subiects en bonne volunté & affection enuers lui, veu que de leurs moiens

pe-

e & ty-

es en

Olens

& valeur dependoit entierement le salut du pais & le maintiennement de son honneur : toutesfois soit ou pour la nourriture qu'il auoit prise en Espaigne ou par le conseil de ceus qui l'auoient & l'ont depuis possedé, il a tousiours retenu en son cœur la volunté de vous assubiettir à vne seruitude simple & absolue, qu'ils ont appellée entiere obeissance, vous priuants entierement de vos anciens priuileges & libertez, pour disposer de vous, vos femmes & vos enfants, comme font ses ministres des paoures Indiens, ou pour le moins comme des Calabrois, Siciliens, Neapolitains, & Milanois, ne se souvenants pas que ces pais n'estoient pais de conqueste, ains patrimoniaus pour la pluspart, ou qui volontairement s'estoient donnez à ses predecesseurs soubs bonnes conditions. Et d'auantage qui auoient serui tant à l'Empereur son pere qu'au Roi son aieul de fondement pour esleuer l'edifice des Roiaulmes & Seigneuries ausquels on voit la maison d'Austriche estre paruenue, estant auiourdhui sans contredict la plus grande & plus puissante de toute la Chrestienté. Ceste affection ne s'est que trop manifestee incontinent apres le departement de l'Empereur, comme si les Seigneurs qui viuoient lors nous restoient encores, vous en pourroient rendre suffisant tesmoignage. Car aussi tost qu'il fust contraint de rentrer en guerre auecq le Roi Roi ennemi de de France veu la puissance de son ennemi, ioints ces pais.

Le cœur du

APOLOGIE DE MONS.

aussi les sages aduertissemens de l'Empereur, s'il eust eu vne seule estincelle de bonne & sincere affection enuers ces païs, il deuoit au moins entretenir ses subiects en bonne deuotion. Mais au milieu de ses grandes affaires (tant estoit le desir de tyranniser desbordé) il fist trop claire & trop certaine de-Aduls de lem-pereur donné monstration de sa mauuaise volunté. L'empereur Messieurs qui cognoissoit mieus que Prince ni

au Roiso fils.

homme du monde, la superbe & orgueilleuse nature des Espaignols, & peult estre l'inclination du Roi son fils, d'autre part l'estat de ce pais, ce qui le pouuoit perdre ou conseruer, aduertit serieusement le Roi, si il ne retenoit cest orgueil d'Espaigne, qu'il preuoioit bien qu'il seroit cause de la ruine entiere de cest estat, lequel à la longue ne pourroit souffrir ceste insolente domination, que les Espaignols exercent par tout ou ils peuuent. Et lui fist ceste remonstrance en la presence de feu Monsieur le Conte de Boussu pere du dernier decedé, moi & plusieurs autres Seigneurs de la chambre dont il y en a encores de viuants. Mais ni l'authorité & commandement paternel, ni le bien de ses affaires, ni la iustice, ni (ce qui retient les plus barbares nations) son serment, n'ont peu en rien moderer ce naturel & volonté de nous tyranniser : ains au contraire comme s'il eust esté par dessus toutes lois, priuileges & libertez du païs, sur l'equité mesme & iustice, a rompu touts liens pour se desborder en toute sorte de haine irreconciliable & de cruaulté.

, 51

iffe-

equile

шпе

Elpai

noi &

ntily

Tall'é

Aice,

e for

Ence téps la Messieurs vous lui accordastes l'aide L'aide Noue. qui fust appellée Nouenale, par laquelle aide & par la vaillantise & sage conduite des Seigneurs & nobles de pardeça, & de plusieurs braues Seigneurs & foldats Alemáds, ses affaires furent si bien & si heureusement conduites, qu'apres legaing de deux batailles, prises de villes & prisonniers de grande part & en grand nombre, contraingnit son ennemi de receuoir vne paix aussi desauantageuse au roi de Frace, qu'elle estoit honorable & prouffitable pour le Roi d'Espaigne, & s'il m'est licite de dire quelque chose de moi, s'il lui restoit vne goutte de gratitude, il ne pourroit denier que ie n'aie esté l'vn des principauls instrumens & moiens pour le faire paruenir à vne telle paix & si aduantageuse, l'ayat traitée en priué auec Messieurs le Conestable de Motmoranci & Mareschal de sain& André, à l'instance du Roi, qui m'asseura que le plus grand seruice que ie lui pourroi faire en ce monde c'estoit de faire la paix, & qu'il la vouloit auoir à quelque pris que ce fust pour ce qu'il vouloit passer en Espaigne. Or tant s'en fault que ni lui ni son conseil composé de Espaignols&d'aulcuns de ce païs qui ont tousiours continué en inimitié contre vous, vostre liberté, & tout le pais, vous sceussent auleun gré ni d'yn si beau secours, ni de l'heureuse execution qui en ensuiuit, qu'au contraire ils iugerent ceste subuention auoir esté vn crime de leze Maiesté, & pour lequel vous auiez encouru (& par dessus touts, feu

Fin

Le seu seigneur Monsseur de Lalaing) à bon droit sentence de punide Lalang & loronistation de Lalang & loroni mort par les Es voulustes rien accorder sans la conuocation des Estats generauls, & que vous voulustes coupper les ongles à ces harpyes de Barlemonts & leurs semblables, quand vous ordonnastes les deniers estre distribuez par vos commis aux conditions proposees. Voila à la verité deux grands crimes, le premier, à sçauoir requerir l'assemblee des Estats: car d'aultant qu'elle sert de bride & de barre à la tyrannie, c'est vn crime aultant hai des tyrans, mangeurs de peuple, ennemis de leurs subiets & de leur propre couronne, que ceste noble assemblée est aimée, honoree, & reueree par les vrais Rois, vrais Princes & les bons peres du peuple, vrai fondement d'vn estat, l'asseurance de la Republicque, & le seul repos des Princes. L'aultre crime ne se pardonne iamais: car ces rogeurs de peuple, viuants du sang des paoures ges, ont desilong temps fait estat de leurs larrecins & concussions, qu'ils reputent leur peculat estre vn reuenu aussi bon & aussi asseuré, mais beaucoup plus fructueus que de leurs champs & iardins, dissimulants la vraie cause du mal qu'ils cachent à leur Princes, cerchent des pretextes en les flattant & en mentans pour embraser leurs cœurs contre leurs subjects.

> l'ai veu Messieurs leurs gestes, i'ai oui leurs propos, i'ai esté tesmoing de leurs aduis, par lesquels ils vous adjugeoient tous à la mort, ne faisants

LE PRINCE D'ORANGE. non plus d'estat de vous que de bestes, s'ils eussent eu la puissance de vous massacrer come ils sont es Indes, ou ils ont faict mourir miserablement plus de vingt millions de personnes, & ont exterminé trentefois plus de païs que n'est grand le païs bas, auecq des exces si horribles que toutes les barbaries, cruaultez & tyrannies qui furent iamais faictes, ne sont que ieu au pris de ce qui est aduenu aus paoures Indois, comme par leurs propres Euesques & docteurs a esté laissé par escrit : & pour rendre le Roi inexcusable deuant Dieu & deuant les hommes, luy en a esté dedice l'histoire par vn de ses subiects auquel il restoit quelque peu de iustice. De ce temps là doncq Messieurs moi & les autres Seigneurs & plusieurs des plus gens de bien & entendus de la noblesse & du peuple trouuions bon de faire sortir du pais les Espaignols, estimants bien ores qu'il y eust encores quelque sang corrumpu entre nous come on en veoit rester plus qu'il ne seroit de besoing (qui est issu de ceste race infectee de la cotagion des peres) qui seruoiet lors à l'ambition des Espaignols & trafficques du Cardinal : ce neantmoins que le meilleur nombre & tous les Seigneurs de la plus grade qualité, seroient ennemis de ceste tyrannie Espaignolle: mais partie pour aultres occupations, partie pour mon voiage & de quelques autres Seigneurs en Frace ou nous fusmes enuoiez en hostage, aussi pour assister au mariage de la

sne

des

Der

11/2

dim-

rges,

Prin-

eurs

pto-

fille de France, l'affaire fust interrompu & l'execution empeschee. Maintenant tant s'en fault Messieurs que ie veuille denier vne grande partie de ce qui est proposé contre moi, que ie le tien au contraire à grand louange, & vous en dirai peult estre d'aduantage que ne sçauent mes ennemis : & d'aultant plus qu'ils s'escrieront contre moi, & donneront tesmoignage de leur futur & cœur ennemi contre ce païs d'autant plus ie me resiouirai de ce, qu'il a pleu à Dieu me faire la grace d'aider à coupper le cours de ceste demesuree tyrannie, & par ce moien aussi auoir aidé à l'ouuerture de la vraye Religion.

Ils disent des que le Roi eust tourné le pied de ces pais bas que Lamitié que le l'ai par sinistres practicques, trames, & astuces tenté de gaigner les Seigneur Prin- volontez des Malcontents chargez de debtes, hayneus de la instice, stuce à toussours dieus de nouveaultez, & sur tout ceus qui estoient suspects de la Reli-portee à ceuls dieus de nouveaultez, & sur tout ceus qui estoient suspects de la Reli-de la Religion, gion. Quant à ceus qui auoient la cognoissance de la Religion, ie confesse que ie ne les ai iamais hais. Car puis que des le berceau i'y auoie esté nourri, Monsieur mon pere y auoit vescu, y estoit mort, aiant chassé de ses Seigneuries les abus de l'Eglise, qui est ce qui trouuera estrange si ceste doctrine estoit tellement engrauce en mon cœur, & y auoit iecté telles racines qu'en son temps elle est venue à apporter ses fruits? Car combien pour auoir esté si longues annees nourri en la chambre de l'Empereur, & estat en aage de porter les armes, que ie me trouuai aussi tost enueloppé de grandes charges es armees

LE PRINCE D'ORANGE. mees, pour ces raisons dis-ie & veu le peu de bonne nourriture quant à la religion que nous auions, i'auoi lors plus à la teste les armes, la chasse & aultres exercices de ieunes Seigneurs que non pas ce qui estoit de mon salut: toutesfois i'ai grande occasion de remercier Dieu, qui n'a point permis ceste sainte semence s'estouffer, qu'il auoit semee lui mesmes en moi, & di d'aduantage que iamais ne m'ont pleu ces cruelles executios de feux, de glaiue, de submersions, qui estoient pour lors trop ordinaires à l'endroit de ceus de la Religion, ainsi que l'escriuain ou le peintre comme il se dit de ceste infame proscription les appelle: en quoi ores qu'il flatte, qu'il mente, qu'il calumnie par tout ailleurs, neatmoins a tresbien parlé en cest endroit, disant ceus lesquels il codamne estre de la religion, comme veritablement icelle seule merite ce nom par excellece, & ce que la verité mesme lui a arraché de la bouche, tat est grande la force & vertu d'icelle verité. Mais quand estant en France i'eu entendu de la propre bouche du Roi Henri que le Duc d'Alue traictoit des moiens pour exterminer touts les suspects de la religion en France, en ce pais & par toute la Chrestieré, & que le dict Seigneur Roy (qui pensoit come i'auoi esté l'vn des du Roi d'Est commis pour le traicté de la paix, auoi eu communi- Duc d'Alue d'exterminer cation de si grades affaires, que ie fusse aussi de ceste religion co. partie) m'eust declaré le fond du conseil du Roi d'Es-Roi de Franpaigne & du Duc d'Alue: pour n'estre enuers sa Mté dia Seigneur Roi au Sei-

paigne & du Duc d'Alue en desestime, come si on m'eust voulu cacher quel-gneur Priu-

ecu.

Aef.

e ce

as que

Accord

Mon-

OR-

es al

mas

APOLOGIE DE MONS.

que chose, ie respondi en sorte que ledict S'. Roi ne perdit point ceste opinion, ce qui lui donna occasion de m'en discourir asses suffisamment pour entendre le fond du proiect des Inquisiteurs. Je confesse que ie fu lors tellement esmeu de pitié & compassió enuers tant de gens de bien qui estoiét vouez à l'occision, & generalement enuers tout ce pais auquel i'auoi tant d'obligation, & auquel on vouloit introduire vne inquisition pire & plus cruelle que celle d'Espaigne, voire que c'estoient des filere tédus pour surprendre les Seigneurs mesmes du pais aussi. bien que le peuple, defaçon que ceus que les Espaignols & leurs adherens n'auoient peu supplanter par aultre voie, fussent tombez par ce moien en leurs mains, dont il eust esté impossible d'eschapper, puis qu'il n'eust fallu que regarder vneimage de trauers pour estre condamné au feu. Voiant dis-ieces choses, ie confesse que des lors s'entrepri à bon escient d'aider à faire chasser ceste vermine d'Espaignols hors de ce païs, & ne me repen point de l'a-Ventrepuise voir faict, ains i'estime que moi & Messieurs mes copaignons auecq tous ceus qui ont fauorisé vne si louable entreprise, auons faict vnacte digne de louange immortelle qui eust esté accopli de tout poinct & eussions acquis la mesure comble d'honneur si nous eussions aussi bien fermé la porte apres leurs, talons, tellemen qu'ils n'y eussent iamais rêtré, que nous auions lors trouvé les moiens d'en nettoier le pais. Et vous di encores Messieurs d'aduantage, &

des Seigneurs pour faire fortir du païs les Espaignols,

ne

Media

nagede

t difie

que

ige, &

veuil bien que tout le conseil d'Espaigne, voire que tout le monde l'entende: si mes freres & compaignons de l'ordre & du conseil d'Estat eussent mieus aimé conioindre leurs conseils auecq les miens, que de faire si bon marché de leurs vies, que nous eufsions tous emploiez corps & biens pour empescher le Duc d'Alue & les Espaignols de rentrer dedans le païs, & encores à present ie suis cotent qu'ils entendent, comme desia vne partie est tellement nettoiee de ceste ordure, qu'il n'y a plus de memoire en icelle sinon de leurs ossements, aussi que ie ne cesserai auecq l'aide de Dieu & moiennant vostre faueur (laquelle i'espere ne me defauldra point) de m'emploier de toute ma puissance auecq vous Messieurs, pour purger tout le pais en general de ceste vermine, & pour la faire repasser & tous ses adherens de là les monts pour y troubler leurs propres pais, & nous laisser viure en paix & repos, du corps, des bies & de la conscience. Ils se trompent doncq bien fort quad ils pesent que i'ai entrepris vn tel ouurage apres leur partement de ce pais : carie l'ai faiet lors que i'estoi en France à la chasse auecq le Roi, eux estants encores ici, & ne cessai que par le moien de feuë de tresbone memoire, Madame de Sauoie ie n'eusse obtenu congé de reuenir en ces pais sur ma foi, & auecq promesse de retourner à Reims pour le sacre du Roi Fraçois second, & estant ici venu ie sollicitai non pas des banquerouttiers mais des gens de bien & d'honneur, & des premiers & plus notables personages

du pais, pour demander au nom des Estats que les Espaignols fussent contraints de se retirer, ce que fust finallement executé, & se peuuent souvenir les ennemis, qui estoient ces bons & honorables personages qui leur porterent ce tresdesaggreable message, & se les representants, ils cognoistront leurs

impudences & calumnies.

La requeste. presentee par la No-blesse.

Mais quant à ce qu'ils disent que i'ai esté le principal autheur de la Requeste presentee, ie veuil bien dire Messieurs ce qui en est : c'est qu'aiant bien senti le mal estre tellement accreu, qu'il n'estoit plus question de brusser seulement des paoures gens qui se laissoient ietter dedans vn feu, mais que plusieurs de la meilleure noblesse & des principauls d'entre le peuple en murmuroient, craignant quelque dangereuse issue, comme ie veoi deuant mes yeus la France auoir enduré vn dangereus acces de guerre ciuile pour semblable occasion, & aiant doubte que nous ne fussiós assaillis en ce païs d'vne mesme maladie qui a ordinairement des accidents tresdagereus, & plus difficiles à guarir que la maladie mesmes (come helas nous ne le voions que trop) Voiant dis-ieces choses, pour l'obligation que l'auoi à raison de mon serment, & pour mon debuoir enuers le pais:ie priai Messieurs mes freres & compaignons cheualliers & principauls cosseilliers d'Estat de s'assembler à Hoochstraten, en intention de leur remonstrer le dager apparet auquel estoit le païs, à sçauoir de tumber en guerre ciuile, & que le vrai & vnicque moien

LE PRINCE D'ORANGE. pour l'empescher estoit, que nous qui par raison de nos grades & offices auions authorité au païs prinsions le faict en main pour apporter le remede que nous trouuerions conuenable au bien du pais, & faire seulement que les creatures du Cardinal, qui ne demandoient qu'effusion de sang, bannissemens confiscations de biens, en somme plaies & meurdres ni missent la main, qui eust apporté vne ruine certaine au pais: aultrement que ceus qui ne trouuoient bon qu'on brussa à l'accoustumee, n'auroient faulte de chef qui le vouldroit empescher. Et combien que ie leur remonstrasse beaucoup de raisons pour les faire condescendre à mon aduis, & que i'y adioustasse oultre la bonne amitié qu'il y auoit entre nous, aussi l'aduis de Monsieur le Conte de Schvvartzenbourg mon beau frere, & le Seigneur George van Hol, qui auoient pour lors tresgrand credit enuers les Seigneurs pour les signalez seruices faicts à ces pais : toutesfois il ne fust en ma puissance de rien impetrer, & ne me proussita ceste entreueue d'aultre chose sinon d'vn tesmoignage à tout le monde, que preuoiant de loing le mal que nous voions à present, i auoi cerché tous bons moiens pour le preuenir & diuertir. Mais ceux desquels rai parlé qui trouuoient ces persecutions dures, & qui ne voioient icelles durantes aulcun repos asseuré en ce pais (commeil aduient toussours en semblables affaires) se mirent à proposer nouuelles entreprises, lesquelles pour raison de mes charges ie

les

Tue

is que

ele

quesse

reus,

trouuai moié de descouurir: tat y a que craignat qu'il n'en ensuiuist vne tresdangereuse issue, & estimant que ceste voie estoit la plus doulce & vraiement iuridicque, ie confesse n'auoir trouué mauuais que la requeste fust presentee, ce que tants'en fault que ie veulle desguiser que ie tien à tresgrand auantange pour mon honneur & reputation & pour le seruice du Roi & du pais: car si les sages conseillers du Roi eussent esté si aduisez de l'accorder, tant de miseres ne fussent ensuiuies, par lesquelles peus en est fallu que tout le pais n'ait esté consumé. Mais s'ils desirent sçauoir la vraie & prochaine cause de ladicte requeste & de ce qui en est ensuiui, qu'ils s'en prennent à leur cruaulté insatiable qui ne se contentoit pas de la rigueur intolerable des placarts, mais suiuat l'exéple de ce fol Roboam, & en croiants le conseil d'vne femme mal aduisee, d'vn Cardinal creature du Pape, & aultres semblables, ils disoient, Le pere vous à chastiez descourgees, & le fils vous chastiera de scorpions. La dessus est mise en auant la poursuite à toute instance de la receptió des nouveaus Euesques qui auoient esté erigez quelque temps au parauant, c'est à dire aultant de bourreaus pour brusser les paoures Chrestiens, les priuileges foullez aux pieds, & par qui?par vne femme passionnee & cepen dant armee du masque de puissance d'vn Roi, de trahison, periures, finesses Cardinales. Voila dis-ie l'enclume Messieurs sur laquelle a esté forgé tout le mal qui est ensuiui, pour n'auoir pas faict telquil

1011

antang

e lerui-

uRoi

Weigh

Yeour-

vas de

confeh

e pere

aftiera

Eucl-

para-

Falls

etta-

dif-ie

e roll

aid to

le saison à la requeste presente par la noblesse qu'il estoit necessaire : en quoi ie sçai & le puis protester deuant Dieu & deuant vous Messieurs, que ie ne si aulcune faulte à monhonneur & à monferment, ains l'aduerti la Duchesse & tous les Seigneurs du Conseil, de ces grands inconueniens qui depuis ont ensuiui, tellement que tout le malleur en doibt estre imputé. Car tant s'en faut qu'ils vouleurent me donner audience, qu'ils pensoient au contraire auoir trouué vn subiect propre pour executer ce qu'ils auoient de long temps proietté, à sçauoir apres auoir ruiné ceus qui estoient soupçonnez de la Religion, pouvoir par apres facilement reduire le reste soubs. vne miserable & intolerable seruitude. Er non seullement de ma part Messieurs, mais aussi par plusieurs autres leur furent faictes diuerses remonstrances publiques & particulieres; & par gens de bien & amateurs du pais, voire du Roi, plus qu'il ne meritoit, & faduertirent en temps & lieu du danger futur, & quel estoit le debuoir du Roi, à raison de son serment, de ses obligations, des conditions ausquelles il auoit esté receu pour St. de ces païs, & auparauant lui, ses predecesseurs. Mons'. le Conted'Egmond mesme fust enuoié en Espaigne pour faire les dictes remonstrances à la propre personne du Roi: ce neantmoins tant s'en fault qu'on y ait peu proussiter quelque chose, que ledict Seigneur Cote au contraire estant abusé souleur de la parolle du Roi qui luy a depuis cousté bien cher, apporta

APOLOGIE DE MONS. \$6

lettres toutes contraires à ce que le Roi lui auoit de bouche donné charge de dire: tellement que lors il fust contraint de confesser que i'auoi bien preueu deuant son voiage ce qui en aduiendroit. Et encores ces disciples de Macchiauel nous vouldront ici esblouir les yeus de ces beaus masques de loiaulté fidelité, naturelle clemence, & semblables mots dorez & specieux, & ce pendant ils ne feront difficulté de seiouer des serments qu'ils font, ni des parolles données à personnages de telle qualité! Voilà donc les autheurs, promoteurs & instructeurs des troubles suruenus à raison de la premiere requeste & vous auez entendu Messieurs quel a esté le conseil

que i'y ai donné.

De Monfieur le Cote Louis de Nassau.

Quant à ce qu'ils parlent de defunct Monsieur le Conte Louis mon frere, Ils feroient mieus de laisser vn si bon cheualier en paix, veu qu'il a esté plus home de bien & sans comparaison qu'ils ne sont, & meilleur Chrestien: & ne fai no plus d'estat de ce que ils l'appellent hereticque, que nostre Seigneur Iesus Christ faisoit quand d'aussi gens de bié que sont nos ennemis l'appelloient Samaritain. Quant aus pres-Des affem. ches publiques qu'ils appellent à leur mode hereticblees public-ques de ceus ques, il vous est assez notoire Messieurs par qui & comment ils furent introduits: tant y a que ie n'auoi pas lors tant de credit qu'on m'en demanda aduis & ne le conseillai iamais: toutesfois les choses estat venues en tels termes, ie cofesse auoir esté d'aduis que la Duchesse de Parme les accordast, en quoi

fiiai

LE PRINCE DORANGE. si i'ai mal conseillé, pour le moins ce qui a suiui par apres monstre assez que ceuls qui ont trouué mauuais mon conseil ont tresbien mesnagé les affaires de leur maistre, & quant & quant Dieu a monstré cobien que pour vn téps il a affligé les siens, que neantmoins il ne laisse iamais vn periure si bien qualisié que celui du Roi & de la Duchesse de Parme sans le punir grieuement, assin que tout le monde sçache qu'il ne dict pas sans cause, qu'il ne tiendra point pour innocent celui qui prendra son nom en vain.

Quant aus abbateurs d'Images & autres desordres, ie croi Messieurs qu'il n'y a aulcun de vous qui ne sçache assez q telles voies & manieres de faire ne me plaisent aulcunement, & que plusieurs de ceus qui me deburoient aider & soustenir, m'ont d'aultre part à grand tort deschiré, pour n'auoir iamais voulu consentir que telles choses se fissent sans ordon-

nance des Superieurs.

oitde

elors

eueu

s mots

Otaba-

e pluchó.

e ce que

nt nos us prel-

cherengaqui

quele

manda

Red'ad

enquol 1121

Ils ne sont aussi mieus fondez en ce qu'ils disent que la prouidence de la Duchesse de Parme fust si grande que ie fu contraint de sortir du pais. Ils diroient peult estre quelque chose s'ils disoient, les tromperies de la Duchesse & ses periures : & si ils parloient du peu de re- du Seigneur solution & trop grande facilité à croire d'aulcuns maigne, qui attendirent les bourreaus, & de la trop grande affection vers le Roi de moi & aultres Seigneurs, qui persuadasmes à Messieurs de Berghes & de Motigni d'aller en Espaigne, estimants que pour leurs

Des images abbatuës.

bons seruices & la noblesse de leur race, le Roi seroit content d'entendre par leur bouche ce qui estoit necessaire pour la conservation du pais, plus tost que par les Espaignols: mais voiant qu'ils auoient esté traictez comme chascun sçait, ie pensai auoir iuste occasion de prendre garde à moi de plus prest. Si dis-ie ils disoient ces choses, ils diroient vne partie de verité. Mais vn an au parauant l'auoi resolu de me retirer & remettre mes chages, comme appert par les lettres escrittes de la main propre du Roi & lesquelles sont ioincles à ce present escrit, ce qui monstre assez la falsité de leur propos. Et si quelqu'vn veult sçauoir pourquoi vn an apres ieme retirai en Allemaigne ma defense mise en lumiere l'an soixante sept en monstre asses les causes, à sçauoir principallement pource que ie ne vouloi consentir que l'inquisition d'Espaigne fust receuë en mes gouuernements, à raison dequoi ie les auoi remis au parauant entre les mains de ladicte Duchesse, en intention de viure en paix & en repos auecq mes parents & amis, & en attendant ou qu'il pleust à Dieu de mieus conseiller le Roi, ou s'il empiroit encores, que Dieu lui mesmes ouurist la porte pour deliurer ce paoure pais, que ie veoi plongé en vn abisime de maus & de calamitez. Car qui recitera sans estre transperce de deuil les bannissements, les rauissements des biens, les emprisonnements, les torements soufferts, les especes de morts horribles & miserables dont ces gents sanguinaires.

LE PRINCE D'ORANGE.

le-

hor

surmontants en cruaulté Phalaris, Busyris, Neron, Domitian, & tous tyrans, ont persecuté les paoures subiects de ce pais? Et non obstant ces choses, ne voiant pas le moien de le soulager de ceste misere, ie me contenoi paisiblement: & pour le moins par ce qu'ils disent en ceste proscription m'auoir esté offert durant le traicté dernier de Cologne ils doibuent cognoistre, qu'ils se pouuoient contenter de Prince par toumon bannissement voluntaire, & ne me poursui inflice de prendre les armes. ure plus auant : veu mesmes que ie leur auoi faict sçauoir par personnage de qualité & qui est encores viuant, s'ils entreprenoient de toucher à mon honneur & à mes biens biens, qu'ils me contrandroient de donner tel ordre à mes affaires que ie pourroi. Mais comme gens forcenez apres ne m'auoir peu attirer par leurs paroles emmiellees & blandissantes, le Roi me pensant amuser par ses lettres par trop honnestes, & que ie cognoissoi clairement estre pleines de deception, Le Conte de ils s'adressent premierement à mon fils ieusne enfant Escolles & miens de la contraction de la contrac escollier, & contre les priuileges de l'vniuersité le ti- contre le ser-ment donné à rent violentement de Louuain : mesmes sur la re- la ioieuse enmonstrance faite par l'Vniuersité, ce barbare de Ver- Brabant, gas respond barbarement, Non curamus Vestros privilegios. Ils le tirent hors de Brabant contre les priuileges du pais, contre le serment du Roi, & l'enuoient en Espaigne pour l'esloigner de moi qui suis son pere, & iusques à present detiennent cest innocent en prison dure & cruelle: tellement quand ils H ii

gne a cotrain&

Bueren pris aus né en Espaigne

Prince.

ne m'auroient faict aultre tort, ie seroi indigne non seulement de ma race & du nom que ie porte, mais aussi du nom de peresi ien'emploioi tous le sens & tous les moiens que Dieu m'a donnez, pour essaier de le retirer de ceste miserable seruitude, & me faire reparer vn tel tort. Car ie ne suis point Messieurs tant desnaturé que ie ne sente les affections paternelles, ni si sage que souuent le regret d'vne si longue absence de mon fils ne se presente à mon entendement. Ils ne se contentent pas encores, mais contre toute forme de iustice ils apprehendent Les procedures mes freres les Cheualiers de l'ordre, ils me poursuil'honneur, la uent par adiournements, saissssements de biens, & du seigneur me poussent comme par force à entreprendre plus me poussent comme par force à entreprendre plusieurs choses à quoi ie n'auoi iamais pensé, ils mettent le proces de mes compaignons & le mien contre les articles de l'ordre, contre le serment du Roi, qui en estoit le chef, entre les mains de ie ne sçai quels facquins, qui n'estoient pas dignes destre les vallets de mes compagnons & de moi: ils me degradent, ils me priuent de mes biens, ils me condamnent à la mort: & qu'est-ce cela aultre chose sinon me quitter de mes serments? de me mettre en liberté de venir assaillir mon ennemi, par touts les moiens que Dieu m'auroit donnez? Voila comment lors que ie ne cerche que repos, ils suscitent le trouble, ie cerche la paix, ils me iettent en guerre: & quelle guerre? vne guerre entreprise pour deliurer mon enfant, pour guarantir ma vie, recouurer

non

nais

nt Me

Ctions

MOES,

DIU-

dist

erment

es del-

con-

om-

tent

deli-

mes bies, & qui est le plus cher pour mon honneur, & ie ne vous touche ici Messieurs encores rien de ce qui appartient au general. C'est donc Messieurs ce qu'ilz passent legierement & soubz silence, & ce que de propos deliberé ilz obmettent comme veritablement ne seruant pas de beaucoup à leur cause. Si doncq n'estant subiect naturel du Roi (commelui mesme dit) si estant absous de mes serments par ceste inique ban & sentence, si aiant iuste fondement de demander par la force mon fils & mes biens, si dis-ie ie l'auoi chassé non seullement du pais bas, mais de toutes ses terres & Seigneuries, & quand mesmes i'affecteroi les faire mo propre, puis que contre tout droit & equité, contre son sermét, il m'a par force contraint d'entreprendre vne guerre necessaire, lors que de toute ma puissance ie la fuioi, & m'a fait ces oultrages du temps mesmes ou peu apres que par ses propres lettres & escrittes de sa propre main, me rendoit si grand & si solennel tesmoignage de fidelité, que personne du monde n'en eust peu desirer d'aduantage, come appert par la copie de la lettre inseree ci apres : qui est ce qui me pourroit accuser d'aultre faulte, sinon d'auoir trop temporisé deuant que prendre les armes, & de ne vouloir iouir de ce que le droit de la guerre & des gens me done, à moi dif-ie qui suis nai Seigneur libre, & qui ai cest honneur de porter le nom de Prince absolut, encores que mon principaulté ne soit de longue estendue?

H iij

La iustisi catio de la prise des

Mais puis que leur principal fondement est que armes par le l'ai pris les armes contre mon superieur, ie suis aussi content d'entrer en ceste matiere ou ils se trouveront auoir aussi bon fondement qu'ailleurs. Et en premier lieu ie vouldroi qu'ils me dissent à quel tiltre le Roi Philippe heritier du bastard Henri de Castille, possede le Roiaulme de Castille & de Leon: car il est trop notoire que Henri son predecesseur estoit bastard, qui se rebella contre le legitime heritier qui estoit son propre frere & seigneur, lequel il occist de sa main propre. droit donc auoit ce bastard grand aieul du Roi?Ils respondent que Don Pedro estoit vn tyran: & de fait ilz lui donnent communement le nom de cruel. Maissi à ce tiltre Philippe tient la Castille, pourquoi ne voit il qu'on le peut chausser à la mesme mesure qu'il chausse les aultres? Et si iamais il n'y a eu plus cruel tyran, qui plus ait violé, plus superbement & auecq moins de respect les priuileges du pais, qui ait auec moins de pudeur rompu sa foi iuree, que Philippe, ne sera il pas plus indigne de porter la couronne de Castille, que Don Pedro? car pour le moins Don Pedro n'estoit incestueux ni parride ni homicide de sa femme. Et si on dict que cela ne me touche en rien, ie fuis content d'approcher de plus pres, combien que ie n'ai pas deliberé de m'arrester sur ce que ie vous dirai presentement. Mais quand ie prendroi les armes cotre lui, & qu'il seroit simplement mon superieur, & que

LE PRINCE D'ORANGE. 63 ie se serdi nai son subiet (ce qui n'est pas, comme lui mesmes le confesse) que feroi-ie que son predesseur n'aist faict contre l'Empereur Adolf de Nissia son superieur. Vn chascun qui cognoist quelque peu es affaires d'Allemaigne sçait, comment Albert premier Duc d'Austriche de ce nom & race Albert Duc de (car auparauant il portoit le tiltre de Conte de les armes cotre Habsbourg) sarma contre ledict Seigneur Empe-Nassau Empe-Nassau Empereur mon predecesseur: & combien que Dieu voulust que ledict Empereur mourust en bataille, toutesfois ie sçai ce que les plus sages escriuains en ont iugé, quoi que Gerard lors Archeuesque de Maienceprincipal autheur de la coniuration l'aist voulu desguiser & obscurcir. Et de faict si on veult prendre garde de pres à l'histoire, on trouuera que ceste partie fust dressee par le Pape Boniface (duquel il est dit Intrauit Vt vulpes, regnauit Vt Leo, moritur Vt Canis) pour ce que l'empereur ne l'auoit voulu recognoistre pour tel qu'il se disoit, & pourtant lui suscita Albert qui desia estoit assez malcontent, pour auoir Boniface 8. Pa esté Adolph preferé à lui en l'election, quelques Euesques aussi par trop adonez au Pape, s'adioignirent à lui. Mais qui est-ce qui eust voulu adorer vn si meschant homme, qui faisoit en son Iubilé. pourter en triumphe deuant lui deux espees, faisant crier par celuy qui en portoit l'vne: O Christ voila ton vicaire en terre, & par l'aultre: O Pierre voi-

la ton successeur? Et de faict aiant faict vn si mes-

Z,

t que

e & de

ment

chant tour à l'Empereur, & aiant à sa deuotion Albert voulust pourvne mesme raison en faire aultant au Roi de France Philippe le bel, donnant son roiaulme audit Albert, lequel il fist se nommer Roi des Romains & des François: mais il trouua les prestres de France moins à sa deuotion & moins puissants, & tout le Roiaulme reueillé par les doctes plaidoiers de maistre Pierre de Coignieres, & vn Roi resolu qui sit prendre sa fatuité (comme le Roi l'ap-Le Roi Philip- pelloit en ses lettres) à Anania, par vn des Seigneurs mance falettre & l'aisné de la noble maison des Colonnes & par vn Gentilhomme de Languedocq nommé Nogaret qui le menerent à Rome, ou ils le firent mourir commme il auoit tresbien merité. Mais comme i ai dict ie ne veuil point m'appuier sur ces fondemens, ains ie veuil venir aux obligations mutuelles qui sont entre lui & nous. Prenons doncq que tout cela ne soit point, ne sçait il pas bié sil est Duc de Bra-La instificatió bant, que ie suis à raison de mes Baronnies vn des ames par les principauls membres de Brabant? Ne sçait il pas à Duc de Brabat quoi il est obligéamoi, mes freres, & compagnos,

& aux bonnes villes du pais? à quelles conditions il tient cest estat? ne se souuient il plus de son sermét? ou s'il s'en souviet fait il si peu de compte de ce qu'il a promis à Dieu & au pais, & aux conditions attachees à son chappeau Ducal? Il ne seroit pas besoing Messieurs que ie vous representasse ce qu'il nous a promis deuant que nous lui aions donné le sermét, car plusieurs d'entre vous le sçauent. Mais d'aultant

qu'aultres

pe le Bel compar ces mots, Sciat fatuitas vestra.

de la prise des Estats cotre le Conte de Flan LE PRINCE D'ORANGE.

Al-

ant

Noga-

Hes qui

on des

ous a

ermen

qu'aultres verront aussi ceste defense, ie vous ai bien voulu remettre en memoire le sommaire de son serment. Vous sçauez Messieurs à quoi il est obligé, & comme qu'il n'est en sa disposition de fairece que bon lui semble, ainsi qu'il faict és Indes. Car il ne peult par violence contraindre vn seul de ses subiects à chose quelconque, sinon que les coustumes du banc Iusticial de leur domicile le permettét. Ne peult par aulcune ordonnance ou decret en facon quelconque alterer l'estat du pais. Se doibt contenter de ses reuenus ordinaires. Ne peult faire leuer ni exiger aulcunes impositions, sans le gré & du consentement expres du pais, & selon les priuileges d'icelui. Ne peult faire entrer gens de guerre au pais sans le consentement d'icelui. Ne peult toucher à l'eualuation des monnoies sans le consentement des estats du païs. Il ne peult faire apprehender auleun subiect sans informatio faicte par le Magistrat du lieu. L'aiat prisonnier, il ne peult l'enuoier hors du païs. Ie vous prie Messieurs oiants seulemet reciter ce sommaire, ne voiez vous pas, si les Barons & nobles du pais qui ont pour raison de leurs preeminences la charge des armes ne l'opposent, ie ne di pas quand ces articles sont violez, mais quand ils font tyranniquement & superbement foullez aux pieds, quand non vn article, mais touts: no vne fois mais vn millió de fois: nó seulemet par le Duc, mais par des Barbares sont enfraints & corrupus: Si dif-ie les nobles suiuant leur sermét & obligation, ne cotraignent le Duc à faire raison au pais, ne doibuent ils pas eus mesmes estre condamnez de periure, infidelité, & rebellion enuers les Estats du pais? Et quat à moi l'ai bien vne raison particuliere & qui me touche encores de plus pres, c'est que contre tous les dicts priuileges, l'ai esté priué de touts mes biens, sans garder aulcune forme de iustice. Mais ce qui est aduenu en la personne de mon sils le Conte de Bueren, est vn tesmoignage si cler de la dessoiauté de l'ennemi & de la transgression des priuileges, que personne ne peult à bon droict doubter pourquoi i'ai pris les armes.

La premiere armee du feigneur.

Que si ie n'ai peu la premiere fois prendre pied ferme au pais, comme il me le reproche: qu'y a-il de nouueau & qui ne soit aduenu aux plus grands Capitaines du monde? & à lui mesme qui est entré si souvent auecq des armees grandes & puissantes en Hollande & Zelande, & neantmoins auec vne poignee de gens & auec l'aide de Messieurs les Estats desdites prouinces il a esté chassé hoteusement hors dudit pais, & ce grand Capitaine le Duc d'Alue & son successeur, sans qu'auiourd'hui il ait ausdicts pais vn pied de terre en sa disposition? comme i'espere moiennant vostre bonne aide qu'il n'aura de bref en tout le reste du pais. En somme par son serment il veult qu'en cas de contrauention nous ne lui soions plus obligez, nous ne lui rendions aucun seruice ou obeissance, comme appert par l'article dernier. Si doncq ie ne lui suis obligé, si ie ne lui doi plus aucun

LE PRINCE DORANGE. seruice ou obeissance, pour quoi est il si temeraire de dire que i'ai pris les armes contre mo Seigneur. Certainement entre tous Seigneurs, & Vassaus y a obligation mutuelle, & le dire du Senateur à vn Consul sera tousiours loué: Si tu ne me tiens pour Senateur aussi ie ne te tiendrai pas pour Consul. Mais entre les Vassaus y a beaucoup de differece, demeurants les vns sans comparaison en plus grande liberté que les aultres, comme nous sommes en Brabant aiants tels droits iusques à donner graces en nos terres, qu'excepté l'hommage que nous debuos, nous ne pouvons rien avoir d'aduantage: & entre aultres droicts, nous auons ce priuilege de seruir à nos Ducs, ce que les Ephores servoient à Sparte à leurs Rois, c'est de tenir la roiaulté ferme en sa main du bon Prince, & faire venir à la raison celui qui contreuient à son serment. On dira qu'il y a vne condition apposee, c'est que nous serons absouls de nostre serment iusques à ce qu'il ait reparé la faulte. Mais si iamais il ne la vouloit reparer. Si quandl'Empereur Maximilian & les Princes de l'Em pire le prient & intercedent pour nous assin que lui plaise descharger le païs, pour toute response, on leur dict, qu'ils se messent de leurs affaires, & que le Roi sçaura bien gouverner ses subiects, si quand par infinies remonstrances, par enuoi des plus illustres Seigneurs de ce pais, nous le requerons de nous faire droict, il reiecte orgueilleusement nos requestes, il faict mourir lesdicts Seigneurs, & ceuls

uent

In-

biens

spais

-011

10115

qu'il peult apprehender les faict passer par les mains du bourreau, il poursuit les autres par toutes voies indignes & cruelles: fil nous amene nouuelles armees pour nous ruiner de fond en comble : demeurerons nous là tousiours attendants la misericorde iusques à ce que la cruaulté Espaignolle nous aura couppé toute esperance de respit? Mais il veult reparer la faulte, & en a enuoié les moiés par le Seigneur de Selles: il a desaduoué le Duc d'Alue. Nous verros toutes ces choses en leur ordre, pour le present ie me contente de monstrer qu'à bon droit i'ai pris les armes contre lui, premieremet auecq les estats de Hollande & Zelande, & par apres auecq vous Messieurs, qu'il s'est periuré contre tout le pais, & en mon endroit contre les articles du Chapitre de l'ordre, contre les priuileges de Brabant, enleuant mon fils & le menant en Espaigne, me priuant des biens & dignitez, m'aiant assez rendu absoubs de mon sermet enuers lui, & à present monstrant son cœur trop bas, & neantmoins tyrannique, publiant ceste cruelle & barbare proscription comme le comble de toute iniustice & indignité.

Maintenant Messieurs puis qu'il lui plaist de sestendre aus temps qui ont suiui, ie veuil bien aussi y entrer, & ce plus volontiers d'aultant que ie n'ai rien faict de ce dont il m'accuse par ci apres, que par l'aduis, gré, & consentement des Estats de Hollande & Zelande premierement, & par apres par le vostre en general, tellement que s'il y auoit de la faulte, elle nains

sar-

ropbas

e volti

neme deburoit estre imputee: mais au cotraire ie seroigrandement à louër pour vous auoir si bien & si fidelement serui. Ie viendrai donc aus aultres accusations, mais ce sera Messieurs auec ceste condition, que ce qu'il obmet malicieusemet pour couurir son cœur mauuais & cruel, & neantmoins ne laisse de le faire soner par petits libelles diffamatoires, ie le ramétoiue & le mette en euidence come i'ai fait cy dessus.

Or i'ai obserué Messieurs que toute ceste accusation ou plustost mesdisance qui vient apres est diuisee en deux parties. L'vne touche ce qui est conioint à la venue du Duc d'Alue, & ce qui en est ensuiui, & principalement de ce qu'apres ma venue en Hollande & Zelandea esté executé par ma coduite & Messieurs les Estats desdicts païs: l'aultre ce qui est aduenu depuis que Dieu vous eut ouuert les yeus par le moien des insolences des Espaignols, & que pour deliurer finalement ce paoure pais de ceste maudi. cte race, vous les declarastes & leurs adherens pour rebelles & ennemis du païs. Ie suiurai doncq cest ordre: & premierement ie ren' graces à Dieu que par Le Seigneur le silence mesmes de mon ennemi vous cognoissez pas mesmes Messieurs & l'espere que tout le monde cognoistra, ses ennemis d'auoir touque ie ne suis pas mesmes soupçonné d'auoir ap-chéaus de-niers publics, plicqué à mon proussit vn seul denier du publicq. Car si en aultres choses comme desia vous auez commancé à veoir, ils n'ont fait difficulté de mettre en auant des faulses accusations & me charger de calumnies par trop euidentes, puis que mesmes

111

il ne m'obiectent le moindre soupçon d'auarice, ils monstrent assez que non seulement ie suis pur de ce crime, mais combien qu'ils soient impudents & mes ennemis mortels, ils n'ont toutesfois oncq osé m'obiecter ceste faulte, de laquelle ordinaire ment sont blasmez les gouverneurs des prouinces, soit à tort soit à droit. Mais i ai Dieu merci appris des log temps, que celui qui commande doit sur toutes choses auoir les mains nettes, & mesmes vuides de tout soupçon si faire ce peut, qui fust cause que des ma ieunesse ie me deschargeai de la surintendance des finances, qui fust fort volontiers recueillie par aultres. Et combien Messieurs qu'il n'estoit aulcunement besoing que ie sisse mention de ces choses parlat à vous qui sçauez que iamais ie n'ai eu maniement d'vn seul denier du publicq, & quandà ce qu'il vous a pleu m'ordonner tant pour mes estats que pour les fraix extraordinaires de la guerre, vous sçauez le peu que i'en ai receu, & de ce qui me reste de moiens comment ie m'en suis entretenu, & soustenu plusieurs grands frais depuis que ie suis entré en vostre seruice, ce que ie n'impute toutesfois à faulte de vostre bonne volonté en mon endroit, ains à la condition du temps auquel nous sommes. Mais puis que par la tacite confession de mes ennemis ie puis auoir vn tel aduantage, ie nel'ai voulu laisser passer soubs silece, pour faire cognoistre à aulcuns petits serpens qui ont esté parminous, qu'ils doibuent demeurer honteus d'auoir semé, ou cotre

leur conscience, ou par vne extreme sottise & malice, ce que les ennemis mesmes, coniurez contre moi & la patrie, n'ont pas esté si impudents que de m'obiecter, sentants bien qu'en le proposant le lustre de. la verité descouuriroit la turpitude de leur menson-

ge.

tice,

Puis doncq qu'ils me iettent en vn si beau champ de narrer non ce que l'ai faict, mais ce que les Estats de Hollande & Zelande ont faict auec mon aide & seruice, ie ne refuse point & deuant vous Messieurs, & deuant tous les hommes de la terre d'entrer en copte auecq eus: mais aussi puis que vous estes les souuerains iuges de ce qui est geré en ce pais, il est plus que raisonnable que vous consideriez ce qui a esté fait par eux iniquement en toutes les aultres prouinces, pendant que Messieurs de Hollande, Zelande, & moi seruions d'arrest & de barriere au cours de leurs entreprises.

Premierement on dict que i ai pra Etiqué de retourner en Hollande & Zelande. Quand ainsi seroit qu'auroi-ie fait aultre chose que mon debuoir? Et si i'auoi auparauat le seigneur auecq si iuste fondement comme ie l'ai deduict ci Prince de vedessus, entré auecq armeededans le pais, pourquoi eusse-ie faict difficulté d'entrer en ce qui estoit de mon gouvernement, auquel i'auoi plus de serment & d'obligation? auquel ie tien des premiers rangs entre la noblesse? Mais tant s'en fault que i'aie fait telles recerches, veu qu'au contraire ie suis prest de monstrer les lettres des principauls des villes & des

principalles, par lesquelles i'estoi appellé pour la deliurance du pais contre la tyrannie des Espaignols, & nommement du Duc d'Alue. Et quant aus promesses que ie si' en y entrant, ce qu'ils disent que ie promi'ausdicts Estats de les conseruer si le duc d'Alueles vouloit presser au dixiesme & vintiesme: il ne se trouuera veritable. Mais bien que ie vin' expres au païs, & en armes pour la seconde fois, pourdeliurer le pais de la tyrannie qui ia les pressoit, non seulemét pour le regard du dixiesme, mais pour mille aultres especes de cruaultez plus que Barbares, & mesmes pour le carnage que faisoit le Duc d'Alue des paoures habitans desdicts païs. Et quant à ce qu'ils disent les Ecclesiasticques Romains auoir esté persecutez par moi, chassez de leur biens, la religion introduite, me fault il Messieurs aultre defense sinon ce que vous en cognoissez, à sçauoir que toute la mutation qui est suruenuë, a esté plus tost vn œuure de Dieu que des hommes? Vous sçauez combien de fois i'ai esté accusé pource que iem opposoi trop froidement aux aduersaires que ie les enduroi trop, que ie seroi cause de la ruine du païs pour estre trop lent à les chasser & extirper. Et quad il a esté questio de s'en desfaire d'aulcuns, les debuoirs que i'ai faicts affin que vn chascun peult viure en paix & les vns auecq les autres. Mais les Estats qui auoient trouué pour lesquel- du commencement propre & vtile pour la conser-

8

la de.

nols.

ombien

tretrop

e queltin

ants a-

onfer-

rreprile

prises, & trahisons des ennemis meslez parmi nous, ont appris que leur estat estoit en danger de ruine ineuitable, sinon qu'ils empeschassent l'exercice de la religion Romaine, & que ceuls qui en faisoient profession, au moins les prebstres, auoient vn serment au Pape (comme ils ont par tout) lequel ils preferoient à celui qu'ils auoient au pais : tellement qu'à l'assemblee des estats faicte à Leyden, comme aussi en la conionction des pais de Hollande auecq Zelande, cest article fust vnanimement accordé: & ne peuuet les ennemis ignorer ces choses, veu qu'au traicté de Breda, sur le poinct de la Religion, estant proposé de la part d'iceus ennemis que ce changement estoit aduenu par la conduicte d'aulcuns particuliers, leur fust monstrél'accord de toutes les villes auecq le seau d'icelles. Quelle obligation me re- L'establissemet d'une seule resterail maintenat, quand ceus ausquels i'ai faict vne ligion en Hollande & Zelapromessenon seullement me la remettent, mais aussi de, & poureus mesmes la rescindent, cassent & annullent? Et toutesfois si r'ai bien ou mal faict, i'en laisserai le iugement aux sages: tant y a, quand telles choses furent mises en auant ie desiroi qu'on s'en fust passé, & encores plus, quand on les a executees : dequoi Messieurs de Hollande & Zelande me donneront si bon tesmoignage & mesmes aulcuns fascheux & chagrins d'entre nous, & qui ont espandu cotre touteraison es pais estranges leurs mesdisances contre moi, que l'espere ie n'aurai besoing de grade defense contre telles accusations, lesquelles estants par moi

74 APOLOGIE DE MONS.

desniees comme faulses, ainsi qu'elles sont, iene crain' pas qu'ils en puissent donner aulcune preuue: vous laissant à iuger Messieurs combien est ridicule vne accusation, qui se peult repoulser par vne simple negation, & neantmoins la plus part des belles couleurs dont ce peintre se vante qu'il me depeind, se peuvent effacer par vne seule telle esponge. Si on allegue, que neantmoins ceus qui ont esté dechassez ont iuste occasion de se plaindre, d'aultant que la promesse ne leur a point esté tenue: ores que cela ne s'adresse point à moi, ce neantmoins ie dirai pour la defense des Estats de Hollande & Zelande, que ceste plainte seroit tresmal fondee, d'aultant qu'il n'est pas raisonnable que telles gens iouissent d'vn priuilege, par le moien duquel ils ont voulu liurer le pais es mains de l'ennemi. Ils ont voulu trahir les vies, les biens des subiects: non vn priuilege, ou deux, ou trois: mais toutes les franchises & libertez conseruees de temps immemorial & d'aage en aage par nos predecesseurs & ancestres.

Ils entrelassent que i ai procuré liberté de conscience. S'ilz entendent que i ai faict ouverture à telles impietez qui se commettent ordinairement en la maison du Prince de Parme, ou l'atheisme & aultres vertus de Rome sont ieu, ie respon' que c'est chez les heritiers du Seigneur Pierre Louys, qu'il fault cercher telle liberté ou plustost licence estrenee. Mais ie confesserai bien, que la lueur des seus esquels on a tourmétez tât de paoures Chresties, n'a iamais esté aggreable à mes

LE PRINCE D'ORANGE.

iene

euue:

and e

Deind,

echallez

lue celane

laipont la

out co

noriui-

neterpiis les vies, les

e par nos

mailon de mailon de mailon de

Meitiers relleli-

nfesseral

mérezi

yeus, comme elle a reioui la veue du Duc d'Alue & des Espaignols, & que i'ai esté d'aduis que les persecutions cessassent au pais bas. Ie vous confesserai d'aduantage, affin que les ennemis cognoisset qu'ils ont à faire à vne partie qui parle rondement & sans fard, à sçauoir que le Roi, quand il partist de Zelande lieu dernier qu'il laissa en ce pais, me commanda de faire mourir plusieurs gens de bien, suspects de la Religion, ce que ie ne voulu faire & les en aduerti eus mesmes, sçachant bien que ie ne le pouuoi faire en saine conscience, & qu'il falloit plustost obeir à Dieu que non pas aus hommes. Que les Espaignols donc disent ce que bon leur semblera, ie sçai que plusieurs peuples & nations qui les valent bien, & qui ont appris que par les feus & les glaiues on n'aduance rien, me loueront & approuueront mon faict. Mais puis que vous Messieurs auecq le consentement vniuersel du peuple l'auez depuis approuué, en condamnant la rigueur des placarts & faisant cesser ces cruelles executions, ien'ai aulcun soulci de ce que les Espaignols & leurs adherens en murmurent. Et ne me puis assez estonner de leur sottise, quand ilz n'ont eu honte de m'obiecter les massacres des gens de leur Eglise, veu que non seulement maltraidez les ils scauent mon naturel estre du tout essaigné de prestres, punis. ils sçauent mon naturel estre du tout esloigné de telles violences: mais aussi qu'il vous est notoire & à tout le monde, que par mon commandement & ordonnance pour raison de tels exces qu'ils me veuillent imputer, aulcuns furent exe-

cutez à mort, & aultres de marque & de maison illustre, arrestez par mes principaus seruiteurs domesticques, & apres auoir esté detenus long temps prisonniers, ils n'ont esté deliurez, sinon pour raison de la maison dont ils auoient eu cest honneur d'estre sortis, la longue detention de leurs personnes leur estant allouee pour la peine qu'ils auoient meritee. Mais ce qui a esté faict par ma charge, est tellement cognu à tout le monde, qu'ils ne le peuuent desguiser, ni obscurcir: seulement comme ils sont bien appris à dire verité, ce que l'ai faict vertueusement, ils disent que i'ai faint la chose me desplaire. Mais qui leur a dict que i'ai faint? qui est ce qui leur a tant reuelé de mes secrets? ils voient ce que l'ai faict, ils ne peuuent iuger mo cœur, & n'y ahomme si malicieus, si ce n'est le forgeron de cest escrit ou vn Espaignol, qui ne doibue plustost asseoir iugement sur ce qu'il veoit, que sur ce qu'il soupçonne malicieusement. Ils iettent des blasmes infinis sur nostre religion, ils nous appellent Hereticques: mais il y a si long temps qu'ils ont entrepris de le prouuer, & n'en ont encores peu venir à bout, que ces iniures resemblantes aux parolles de semmes eschauffées de cholere, ne meritent aucune response, & encores moins ceste bestise de dire, que ie ne me suis sié en auleun prebstre ou moine s'il ne s'est marié, Du mariage & que ie les ai contraints se marier. Car qui est ce qui ne cognoit qu'ils iettent contre ma teste sans chois sans discretion, tout ce qu'ils trouuent au chemin,

LE PRINCE D'ORANGE.

tant est grande leur fureur & leur passion desmesuree? Et neantmoins quand ces choses seroiet vraies, comme elles ne sont pas, ni raisonnables (car nous apprenos par nostre Religion que le mariage doibt estre ni forcé, ni defendu:) si est ce que ceste faulte ne seroit à comparer à la tyrannie des consciences, qui a defendu le mariage à vne partie de la Chrestienté, à laquelle non seulement les Eglises d'Orient se sont opposees, ains aussi les Eglises Germa-

nicques & Gallicanes.

ison il

dome-

3 perlos

elicequi

equeral

t escrit ou

leon inge

apconne nhnis lur

our, que fennesse, ne refinie, ane me

Ace qui

ins choi

Mais ce qui est Messieurs grandement à priser en ceste tant veritable & si bien fondee proscription, que le Roi n'auoit point commandé au Duc d'Alue d'imposer le dixiesme & vingtiesme sinon du gré du peuple. Si doncq le Duc d'Alue en vn affaire de si grande importance, & qui a esté cause de la mort & ruine de tant de milliers de personnes a passé sa commission, quelle punition en est ensuiuie? Le Duc d'Alue pour auoir fait à son fils vn tel office pour espouser sa Cousine, & delaisser vne qu'il auoit abusee souleur de mariage accompli, (que rigomes auoit fait auparauant au Roi, come ci dessus est dit) est faict prisonnier, est mis hors de grace, &n'auroit encores esté de liuré si on eust peu trouuer en toute Espaigne vn tyran plus propre à tyraniser les Portugais que luy: il &vintiesme de est donc chastié pour vne faute legere, & pour vne nier. si grande il est honoré, caressé, & rempli de biens. Et qui presseroit le Roi sur la mort de Messieurs d'Egmont & de Hornes, il en diroit autant & desad-

K iij

uoueroit derechef le Duc d'Alue. N'est ce pas vn bon moien de se descharger de toutes faultes? & du moins s'ils eussent attendu apres la mort de cest ennemi du monde. Mais qu'ils choisissent tel parti qu'ils voudront. Oule Roi l'a commandé,& alors il ne peult euiter le nom de Tyran: ou il ne l'a point commandé, & le mesme nom lui demeurera, puis qu'il n'a point chastié celui lequel de son authorité priuee auroit vsurpé vne telle tyrannie sur vn peuple libre & francq: dont il apert qu'il en est coulpable. Et combien que i'ai tousiours tenu le Duc d'Alue pour l'ennemi du pais, & qui s'est baigné volontiers en nostre sang & de tous les Chrestiens, portant à couuert vn cœur Mahometan: si est ce que ie l'ai trop cognu, & trop practiqué pour croire qu'il ait esté si sot & si oultrecuidé, que d'oser entreprendre mettre sus vne imposition de telle consequence, de l'auoir poursuiuiesi log temps & par moiens si extraordinaires, du tout insupportables au païs, sans en auoir bons commãdemens, non vne fois, mais plusieurs. Ie vous prie Messieurs de bien penser, si celui, qui a osé condamner, ou fauoriser ceus qui ont condamné le Bourgemaistre d'Amstelredam à vingteinq mille florins d'amende en son propre & priue nom, pour s'estre opposé au dixiesme, n'estoit pas bien asseuré & n'auoit pas suffisante descharge de son superieur? Et ne nous fault Messieurs autre pas-

LE PRINCE D'ORANGE. sage que cestui, pour recognoistre les fraudes, dissimulations & artifices, dont le Roi nous a menez & trompez si long temps, & delibere encores de faire, si nous nous laissons naurer par l'aiguillon de sa langue, ou estonner par les menaces de ses armes. Et d'aultant qu'il en veult encores faire resoner le bruit pour les villes prises & forcees en Hollande à sçauoir en quattre ans deus ou trois, & auec plus de force qu'il n'a combattu le Turc: ie luy respond qu'il Le peu d'ef-deuroit considerer aiant les aduantages dont il se mes du Roi en Holande. vante, si ce ne luy est rresgrand' honte d'en auoir esté entierement chassé. Et ne lui sert d'alleguer la mutinerie des Espaignols: car vn chef, & principallement auecq si grans moiens qu'il auoit, faict assez cognoistre son insuffisance & indignité de commander, quand il ne peult auecq tels moiens tenir en obeissance ses soldats: au contraire s'excusant si ineptement, il ne veoit veulle ou non, qu'il est contraint de confesser auec bien peu de moiens & quatre ou cincq mille homes, que moi & messieurs de Hollande & Zelande, lui en auons rompu & faict consumer plus de soixante mille. Et ce pendant messieurs, qu'il perdoit ainsi son temps, ses hommes, & son argent en ce pais, il perdistaussi en deux mois le Roiaulme de Tunis & la Goulette, auecq la plus grade honte & cofusion que iamais fist Prince puissant qui ait esté chassé de sa terre, quoi qu'on vueille La perte hereietter la coulpe sur les ieunesses de Do Iean, & sur aulme de Tu les paillardises du Cardinal Carson odent qu'il ette. les paillardises du Cardinal, Carce pédant qu'il em-

pas yn

ites ? &

Mr de

emeurera

white for

urs tenu le

mis eft bai

sactique altrecuide, impolition fineli log

соппа-

rancolle

de lon

utre pal

APOLOGIE DE MONS.

ploioit ici si mal ses forces, Sinam Basscha luy enleua ce Roiaulme & ceste forteresse qu'on estimoit imprenable, à la veue d'Espaigne & de Sicile, sans que iamais aulcun de la part du Roi osa monstrer sa teste pour le combatre ou seulement diuertir. Et neantmoins s'il n'auoit plus de respect au bien de la Chrestienté (ce qu'il n'a iamais eu, tesmoing son alliance fardee qui a tant cousté aus Venitiens) ni esgard à son honneur: pour le moins la memoire de l'Empereur son pere, qui n'estimoit rien touts ses haults faicts & exploits d'armes, au pris de ceste conqueste, le debuoit esmouuoir & pousser d'vn desir genereus & vehement, pour maintenir sagement ce que l'Empereur son pere lui auoit conquis & à toute la Chrestienté si valeureusement. Mais ceste rage & fureur de nous ruiner qui le transportoit, lui ostoit les yeus pour ne veoir ce mal, & l'entendement pour ne le discerner, aimant trop mieus faire preuue de son impuissance cotre les siens propres, que de ses forces contre l'ennemi commun & vniuersel de la Chrestienté.

C'est Messieurs ce qu'il m'obiecte & qui est aduenu deuant vostre conionction generale, à quoi il n'estoit peult estre pas du tout necessaire de respondre, sinon qu'il n'est point seulement requis de vous tisfaire, mais aussi de leur fermer la bouche & faire cognoistre à tout le monde leurs impudences & calumnies. Car s'il n'estoit question que de ce qui vous touche & ceus qui estoient par ci deuant

des

luy en-

lans

mor fa diuerin bien de

glonal

enulage.

iens pro-

muelt ad-

hed fai-

decequi

des nostres, & qui se sont neantmoins tant mal a propos retirez d'auecq nous: vous, & eux auec vous, auez par ci deuant assez monstré que vous auiez beaucoup meillieure opinion de moi. Car premierement l'accord traicté par vous auecq moi & Messieurs de Hollande & Zelande à Gand m'a suffisammét iustifié, veu que si vous m'eussiez estimé tel que ceste infame proscription me descrit, vous n'eussiez pas voulu ni deu entrer en traicté auecq moi : tant d'honorable ambassades que vous m'auez depuis aus si enuoiez à S. Geertrudenberghe, & encores en Anuers, tant pour me faire venir en Brabant, que pour me faire approcher de vous à Bruxelles, pour assister au conseil: & ce que vous auez voulu m'honnorer du tiltre de Lieutenant general: toutes ces choses dis-ie monstrent assez, qu'elle est l'opinion & iugement que vous auez eu de toutes ces faulses & friuoles accusations: ce que i'estime seul trop suffisant pour les refuter.

Mais voions maintenant, coment ils se sont gouvernez de leur part auparauant ce temps, auecq quel orgueil, quelle insolence & mespris de toute nostre nation. Ie ne repeterai point ni les periures & tromperies de la Duchesse, ni du Roi à l'endroit de Messieurs les Contes d'Egmont & de Hornes, ni les appasts qu'ils m'ont apprestez, & generalement ce qui est aduenu au parauant la venue du Duc d'Alue, mais seulement ce qui a esté faict depuis iusques à vostre conionction generalle: affin comme la memoire

L'orgueil in-Supportable du Duc d' Al-

paignols.

des mauls & douleurs passees vous apportera plaisir & contentement, & (comme l'espere) à moi qui vous y ai aidez quelque gré: aussi par icelle que vous vous confermiez de plus en plus en ceste resolution. saincte & digne de louange immortelle, que vous auez prise pour vous opposer aux Espaignols & à leurs adherens. Or tant ledict Duc d'Alue que ceus qui ont commandé soubs lui, & depuis lui, nous ont assez faict cognoistre quel a esté de tout remps le Conseil d'Espaigne, à sçauoir de nous exterminer & asseruir. Car comme Hannibal des l'aage de neuf ans iura sur l'autel de ses Dieus, qu'il seroit toute sa vie ennemi des Romains: ainsi a esté ce Duc d'Alue des son enfance nourri & esseué en vne haine irreconciliable contre ce pais, laquelle par tant de sang ue & aultres qu'il a humé, n'a peu iamais estre rassasse: ains tant plus il en a fait ruisseler en toutes les villes de ce pais, iusques à auoir fait mourir, comme lui mesmes s'en est vanté, dixhuict mil paoures hommes innocents & plus, par les mains du bourreau, n'a iamais peu toutesfois assouuir ceste cruelle cupidité. Tellement que si quelqu'vn veult cognoistre quels sont les secrets conseils d'Espaigne, quelle est la volonté du Roi, & combien il nous aime, il verra le tout dechiffré és gestes sanguinaires du Duc d'Alue, comme s'il l'auoit representé deuant ses yeus & depaint en vn tableau: car il n'ya eu espece de dissimulation, trahison & persidie, dont il n'ait vsé, pour auoir à sa deuotion les principauls plaisir

ol qui

TOUS

Idan

que ve

ध्यावी श

que cens

al, nous

atermine

age de nen

all oc alle ee: ains tant

vi es de ce

mi mel-

теш, 11а

le capi-

soutor.

ione, que

1 22 21-

ente de-

11.17.49

Seigneurs de ce pais, auecq offres, promesses & nouueauls tiltres d'honneur conferez. Mais les gens de bien qu'il a peu attirer, il les a fait cruellemet mourir, sans aulcun esgard à leur innocence ni aus priuileges du pais. Et toutesfois rien n'a esté faict sinon par le commandemet du Roi. Il a faict le semblable à l'endroit des bourgeois & bons marchants, foullant aus pieds si arrogamment nos libertez & franchises anciennes, tout ce qu'il y auoit entre nous restant de la splédeur de nos ancestres: qu'il sembloit que vous ne fussiez pas dignes d'estre mis au nombre des hommes. Et ou est ce que nous en pourrons auoir preuue plus certaine, plus illustre, plus en veuë, & comme en spectacle de toute la Chrestienté, auec vn mespris insupportable de tous ces pais, qu'en ceste prosane & or sue sue lleuse de superbe, ambitieuse, profane, paienne, & ensemble la statue du de la statue sotte erection de sa statue au milieu de la citadelle la iadis citad'Anuers, marchant impudemment sur le ventre des uers. S".des estats, de tout le peuple de ce pais, monument de sa tyrannie, tesmoignage de son orgueil. Que dirai-ie de ses seruiteurs & toute ceste vermine venuë d'Espaigne parlants de nous, non point comme de vellacos mais comme de bestes? Vous en auez Messieurs encores les oreilles toutes battues, & vo° pouuez representer leurs gestes, leur desmarche leurs parolles plaines d'audace d'orgueil, mespris, leurs faicts insupportables, & quand ils ont esté dedans vos villes, auecq quelle insolence ils vous ont comandé. Si doncq il est vrai ce que disent les sages,

APOLOGIE DE MONS.

pour cognoistre le naturel d'vn Seigneur, qu'il fault examiner celui de ses amis & familiers: d'vn maistre, de ses seruiteurs: par les vertus du Duc d'Alue principal ministre de son maistre, & executeur de ses coseils, vous pouuez iuger Messieurs, quelle bonne affection vous porte le Roi qui vous l'a enuoié pour vous tourmenter, & ce que vous en debuez attendre, si vous n'y donnez ordre comme vous le deuez, & tout ce bon peuple s'en attend à vous. Ie ne dirai rien des violements, rançonnements, exactios commises par les Espaignols: seulement ie m'arresterai L'assemblee sur le principal: iamais vous n'auez sceu obtenir l'asdes Estats generauls, sequente libre des Estats generauls, sçachant bien vostre ennemi qu'empescher la couocation d'iceuls, est coupper par lepied l'arbre de vos priuileges, faire tarir la source de vostre liberté. Car dequoi sert à vnpeuple d'auoir les priuileges en beauls parchemins dedans vn coffre, si par le moien des Estats ils ne sont entretenus, & qu'on n'en sente les effects? Et de faict long temps auparauant le Roi auoit pris dispense du Pape, pour le serment qu'il vous auoit faict de garder vos priuileges, en quoi non seulement il violoit sa foi, mais il croioit aussi trop legerement & pernicieusement des fols Conseilliers, & monstroit par trop combien estoit grande sa prudence. Car ne pouvoit-il pas bien cognoistre, se tenant absous du serment qu'il vous auoit faict, que vous estiez aussi Pape pour quittes du vostre enuers lui? tellement que lui, voufaict à la io-lant estre dessié de son serment enuers vous, vous ne

Le Roi pred dispense du LE PRINCE D'ORANGE.

lui debuiez aussi aucune obeissance & subiection? affin que ie laisse pour le present à aultres & plus exercez en telles matieres que moi, à desmesser ceste question: si le Pape se peult à iuste tiltre vanter d'auoir vne telle puissance & authorité, & s'il restera encores aulcune chose ferme & asseuree au monde, si les serments faicts si solennellement peuuent estre violez soubz vne telle couverture. En mesme temps les mariages hors du pais sont entierement defendus. Ce qui n'auoit iamais esté practiqué, est prohibé: à sçauoir que les enfans ne puissent aller pour estudier en auleune escolle du monde hors du pais sinon à celle de Rome, condenans par ce moien toutes les aultres escolles, qui est vne arrogance par trop de tout le grande, voire mesmes (tant ils estoient imprudens) duës fors cel-le de Rome. ils condamnoient sans y penser celles des Iesuites: mais qui est bien le pis, traçoient le chemin à vne vraie barbarie. Car comme vne frequentation de toutes sortes de gens de lettres, nous a produits en ce pais plusieurs bons esprits, qui ont grandement ennobli ces prouinces: aussi ceste interdiction ne pouuoitsinon auec le temps causer vne ignorance plus que Turquesque, sans que ie dise que par ce moien ils assubiettissoient ce pais à conditions non iamais ouies. En ce mesme temps la publication du La publica-tion du Con-concile de Trente sust faicte, lequel Concile a sem-sile de Tréte, blé mesmes aus Fraçois si inique, que iusques à present n'a peu estre publié au Roiaulme de France.

Quelque temps au parauant auoit esté poursui-

Les escolles

maistre.

tielle bae

lez atten.

degar-

ment di per ondripar car ne

ojourdu

liez auf

us, vous h

Eucsques nouuellemét fergez.

uie & obtenuë, l'installation des nouueaus Euesques, laquelle auoit esté si long temps au parauant debatue, pour les inconueniens que tous gens sages & amateurs du pais, & ennemis de la gehenne des consciences preuoient deuoir ensuiure, comme i'en escriui' mesmes au Roi: sans que ie parle des remonstrances que i'en ai faictes à la Duchesse en plain coseil, & souuent ailleurs: tout ce desseing ne seruant à aultre sin que pour establir la cruelle Inquisition d'Espaigne & lesdicts Euesques, pour seruir d'inquisiteurs, brusseurs de corps & tyrans de conscience. Il est vrai qu'auiourd'hui ils denient, auoir voulu introduire ceste mauldite Inquisition: mais si ie leur produi homme digne de foi, qui estoit pour lors Pensionaire du Francq, & auquel fust deux fois presenté le bancq pour estre torturé, assin de confesser qui estoient ceus des Seigneurs dudict Francq qui auoient esté d'aduis de refuser l'Inquisition, diront-ils que c'est vn tesmoing forgé? & toutesfois il est tel qu'ils ne peuvent lui obiecter, auleune chose, & s'il estoit de besoing ie trouuerois assez d'autres preuues claires & trop manifestes. Rounellez. Les placarts plus rigoureus suivirent auecq commandement de ne rien remettre de l'ancienne rigueur, & de faict la bulle expediee par le Pape pour l'erection desdicts Euesques, porte notamment que chascun Euesque pourroit conferer en son Eglise cathedrale deux prebendes, que chascun des Chanoines seroittenu lui assister au fait de l'Inquisition,

LE PRINCE D'ORANGE.

Eucl-

lauant

lages chales

OMM

plain co.

ne ler-

re, affin de

eurs dudict

fr/hqu-

torge? &

mounemifettes

need com.

ncienta-

entque Eglife

quistion

87

& que particulierement deux d'entre iceus seroient actuellement Inquisiteurs. Et comme les Princes ou tyrans qui occupent nouueaus Roiaulmes & Seigneuries, leur imposent vn tribut en signe de leur victoire, aussi le Duc d'Alue en tesmoignage de sa conqueste (car c'estoit son commun langage, à sçauoir que ces pais appartenoient au Roi non en tiltre de patrimonie, mais comme estans conquis par les armes) lors dis-ie pour faire cognoistre à tout le monde la condition à laquelle il auoit as- Impossition subiecti ce pais, il lui impose par le commandement, contre le gre de son maistre le dixiesme perpetuel, sans consen-ment des Etement des Estats, sans consentement des villes & prouinces, il se resoult auecq les siens de l'executer. par force: quand il entend que quelques cœurs genereus commençoient à s'esmouuoir, tellement que iustement à l'heure (voiez Messieurs quelle est la prouidence de Dieu) qu'il reçoit nouuelles de la prise de la Briele, il auoit resolu de faire la nuict mourir les principauls bourgeois de Bruxelles, d'aultant qu'ils s'estoient opposez à ceste imposition violentement publice contre leurs priuileges. Le bourreau nommé maistre Charles, auoit commandement de tenir prest dixsept cordes, & des eschelles de dix à douze pieds de hault: les soldats estoient en armes: Don Federigo venu en la maison du President Viglius pour arrester le dictum de la condemnation, quand ces heureuses nouuelles pour les bons bourgeois de Bruxelles arriverent. Le Lieutenant

Subaudi Bari. Par ceste ne le faictes,

pendre. leur com de.

gneur Prince

de l'Amman en estoit l'vn, pour auoir refusé d'executer les opposants. Et de fait le Duc d'Alue lui vouloit tenir promesse qu'il lui auoit dict peu auparauat: barbe, si vous Por estas, si vos nolo hazeis, yo os haré ahorcar. & sur la replic-

ie vous feray que: Los juezes son vellacos, basta que yo oslo mando. Et ie coni. Les iuges fesse qu'au mesme temps estant derechef solicité, tat lains: cett al par plusieurs gens de bien, que par mon propreserment & debuoir au païs, ie reuin' pour la seconde venue du Sei- fois auec armee: de laquelle expedition ie ne touauecq armee. cherai d'aduantage, car il ni apersonne d'entre vous qui ne scache quels en ont esté, & sont encores à present les euenements. Maintenant donc Messieurs s'il vous plaist considerer d'vne part ce que le Duc d'Alue a faict deuant que ceste guerre ait commencé, quelles occasions iustes il m'a donnees, & aus Estats de Hollande & Zelande d'auoir eu recours aus armes, ce que lui & le grand Comendador ont faict iusques au iour de la reuolte & rebellion des Espaignols, & comment ie me suis conduit depuis & gouverné: ie ne refuse point que vous n'en iugiez &

determiniez comme vous trouuerez conuenir. Mais vous auez desia assez monstré ce que vous en sentez par la Pacification de Gand, par l'expulsion de Don Iean, & partant d'actes & tesmoignages qu'il n'est besoing d'en auoir d'auantage, & mesmes ne m'aiat voulu decharger ores que si souuent ie vous en aie

requis. Ie viendrai doncq à ce qu'ils touchent en leur cruelle proscription en second lieu, à sçauoir à ce qui afuiui

LE PRINCE D'ORANGE. a suiui le temps auquel les Espaignols furent decla-

rez rebelles & ennemis du païs.

Ed'exe.

iyou-

furlado-Etieco

Colicite

3200 X/20

dor outfild

enir.Mais

mententez fonde De

imata

medale

ent en lei wir acequ

En ce temps Messieurs fust traictee & conclue la Pacification de Gand auecq vne si grande ioie & contentement du peuple, de toutes les prouinces en general & en particulier, qu'il n'est memoire d'homme qui puisse se souvenir d'vne pareille. Vn tion de Gand chascun se peult souvenir des promesses mutuelles nemis tant Espaignols d'amitié, d'intelligences, communications de coseil que leurs ad herents, l'ont qui y sont compris. Mais quoi? ceus mesmes qui ont violee cotre bien fait depuis cognoistre, quelle estoit la malice inueteree de leur cœur, & toutesfois qui estoient du nombre de ceus qui la traictoient auec mes deputez, & ceus de Hollande & Zelande, en la trai-Ctant iettoient à la trauerse tous les empeschemens à eus possibles pour la faire mourir en herbe: à quoi sans contredict fussent paruenus s'il n'eussent craint de tomber en danger, & sile peuple & toutes les prouinces qui sentoient & preuoioient de loing ceste pacification deuoir estre le fondement de leur liberté, & la restitution de leurs anciens priuileges, ne les eussent comme d'vne voix contraincts à la conclurre. Et d'aultant Messieurs que souuent en ceste execrable proscription & en leurs petits ineptes liures diffamatoires & lettres clan-Le sieur de destines, ils m'obiectent que ie l'ai rompue & en Zelande Haulfi vient violee: voions comment ils l'ont maintenue de der secours an Seigneur leur part. Elle ne fust pas si tost iuree que le Sieur Prince pour de Haulsi, suiuant vostre commandemeut fist plu-chasteau de

& que les en-

sieurs voiages en Zelandevers moi, pour obtenir secours d'hommes & de munitions de guerre, pour le siege du Chasteau de Gand, l'vn des nids de la tyrannie Espaignole, ce qu'il impetra. Mais vn quidam indigne de sa race & de son pais ne se peult cotenir, ains au mesme temps commença à vomir son venin, chargeant de blasme ledict Sieur en recompense d'vnsi bon seruice, & qui a esté la vraie porte à la liberté du païs & Conté de Flandres, & nommement de la ville de Gand, silong temps auparauant tyrannisee: & ne tint pas audict Sueueghem, au Conte de Reus, Mouqueron & aultres, que les Espaignols touts sanglants encores du massacre d'Anuers & chargez des despouilles des bons bourgeois, ne fissent vne pareille execution en la ville de Gand, qu'ils auoient fait en la tresrenommee ville d'Anuers, ce qu'ils eussent executé (ainsi que les lettres de Rhoda & aultres en font foi) sans ledit secours. Voila comment lors que la trompette sonnoit pour publier la Pacification de Gand, ces gens de bien La venue de commençoient à la rompre. La dessus arriua Don Iean, & quoi que mon ennemi veuille ici falsisier & deguiser, n'ai ie pas encores les lettres signees de la main du Roi, & d'vn des secretaires de son estat, & cachettees de ses armes, qui font foi de la charge donnée à Don Iean? n'ont elles pas esté publices à tout le monde? s'est il encores trouué Espaignol si impudent qui ait osé les debattre? Par icelles nous auons cogneu que toute la difference entre Don lea, le

Don lean.

LE PRINCE D'ORANGE. Duc d'Alue & Louys de Requesens estoit, qu'il estoit plus ieune & plus sot que les aultres, & qu'il ne pouuoit pas si long temps cacher son venin, dissimuler ses charges, & retenir ses mains brillantes du desir de les tremper en nostre sang. Ie ne vous en ferai ici Messieurs aulcun recit, car elles sont cognues aus petits enfans, & toute la terre en est abbreuuee. Combien doncq que ces choses fussent mises en lumiere deuant tout le monde, combien que les pacifieurs le cogneussent, le sceussent, toutes fois la haine inueteree contre ce paoure peuple estoit si grade ils estoient si accoustumez d'aider à ceus qui opprimoient vos priuileges, seruir à la tyrannie leur estoit tellement passé en nature: que comme sangliers escumants de rage, viennent eus mesmes se lancer dedans l'espieu du cœur sanguinaire de Don Iean, accordet auec lui cotre mo aduis, de ceus de Hollande & Zelande, contre leur serment donné à la Pacification de Gand. Et puis ceus ci m'osent obiecter la Pacification & mon serment, comme si ces liens ne fussent apprestez que pour me tenir & Messieurs de Hollande & Zelande entrauez, cependant que ces bons & loiaus pacificateurs aiants rompu toute obligation de loix, de loiaulté & fidelité, eussent vne licence de faire, commettre & perpetrer tout ce que leur cœur dessoial leur suggeroit? Ils ont saict promettre (ce diront ils) à Don Iea de faire retirer les Espaignols: comme si tout nostre accord & alliance gisoit en ce seul point. Mais deuant que coclure auec

Nii

Don Iean, ne deuoient-ils pas me remettre en mes gouvernements, en mes biens, me restituer mon fils qui estoit du nombre des prisonniers? Y ont-ils seulement pensé, combien que plusieurs d'entre eus lui estoient parents? Rien de tout cela: car leur but estoit bien aultre, comme ils le monstrerent assez par tant de consultations qu'ils firent pour trouuer le moien de m'opprimer, assubietir la Hollande & Zelande, cognoissants que i estoi encore seul audit téps auec les Estats desdicts païs, qui empeschions ouuertement leurs pernicieus desseings, qui estoient d'entrer en la place des Espaignols, exercer pareille tyrannie que les Espaignols, mais comme il leur sembloit auec plus de puissance & authorité, & aufsi pour estre en leurs pais, auecq plus d'impunité: ie me rapporte de ceci aus instructions donnees à ceus qui vindrent traicter auec moi à Ste Gertrudenberge, desquelles ie ferai apparoir s'il en est besoin. Au mesme temps ils enuoierent vers la Roine d'Angle. terre pour l'abbreuuer de toutes choses faulses, & pour l'induire à s'armer contre moi & Messieurs les Estats de Hollande & Zelande: mais la cognoissance qu'elle auoit de la verité, & la prudence singuliere de laquelle est douce, lui firent prendre toute aultre resolution qu'ils n'auoient esperé. Bref, ils machinerent tout ce qu'ils peurent pour remettre sus les mesmes practicques des Espaignols: & voila Messieurs quelle a esté leur observation de la Pacification de Gand des le commencement. Et quant aus LE PRINCE D'ORANGE.

ieen mes

non fils

Westen-

r lear by

ene allez pa

trouver le

nde & Ze-

ercer pareill

ed Angle

faulto, d

Aleurs les

a Pacifica

t quant at

Espaignols que Don Iean leur disoit auoir réuoiez, Les Espaignols licen. ils voioient (au moins si leur restoit quelque peu de tiez par Don lumiere, car ils n'auoient faulte d'aduertissemens) tourner. que les vns s'amusoient en Luxembourg, les aultres en Bourgoigne, les aultres en France soubs l'ymbre de la guerre ciuile qui y estoit resuscitee, en attendant le mot de guet, pour reuenir en vn istant, comme aussi ils sirent. Ce neantmoins ils sçauoient que Don Iean retenoit quatorze mille Allemas, des vielles bendes, qu'il tenoit en garnison és villes princi- mille Lat. knechts latt pales du pais, qu'il traitoit à Malines auecq lesdicts sez en garni Allemans, qu'il leur disoit d'vn & à vous Messieurs par Do Iear d'autre, retiroit le chasteau d'Anuers d'être les mains du Duc d'Arschot & du Prince de Chimai son fils, le laissoit entre les mains de Tresson. Ils voioient dis-ie ces choses, & neantmoins y aidoient & fauorisoient, & encores ils diront qu'ils gardoient la Pacification de Gand. Car quant à ce que mon ennemi dit que Don Iean l'auoit iuree, ie confesse d'aduantage, que le Roi mesmes l'a promise, qui le rend d'autant plus conuaincu: car au mesme temps il commãdoit à Don Iean de la rompre, ainsi qu'il appert par ses lettres. Et quatà Don lean, il est vrai qu'il l'a pro- Don lean amise & iuree, mais ce fust auec vne condition, qu'il Pacification, de Gand. auoit predit en presence mesmes d'aulcuns de vos deputez y debuoir adiouster, à sçauoir iusques à ce qu'il s'en repentiroit: laquelle condition escheut bié tost apres. Car ce ieune homme estimant estre au

dessus deses affaires, & auoir entre ses mains (à raison M 111

LE PRINCE D'ORANGE. tant de ruptures de la Pacification, & en tant de sortes, apres que contre ladite pacification ils ont exterminé des villes ou ils ont peu exercer leur domination tyrannicque, les meilleurs bourgeois, alleguants contre eus choses faulses & meschantes: si donc apres ces choses Messieurs vous auez iugé que pour vostre seureté vous debuiez amplisser auleun des articles, les changer, voire quand ainsi seroit que vous les auriez voulu du tout rompre, rescinder, & reuocquer: qui est-ce qui vous en pourroit accuser, si vous auez vsé de ce qui estoit vostre, comme vous l'auriez trouué conuenir à vostre bien, sinon celui qui se vouloit seruir de son serment comme d'vn rets pour vous surprendre? Car quant à ce qu'ils disent que de ma part y a eu changement, ores qu'il fust vrai, si est-ce que ie n'y auoi plus d'obligation pour le regard des contractans auec moi, puis qu'ils l'auoient en tant de sortes violee: & puis que de vostre part estoit trouué conuenir, que le changement se fist, vous auiez aultant d'authorité & puissance d'en disposer, qu'vn Seigneur a de droict en son heritage: car la Pacification estoit vostre, de laquelle vous pouuez vser à vostre plaisir.

Mais il a tant de fois esté remonstré & de bouche & par escrit, que rien n'y a esté violé, qu'il n'est besoing que i'emploie d'aduantage le temps à le vous declarer. Seulement ie dirai, qu'il estoit bien defendu à ceus de Hollande & Zelande, de rien in-

histres à

ans fai-

Wicha-

Fapricac-

s. Mars

rs quivo

n compte, acoup d'a-

quil util

lean, de les

a miz qui

Aci Icanoli

e Pacifica-

notifez. Es

arle Sierne

limpre-

qlai, que

de auion

ue si apres

de Gand.

De la part du prouinces ne peussent pourvoir par quelque condi-Prince des E- tion à leur seureté, il ne se trouuera point qu'il y rauls, & de ait vne telle obligation, ce que par la lecture de l'arligion, rien ticle vnziesme & douziesme se peult veoir & cotrepris côtie quoistre manifestement. Et de faict, sur la côfection de ladicte Pacification, comme vn de ceus qui estoient deputez de nostre part, remonstra à quelqu'vn des principaus de l'autre, que telle chose pourroit aduenir, & pourtant qu'il eust esté meilleur d'accorder quelque liberté pour les subiects des prouinces pour lesquelles ils contractoient: on luirespondit, qu'il ne se falloit donner peine de telles choses, & que ceus de Brabant, Flandres, & autres pais ne demanderoient iamais changement en l'estat de la Religion. Que si maintenant ils ont esté trompez, pourquoi est-ce que furieusement ils s'addressent à moi? Ieleur apporte aussi la mesme response pour le faict du changement survenu en quelques villes de mes gouvernements. Car ie puis bien asseurer deuant Dieu, que ie n'y ai donné aulcun aduis ni consentement, & que plusieurs choses y sont suruenues qui ne me plaisoient pas, comme aussi en Flandres. Mais ie leur maintien, s'il y a eu quelque insolence militaire, que ce n'estoit que roses au pris des intolerables exces faits par eus: & pour le moins il n'ya point eu d'infidelité, ni de trahison & intelligence auec l'Espalgnol de nostre part, comme il y a eu de celle des ennemis. Car n'ont ils pas à main armee

armee commencé vne guerre contre leur foi & leur Le commenpromesse, assailli leurs cofederez, quand nous estios guerre des malcotents, à deux iours prest de donner bataille à nos ennemis, estoit à deux n'ont-il pas poursuiui l'execution de leur complot chasser Don & coniuration contre leurs confederez, & leur defection au temps que la bonne ville de Maestricht estoit assiegee? Que s'il y a en ce monde acte detestable, est-ce point cestui-ci? Lors que vous vous attendiez aus forces de vos confederez, pour secourir vne bonne ville assiegee, auecq laquelle ils auoiet alliance iuree, de laquelle ils ne pouuoient se plaindre en façon aulcune, ou à tort ou à droit, lors dis-ie non seulement ils vous abandonnent, mais ils vous font la guerre, le plus chauldement qu'ils peuuent. On raconte que Suffetius fut tiré à quatre cheuaus pour n'auoir bougé & s'estre rendu spectateur lors que Tullus Hostilius son confederé combattoit. Quels continuation gibets doncq, quels supplices pourroit-on inuon-ge de Macter qui fussent suffisants pour chastier ceste perfidie & perduellion ? Et de qui ? De ceus là Messieurs qui auoient au parauant mis la main sur le Conte de Mansfelt, Viglius, Fonc, Assonuille, Berti & aultres du conseil d'Estat, lors que ie n'estoi encores lié si estroittement auecq eux que depuis i ai esté, & n'estoi passé encores en Brabant, de ceus la dis-ie qui par telle apprehension auoient donné à cognoistre à tout le monde, le iugement qu'ils faisoient des gestes du Roi & de son conseil: vous laissant iuger Messieurs quel grand discours il y a en telles gens,

quine peuuent preuoir nous faifants la guerre que ils aiguisent les espees de ceus qu'ils ont faict prisonniers, pour leur leuer la teste. Ils diront que ie ne me suis pas rendu ennemi de ceus de nostre parti qui ont passé les bornes. Vraiement ien'ai point approuué les exces d'aulcuns. Mais pensent-ils que ie sois si imprudent pour leur faire plaisir, de donner ouuerture à la ruine du pais, & faire Escouedo Prophete? Ont-ils iamais oui qu'vn sage pere ait pour le contentement de son ennemi cerché la ruine de ses enfans ? ains c'est son debuoir de corriger les faultes, & en les emendant conseruer sa famille. Mais Bours, Montigni, & aultres ne sçauent-ils pas les debuoirs que i'ai faicts pour remettre tout en bon ordre? ont ils oublié les articles accordez tels qu'ils les ont demandez & qu'ils ont depuis violez contre leur serment? C'a donc esté rage, folie, ambition, & haine contrelareligion, enuie de dominer qui a transporté leurs cœurs & agitez comme de fureur, & qui les a premierement esmeus, & qu'ils depuis ont couuert du manteau de la pacification de Gand. Car ie sçai Messieurs la peine en laquelle ils furent pour donner couleur à leur entreprise, & qu'vn simple capitaine en ce conseil leur fist ceste ouverture, qui fust incontinent suiuie.

Ie sçai que plusieurs trouueront nouueau, qu'enfans de bone maison, issus de tels peres, se soient tat oubliez que d'assembler tat de reproches sur leur race, & aucuns penseront n'estre croiable que iamais il. LE PRINCE D'ORANGE.

erre que

not primoderie nolonii aipointa

-1/s que n

undo Pro-

categories.

e les faultes

debuoirs

tre leur fer-

n, & haine nantporr, & qui onr cou-

nd. Car mar pour fumples urequalt quencient tat

e leurts

eiamasi

eust peu se trouuer vne telle inconstance en eus: & ne puis encores de ma part que ie n'é soi marri pour la bonne amitié & l'honeur que i'ai porté à leurs peres, & le desir que i'ai eu de les voir aduancez en toute vertu, honneur & reputation (ce qu'ils pouuoient faire s'ils eussent seulement séeu patir vn peu de téps, & porter vne partie de la calamité de leur patrie) & desireroi bien encores qu'ils peussent estre si sages, que par vne bonne repentance ils emendassent le passé. Mais assin que iene parle de beaucoup de leurs actions particulieres qui ne sont pas exposees en la veue de tout le monde, qui sont toutes sois pleines de legereté, si on vient à considerer ce qui est cognu d'vn chascun, & mis deuant les yeus de tout le monde, qui est-ce qui se pourra assez esmerueiller de l'inconstance & vanité de leurs resolutions? Ils seruent le Duc d'Alue, & le grand Commendador comme varlets, ils me font la guerre à toute oultrance : peu apres, ils traictent auec moi: ils se reconcilient, les voila ennemis des Espaignols. Don lean reuient: ils le suivent, ils le servent, ils machinenoma ruine. Don Ican fault à son entreprise du chasteau d'Anuers: ils le quittent incontinent, ils m'appellent. Ie ne suis pas si tost venu, contre leur serment, sans en communiquerni à vous Messieurs ni à moi, ils appellent Moseigneur l'Archiduc Matthias. Est-il venu, ils voient qu'ils ne peuuet venir à leur butuils le laissent, & sans l'aduertir vont querir Moseigneur le Duc D'Anjou, ils l'amenent, ils lui promettent mérueilles de l'amenent les de l'amenent de l'ame

Quant à ce qu'on m'obiecte que ie me suis saict elire par force con tumulte Gou verneur de Brabant, il vous souvient Messieurs que iamais ie ne vous en ai parlé, & que ie ne vous en ai aulcunement solicitez: au contraire, vous auez memoire de la grande resistance que ie si & de mes remonstrances au contraire: & mesmes quant à l'estat de Lieutenant general que i'en voulu auoir l'aduis & le consentement des ches qui estoiét en l'armée, & laquelle bien tost apres sust mise en route (iene di point maintenant par la faulte de qui)

LE PRINCE DORANGE.

unt de fe

aceus de

temprin-

incolors, relles go fleuez &

as enounce

motient co

changero

louwen

ic, & gae

211 COULTAIN

incegnichi exactines

ven vould wieltoil

ulte dequ

L'estat de

lequel ils m'enuoierent, comme encores ie l'aisigné de leur main. Que si aulcuns du peuple aduan gouverneur de Brabant cerent ceste election, encores que ce ne fustà ma & de Lieuto-nat generals priere ni solicitation, toutesfois ie suis contraint de confesser qu'ils estoient plus sages & mieus preuoiants les affaires de ce pais que ien estoilors, car ils en tendoient bien, laissant le maniement des affaires & l'administration de la chose publicque entre les mains de ces Espaignolisez, que c'estoit bastir sur vn sable mouuant & peu ferme pour y asseoir vn tel edifice. Il est aussi vrai ce qu'ils disent, que par les tumultes de Gand i'ai esté esseu Gouverneur de Flan-Le gouverne dres: car c'est vne vraie ignorance de nos affaires, par dres offert ce que les quatre membres ont fait election de moi Prince & nó accepté. non vne fois, mais plusieurs, nonpoint durant les tumultes, mais depuis, les choses bien pacifiees, l'ont plusieurs fois pourchassée, tat enuers vous qu'enuers moi, & iusques à present ie ne l'ai voulu accepter.

Ie ne pense pas aussi Messieurs qu'il soit raisonnable que ie responde des moiens leuez par vous, & qui ont esté adminiftrez suiuant vos aduis sous vostreauthorité par vos tresoriers, commis, & recepueurs, sans que i'en voie iamais vn denier, ni moini les miens. Mais s'il conuient en donner blasme à Des deniers quelqu'vn, est-ce pas à l'ennemi, lequel vous cotraint sieurs les Enflats, & comcercher moiens pour vous defendre? & si lui pour mentils sont distribuez. faire du mal, exercer tyrannie, opprimer vostre liberté, fait de si grandes & excessives despenses: pourquoi pour bien faire, pour reprimer le tyra, coseruer

vos priuileges, vostre liberté qui ne peult estre eualuce, ne ferez vous quelque depense? Que si il estoit question d'exposer tout ce que nous auons iusques à la derniere maille, iusques à la derniere goutte de nostre sang, que ferions nous à quoi nous ne soions tenuz & obligez? & dequoi nous n'aions tant de beauls exemples és histoires anciennes tant des estrangers, que de nos braues & vaillants predecesseurs & ancestres? Mais tant s'en fault qu'il faille desister, qu'au contraire puis que nous voions ce qui les picque, c'est ce sur quoi nous nous debuons d'aduantage euertuer. Car de respondre a ce qu'il dict, que i'en ai fait emprisonner & tuer auleuns de ceus qui ont contredit aus contributions, ie ne pense pas qu'il soit besoin de leur respondre deuant vous Messieurs qui cognoissez que ce sont euidentes calumnies, & qui sçauez que i ai esté blasmé de ma trop grande doulceur & patience à tolerer plusieurs esprits malins, qui par leur artifices & secretes menées retardoient nos affaires, que ie ne suis accuse de mon ennemi de marudesse. Que si ce qu'ils m'obiectent estoit vrai, il y en a plusieurs qui parlent auiourd'hui bien hault, à qui on auroit bie couppé le filet: & toutesfois ie ne me repen' point encores d'en auoir ainsi vsé, & me resiouirai tousiours d'auoir plus tost voulu recepuoir vn tort, que de l'auoir voulu faire, ne doutant point que Dieu qui est iuste iuge, ne face tober sur la teste de ces trahistres & desloiaus (qui mangeoient le pain auec nous & estoiet participats de nos LE PRINCE D'ORANGE.

103

conseils, & neantmoins à present, sont en leur coseil) le salaire de leur meschanceté, comme desiala vengeance les poursuit d'une inquietude perpetuelle &

agitation de l'esprit.

freeua

effoir

infques legade us nelon

ens cant d

predeces-

Folons ce

te a ce qui

midentes ca-

edematrop

es menees

le demon

biectent ourdhui

naucinfi nedon-

umang

arsdeno

Quantà la negotiation du S' de Selles, laquelle a esté recognue pleine de tromperies & de dissimu- tion du Sieus lations, c'est à vous Messieurs qui auez si prudément de Selles. descouuert ses fraudes, & qui lui auez faict cognoistre, que ceus qui n'ont point veu l'Espaigne ne sont pas pour cela des bestes comme lui & ses semblables l'estiment, c'est vous dif-ie contre qui s'adresse ceste accusation. Je confesse que s'ai esté de mesme aduis que vous, qu'il ne le falloit croire non plus qu'vn affronteur & trompeur, & qu'vn instrument choisi pour mettre tout en diuisió, à quoi me resoudre persone ne m'y a tat aide que lui mesme. Car ce qu'il me disoit que i estoitant en la bonne grace du Roi, qu'il n'y a Seigneur de pardeça duquel il eust meilleure opinion que de moi, qu'il me vouloit tant emploier: me faisoit de plus en plus penser, qu'on eust bien eu affaire de ma teste, si en eusse voulu faire tel marché que c'est Espaignolize me vouloit persuader. Ie confesse dis-ie que i'ai esté de l'opinion mesme que vous auez esté & auez tresprudemment resolu, à sçauoir suiuant l'exéple de cesage capitaine, de boucher vos oreilles à ces Sereines d'Espaigne. Mais que dis-ie que i'ai esté de cest aduis? ces miserables qui ont cosenti à ceste mauldicte proscription n'y ont ils pas austirelisté comme moi? les mesmes Magistrats qui ont fait publier ceste proscription, n'ont ils pas aussi

APOLOGIE DE MONS. 104

reietté le Sieur de Selles & toutes ses bourdes? Oui est assez suffisant pour respondre à ce qu'ils touchet Le change du changement des officiers Catholicques: & pleust à Dieu que ment des of i'eusse eu le pouvoir, ou que par la precipitation de aucuns, ien'eusse pas esté empesché de procurer le changement par tout: caril ne seroit pas ensuiui vn tel deluge des maus qu'on a veu à raison de la dissonctio des Prouinces, & lequel est à craindre qu'il n'accroisse de iour en iour à la ruine generale du pais, pour le moins i'espere si ces Prouinces qui nous ont si laschement abandonnees ne se repentent d'vne telle faulte, qu'elles sentiront personne n'estre iamais mieus chastié pour vn meschant conseil, que ceus qui l'ont premierement donné. Et sur ce point ie ne me mettrai pas en peine de respondre à ceste calumnie, que i'ai mis en charge lesdicts officiers par mon authorité prince, veu que par tout ou i ai assisté au changement de la Loi, i'y ai seulement executé la charge qu'il vous a pleu m'en donner, comme vostre commis & deputé, n'y faisant rien contre les loix & priuileges. Bien confesserai ie que l'ai cerché le plus que i'ai peu, à y introduire gens de bien, ges d'honneur, de bonne conscience, & sur tout, amateurs de la patrie. Mais ie sçai bien ce qui les point, c'est que ien'y ai pas volontiers fauorisé ceus qu'ils auoient à leur cordelle, gens sans foi, sans pieté enuers leurs pais, gens sanguinaires, & esclaues de leur tyrannie. C'est Messieurs ce qu'ils appellent cofusion, à sçauoir le reglement de nostre republicque nolafic publics college of compron, nonvils pre autil

LE PRINCE DORANGE. selon nos lois, lesquelles sont aussi contraires à leurs intentions barbares que le iour est à la nuict. Mesmement Messieurs il n'est grand besoing de respodre à telles obiections, quand nostre propre ennemi y respond assez. Car quels estoient ces officiers, desquels ils disent que nous nous sommes desfaits? Ils estoient (disent ils) bien affectionnez au Roi, qui est autant à dire que bons ennemis du pais : & par cela Messieurs vous entendez que ç'a esté tresbien faict de

les changer en plusieurs endroits.

Jes ? Qui

Aque

Divide

PLOCAR

CHADE cladifion.

onful, que

ir tepaint

offer selfe

as officiers

i ai affille au

omme vo-

lacerche

debien, ges

Intolly 2011

ins piete

Claues d

Ils me reprochent le grand credit que i'ai entre le peuple. De l'authorité Tant s'en fault que i'en aie honte, que ie suis bien du Seigneur Prince enuers marri que ie n'en ai encores dauantage, c'est à dire que iene sçai bien leur persuader ce que ie leur ai si souuent mis en auant tant de bouche que par escrit: car il y a long temps que i'auroi auecl'aide de Dieu nettoié le pais de ces ordures d'Espaigne. Mais s'ils sont tels qu'ils se disent, & ie suis tel qu'ils me descriuent) car pour leur faire plaisir ie leur veuil accorder ce point) il fault necessairement qu'ils confessent leurs tyrannies & cruautez auoir esté excessiues en toutes sortes) pour auoir encourru vne haine vniuerselle de tout le peuple, qui leur estoit auparauant si affectionné, & a esté si loial à leurs predecesseurs & à eus mesmes auant tels exces commis. Et au contraire, si le peuple m'a choisi voluntairement pour estre asserteur de sa liberté, que peult on dire aultre chose?que dirot les natios estranges?que dira la posterité, sinon que le peuple a jugé qu'il y auoit

quelque chose en moi digne de faueur & amitié? & en eus quelque chose digne d'vne extreme haine? le leur confesse doncq que ie suis & serai toute ma vie populaire, c'està dire que ie poursuiurai, ie maintiendrai, ie defendrai vostre liberté & vos priuileges. Voiez comment ces sages cerueaus sont despourueus de sens commun, & comment lors qu'ils me pensent blasmer ils me louent. Il est vrai qu'estans cinq ou six testes maladuisees ensemble, ennemies de vostre liberté, desquels les conseils, pensees & secretes cogitations sont toutes tendues à cercher les moiens de vous assubiectir à leur tyrannie, qui seroit plus cruelle, & pour le moins plus indigne & plus seruile que n'estoit l'Espaignolle. Ils mesurent la ceruelle de tout le monde à l'aulne de leur entendement, & pensent que chascun trouuera mauuais ce qu'eus iugent estre tel: mais quand le tout serapoisé en la balance commune, alors ils trouueront qu'ils se sont grandement mescomptez. Car celui qu'ils iugent indigne de viure pour feruir au bien de la chose publicque (car qu'est ce aultre chose le bien publicq que le bien du peuple?) ils le rendront par leur folie d'aultant plus honoré, que le peuple estimera d'aduantage celui qui le maintient, que celui qui le veult oppresser.

Ie ne puis aussi assez m'esbahir de ce que ils ont oublié ce que tant de petits mauuais escriuains ont L'estime que le menti en leurs ineptes libelles disfamatoires, que ie ses a toussours hai la Noblesse. Car commencerai se ceste haine

LE PRINCE D'ORANGE. par moimesme, mes parents & amis, qui sommes (Dieu merci) touts de race noble & illustre, & si ancienne & detelles richesses & dignitez, que ie ne crain' pas que plusieurs de mes ennemis puissent à bo droit se preferer à nous, & s'en trouuera peu qui nous puissent egaller. Mais l'experience a monstré si ie ne fai pas ce qui est en ma puissance pour l'auancement des nobles. Que si ai delong temps preueu qu'aulcunes testes ambitieuses qui nous ont depuis delaissez, se vouloient emparer de gouvernemets & charges, pour abandonner parapres le pais, & faillir à leur serment: si i'ai dis-ie cognu leur legereté, vanité, & inconstance, leur affection tendante à la tyrannie, pourtant ie ne les ai voulu fauoriser, & par ce moien i'ai aidé à coferuer la meilleure & plus grande & plus saine partie de nostre estat, ie n'ai pas pour cela hai ou mesprise la noblesse, mais i ai voulu par bon conseil venir au deuat de la ruine du païs, qui eust peu ensuiure. Si leurs peres qui estoiet plus sages, plus vaillants & plus vertueus qu'ils ne sont, & auecq lesquels i'ai vescu en si bonne amitié, si dis-ie ils viuoient encores, ils mourroient de desplaisir, voiants vne race forlignante de la costance & vertu de leurs ancestres, qui ont vescu si honorablement & sans reproche: silz veoiét dis-ie qu'il n'y a auiourd'hui pais ausquel ils ne soiet tenus pour ges inconstas & grans marchats: sils veoiet mesmes les Espaignols ausquels ils seruet, le Cardinal qui est leur piuot, sur lequel tourne leur moulin, iouer d'eus com-

15 4

baine? le

Wan vie

Minin-

100 pm

18 font de

t lors quils
twaiquetender, encontent pen-

w le moins

nour leruit

honore, ou

quilent

APOLOGIE DE MONS.

Le Cardinal 108

escrit à Morst-me à la pelotte, en faire come des enfans les mener pas temps en-cores de faire par le nez comme bestes, & les entretenir iusques rendre compte à ce qu'il soit téps de redemander ses statues, instrumets, tappis, & aultres meubles qu'ils ont desrobez, & iusques à ce qu'ils soient assez en bo poinct pour estre menez à la boucherie, ainsi que mesmes il appert par ses propres lettres escrittes de sa propre main que vous auez veues Messieurs & recogneues.

Et d'aultant que mon ennemi comme s'il se desfioit de son authorité, & qu'il fust en doubte si la pesanteur de ses tiltres seroit suffisante pour m'accabler, vient encores à y vouloir conioindre celle de Le traidé de l'Empereur, & d'aulcuns de Messieurs les Electeurs

Cologne.

Ecclesiasticques, disant qu'ils auroient proposez articles si raisonnables que tout homme de bon iugement les iuge estre tels. Il ne sçauroit en vn mot Messieurs mieus dire que vous. que di-ievous? mais touts les habitans de ces pais qui ont d'vne voix reietté les dicts articles comme impertinents, captieus & desraisonnables: estes sans iugement & despourueus de raison. Mais à qui feront ils croire qu'vn peuple battu de si longue guerre (qui ne peult estre sans vn million d'inconueniens) reiette vne paix si elle est raisonnable? que des bons, voire trop bons subiects, & trop patients, refusent de s'accorder à leur superieur, sinon quandils voient que tels accords sont amorces pour les surprendre ? telle paix est pire que guerre? & que le dous miel d'vne langue est plus à doubter que le fer aceré des glaiues?

LE PRINCE D'ORANGE. 109 Il peut estre que l'Empereur qui estime vne telle condition & estat estre propre en ses terres patrimoniales, a opinion qu'elle seroit aussi propre pardeça. L'Empereur est aduertit de nostre estat par nos ennemis, par les trahistres qui estoient parmi nous & qui soubs couuerture de legation à Cologne essaioient de ruiner vos affaires: l'Empereur informe les aultres Princes, qui s'y reposent, estimants ce qui vient de ceste part, estre oracle. Mais vous Messieurs qui cognoissez le fond de l'estat de ces pais, les commoditez, ou incomoditez, les vraies causes du maintien ou de la ruine d'icelui, qui y auez à perdre, qui estes obligez par tous droits à la coseruation d'iceux en auez iugé autrement : tout le peuple en a esté cosulté, le peuple vnaniment a reietté telles conditions comme par trop desraisonnables, & non en vne ville seule, mais en toutes. Il est vrai que nous auions supplié la Maiesté Imperiale, le Roi de France, la Roine d'Angleterre & Roi de Portugal, d'interceder pour nous affin qu'on nous accordast vne bonne paix. Mais prendre cela comme si nous nous estions submis à eus, nous ne pensons pas qu'aulcun homme sage le pense.

Et quant à la defense qu'ils disent auoir esté faicte de la publication desdicts articles, vostre patience & debonnaireté de-Prince n'a emuroient plus tost estre grandement louees, quand municationian vous n'auez point faict punir exemplairement ceus ticles de Coloqui ont esté si temeraires de les publier sans vostre congé. Et tant s'en fault que nous aions craint qu'ils

0 111

s mener

aufques

anderez,
point pa
memen
e sa propre
e sa p

ifon Mais

defilonn million

ns fabrits,

Hupe

ds lone

est pire

fussent communiquez & diuulguez, qu'au cotraire on les a fait imprimer auecq les declarations de leur nullité, & ont esté enuoiez par toutes les prouinces & villes pour estre deliberez, & pour auoir l'aduis & resolution de tous, comme vous l'auez raportee vniforme: mais il y a beaucoup à dire si quelque chose secommunique par ordre, par voie de droit, & par l'authorité de ceux qui en ont puissance, ou bien quand de petits espions sement à la destrobbee parmi le peuple des liurets, quand aulcuns de ceux qui estoiet enuoiez à Cologne pour vostre seruice, sont courrir soubs main ce qu'ils auoient negocié auec l'ennemi, auquel ils vous trahissoient & la patrie, come il appert plus amplemet par leurs propres lettres dequoi ie ne parlerai plus auat, d'aultant que le tout est mis en lumiere, & est à la veuë d'vn chascun.

L'vnion des Prouinces faite du temps de la separation d'Artois & de Hainault.

Ils trouuent merueilleusement mauuaise l'vnion des prouinces saite à Vtrecht. Pour quoi? car tout ce qui nous est bon leur est mauuais, ce qui nous est falutaire leur est mortifere. Ils auoient mise toute leur esperace sur vne des vnio: ils auoient practiqué quelques Prouinces qui ont autant eu de coscils qu'il y a de mois en l'an: ils auoient à leur deuotion quelques pestes qui estoiet entre nous. Quel remede pouvoit on inueter meilleur à l'encontre de des-vnion, que vnion? & quel antidote plus certain contre leur venin de discorde, que cocorde? au moié dequoi leurs desseins, leurs trames, leurs coseils nocturnes, leurs secretes intelligences ont esté en vn moment dissi-

cotraire

deleur

les places

lque chois

dalan

non que las

TO RUE YO-

equoi leun

urnes, ell

pees, mostrant Dieu, qui est Dieu de paix & de concorde, cobien il a en abomination ces langues frauduleuses, & coment il peult facilemet renuerser telles faulses & abominables entreprises. Voiez Messieurs que ie leur done vn beau cháp de crier, & de se tépester. le leur côfesse que i'ai procuré l'vnion, ie l'ai aduancée, i'ai estudié à l'entretenir: & vous di Messieurs encores, & le dissi haut, que ie suis content que non seulement eux, mais aussi que toute l'Europe l'entende. Maintenez vostre vnion, gardez vostre vnion: mais faites, faites messieurs que ce ne soit pas de parolles, ni par escrit, mais qu'en effet vous executiez ce q porte vostre trousseau des flesches liez d'vn seul lie que vous portez en vostre seau. Aillent maintenant & m'accusent d'auoir tout mis en confusion quand i'ai procuré l'vnion, pour lequel faict ie ne rougirai iamais. Car si soubs l'ymbre d'yne paix ilz nous tramoient vne division, s'ils s'assembloient tan tost à Arras, tantost à mons, en nous donnant tousiours de belles parolles, & ce, pour se desioindre, & attirer à leurs cordelles des esprits legers séblables à eus: pourquoi ne nous estoitil licite de noº ioindre & lier de nostre part? Sino que peut estre ils pensent deur estre permis de malfaire, & abandonner le pais, & quand quand maestricht est assiege (ne sentirez vous point paoures gens quad vous lirez ces choses, le cautere qui vous brussera la conscience,) & à nous il n'estoit loisible à lors de bien faire, & de guarantir de pais. Apprenons doncq messieurs iey ce qui nous -roqini b

est viile & necessaire, & l'apprenons du plus grand ennemi que iamais ait eu le pais, & du plus grand

tyran de la terre.

Ils m'obiectent apres vn horrible crime & digne de ceste plusque Sillane & Carboniane proscriptio, c'est que ie n'estoi sorti d'Anuers de deux ans, & que ie suis allé à Vtrecht. Il est bon à voir qu'ils sçauent bien ce que ie fai, come si à leur tres-grad regret, en ces deux ans ie n'ai voiagé par deux fois en Flandre, ou auecq l'aide des quatre mébres, i'ai mis meilleur ordre audict pais qu'ils ne vouldroient. Or bien, posons que ne soi sorti de deux ans d'Anuers, ne seroit ce pas vn grad crime, de m'estre tousiours tenu pres de vous pour vous seruir en tout ce qu'il vous a pleu me commander? Mais ie suis allé à Vtrecht. Voici messieurs le mal, voici l'aposteme: car c'est ce voiage qui les naure iusques au cœur. Ils auoient desia faict si sagement leur proiect, ils auoient mis vn si asseuré fondement à leurs affaires, ils s'y plaisoient tellement, ils en escriuoient à leurs amis, ils tenoiet entre leurs mains tant de pais & tant de gouuernements, ils auoient tant escrit de lettres, tant de subornations, tant de practiques mises en auant: & venant seulement me presenter à Vtrecht auec la bonne assistence & conseil de messieurs les deputez des prouinces, voilà ce grand brouillard escarté, tat de citadelles qu'ils auoient reseruees pour leurs tyrannies abbatues, tant de nos villes asseurces, ne leur restat pour tout, aultre chose qu'vne seule ville d'impor-

LEPRINCE D'ORANGE. d'importace, en laquelle estoit le chef de l'entreprise, laquelle encores il ne sçeust mettre à sa deuotion, sinon par vn meurdre abominable de celui qu'il appelloit son pere, qui auoit esté le soir assis à sa table, l'aiant traicté comme vn Iudas soubs vn fauls baiser. Voila Messieurs ce qui les fait crier si hault, voila

l'Helene pour laquelle ils combattent.

s grand

grand

neline

prolema ans, & qu ds Içauem neglet, en en Fante, its meilleur

Orbien, po-

es, acteroi

tem pres

cetto Vola-

moient della

超過

plaifoient

ils tenoiet

omerne

ande fab.

en auant : d

rechrace la

lastic, cat

LEUIS TY

urees, n

Et quant à ce qu'ils m'obiectent que j'ai dechassez Desprestres de. auleuns Ecclesiasticques. Vous sçauez Messieurs qu'il n'est chassez du pais de Frise. veritable. Mais quad leur chef qui est dedans Groeningen eut prins prisonniers ceus de la religió, massacré aulcuns, voire le propre Bourgemaistre, le tout contre son serment, aiant au parauant introduit & iuré le Religions-fried, aiant solennellement & auec serment & signature confirmé l'vnion d'Vtrecht: qui trouuera estrange si les nostres se sont voulus asseurer de leur part, puis qu'ils voioient les ennemis sans aulcune reuerence à leur sermét, foullants aus pieds toutes choses saintes & sacrees, auoir auec telle reproche perpetuelle pour eus & leur race violé tout ce qu'il y a de reste en ce monde de iustice & equité? Et pour le moins ne nous peult on reprocher, que parmitels troubles suscitez par nos ennemis mesmes, iamais les nostres soient venuz à ce comble d'iniustice, d'auoir trempé leurs mains au sang de leurs confederez, & de ceus qui s'asseuroient sur leur sidelité, ce que leurs chefs ont faict, voire de leur main propre. Quant aux nobles qu'il dictestre D'auleuns noretirez hors du pais, qui est ce qui iamais en a chasse vn retirez de Frise.

seul? Mais si les terreurs de leurs propres cosciéces les ont poursuiui, & qu'ils aient esté vexez par leur propre sentimet, lequel comme des furies infernales les a chassez de place en place: qui en doibt estre accusé sinon eus mesmes, qui ont machiné dessoialement la ruine de leur propre patrie? Et pleust à Dieu que plus tost ils eussent trouué ceste porte, & q ceus qui restét épris de semblable forcenerie leur marchasset sur leurs talons. Ils nous deliureroient de grade peine, & la republicque de crainte, que quelque iour ils ne mettent à execution leurs pernicieus desseings.

La rondeur Prince.

C'est vne chose ridicule de ce qu'ils m'appellent du seigneur Hypocrite, qui n'ai iamais en leur endroit vsé de dissimulation. Car leur estant ami ie leur ai predict franchement qu'ils filoient la corde de leur ruine, prenants ces chemins barbares de persecutions. Et si leur rage & passion desmesuree coniointe auec vn mespris de nous ne les eust empeschez de suiure mon conseil, ils n'auroient pas esté conduits au point auquel ils se trouuent. Quand ie leur ai esté aduersaire & ennemi pour vostre liberté, ie ne sçai quelle hypocrisse ils ont trouué en moi, s'ils ne veullent appeller hypocrisse, leur faire guerre ouuerte, leur prendre villes, les chasser hors du pais, & leur faire sans dissimulatio ce que le droit de la guerre permet. Mais s'il vous plaist messieurs relire ma defense que l'ai publice y atreize ans, vous y verrez des lettres d'vnRoi trompeur & hypocrite qui me pésoit surprendre par les laqs de ses lettres douces & deceuantes, comme il pense à present m'estonner par ses menaces & tonnerres de parolles. Mais Dieu merci i'ai de la contrepoison contre l'vn & l'autre venin.

Il vient par apres amplifier par vn grad amas de parolles ineptes, que ie me fonde sur vne distidence. Quad ie le feroi, seroi-ie pour cela semblable à Cain & à Iudas comme il m'accuse? Car c'est aultre chose se desfiier des promesses & de la grace de Dieu, qui ne peult mentir, & aultre de ne croire aus parolles d'vn homme trompeur, deceuable, qui ne tiet foi ni loiauté, comme les pauures Morisques de Grenade en pourroiet trop parler, comme la mort des Sieurs Contes d'Egmond & Hornes de bonne memoire en donnent preuue suffisante. Mais si ces bos Theologiens tels qu'est le Cardinal l'vn des fondemets de fon Eglise, auoient bien sondéla vraie cause & prochaine de la cheute & ruine de Iudas & Cain, ils, trouueroient que c'est desespoir, où par la grace de Dieu ie ne suis reduit, & espere ne l'estre iamais: au contraire si on regarde aus termes prodigieus & fulminatoires de ceste proscription barbare & plus que turquesque, n'y trouuera on pas le style des deses perez, tels que nous oios les poëtes introduisans des enragez & forcenez. Eus doncq ont la conscience cauterisee d'vn Iudas, estonnee d'vn Cain, & reprouuee d'vn Saul. Toutesfois voiez Mefsieurs la grande prudence de ces sages testes. La diffidece disent ils est chose ordinaire atous meschats. mais ie parle à toi Cardinal qui as tant perdu de

P

temps, aus escolles, situ n'appelles apprendre, estre des sa ieunesse instruit à mentir & tromper. le te demande doncq, que respondras tu au plus nerueus de touts les orateurs, plus sententieus, & plus amateur de son pais, qui dit (comme i'ai entendu des ma ieunesse de tous les doctes) que la plus grande forteresse que peult auoir vn peuple libre contre vn tyran, est la dissidence? & estoit ce propos addresse contre vn aultre Philippe qui n'estoit qu'vn petit escollier de tyrannie, au pris de ton Don Philippe qui surpasse tous les aultres, & duquel nulle Philippicque est assez digne, non pas mesmes celle qui est appellee divine. Tuy adviseras, & ce pendantie dirai, i escrirai, ie ferai grauer par tout ceste belle sentence digne d'eternelle memoire, & plaise à Dieu que ie soi mieus creu que ne fust ce bon orateur par son peuple lequel se laissant amuser à des gens semblables à toi & aultres petits brouillons, qui sont à ta poste & qui ont leurs langues & plumes venales, furent finallement accablez & ruinez de fond en comble. Mais i'espere chose meilleure Messieurs de vostre constance & magnanimité.

Et comme les bos orateurs gardent tousiours sur la fin quelque raison forte ou poignante, & que les bons chefs laissent des meilleurs soldats aus derniers rangs, ainsi ces homes sçauants & tant exercez viennent à la fin pour m'accabler de la pesanteur d'une grande & enorme reproche. On m'a (disent ils) presenté des tresgrands aduantages, affin que ie me retirasse au lieu

LE PRINCE D'ORANGE.

de ma naissance (ou chascun doibt desirer viure le plus) ausquelles ie Les offices que les ennemis din'ai voulu entendre. Qu'estce Messieurs qu'ils pouuoient sent auoit esté faicles au Scidire qui fust plus à mon aduantage? considerez gneur Prince leur sottise ou impudence, car il faut ou qu'ils tirer hors du parlent impudemment, ou tant sont pourueus de bon sens qu'ils me louent en me pensants blasmer. Il est douls à vn chascun de viure en son pais. Pourquoi doncq ceste mauldicte race d'Espaignols va elle de pais en pais tourmenter tout le monde? Mais si pour tant d'obligations que ie vous ai, ie prefere vostre seruice comme ie doi au pais de manaissance, suis ie pour cela trahistre & meschant, & peste publicque du monde? Et neantmoins vous sçauez, que depuis l'aage de vnze à douze ans i'ai esté nourri entre vous, & non ailleurs, tellement que ce pais m'est passé en nature. Si doncq ils m'ont faict des promesses, si ils m'ont presenté comme ils disent tresgrands aduantages, & neantmoins ie les ai refusez, que peuuent ils condamner sinon ma constance & fidelité enuers Dieu & enuers le pais, que i'ai preferez à tous les biens du monde? Ne pensez pas Messieurs que l'aime tant d'estre perpetuellement en trauail & labeur, ouir tat des mesdisaces & detractions de la part de mes ennemis, & plus que ie ne vouldroi de ceus qui me doibuent estre amis & me sont obligez: estre si long temps priué de mes biés, veoir mon filz si longuement detenu en prison cruelle, me veoir chargé de debtes infinies, & pouuoir mettre sinà tant de dissicultez : que ie ne ressemble

aus aultres hommes de la terre, qui tous preferent le repos au trauail, & la prosperité aus afslictions. Mais quoi ? si ie ne puis obtenir tels biens & tant heureuse condition sans vous trahir, sans vous abadonner, sans vous exposer (en tant qu'en moi seroit) en proje entre les dents de ces loups sanglants : que le reste du monde me pardonne (car ie sçai que vous m'approuuez & que ie n'ai besoing d'excuse enuers vous) si ie ne veuil ni pour les biens, ni pour la vie, ni pour femme, ni pour enfants mesler en mo breuuage vne seule goutte du venin de trahison. Mais tat qu'il plaira à Dieu me donner vne goutte de sang, vn seul denier de mes biens, vn peu de sens, industrie, credit, & authorité, ie l'emploierai, ie le dedierai, ie le sacrisserai à vostre service. Cependant puis qu'ils me reprochent telles choses, encores vous dirai-ie Messieurs qu'ils ne l'ont point faict sans emprunter selon leur bonne coustume sur la verité. Car iamais telles offres qu'ils disent ne m'ont esté faictes: non que le n'aie bien esté aduerti & seurement, que ie n'eusse rien sçeu demander pour mô particulier, qu'on ne m'eust accordé : qu'on vouloit promettre de mettre mon fils en liberté, lui laisser touts mes estats, m'assigner en Allemaigne autant de bien que i'en ai, tant celui duquelie ioui que celui qu'on me detient, m'acquiter de mes debtes qui sont tresgrandes, & me donner comptant vn million, & de tout, bonnes asseurances. Ce sont Messieurs de belles offres, & n'a pas tant cousté à

faire tourner ceus qui se sont retirez d'auecq nous. Mais tant s'en fault que telles conditions m'aient esté presentees, qu'au cotraire iamais ni par lettres de l'Ambassadeur de l'Empereur, ni par ses menees enuers aulcuns de mes seruiteurs & d'aulcuns de mes proches parents, ni par les lettres des Commissaires, on n'a seulement sçeu gaigner sur moi ce point, à sçauoir que i'enuoiasse articles particuliers & en mon nom, ains i'ai tousiours respondu qu'accordant la paix au pais come vous messieurs la demandiez, i'estoi satisfaict, ne voulant auoir autre condition bonne ou mauuaise que la vostre, & que ie n'entendoi ni directement ni indirectement meseparer de la cause commune, de laquelle ie iugeor dependre mon mal ou ma felicité. N'estce pas vn grand blasme de reprocher à vn homme qu'il est homme de bien? loial, constant & asseuré contre les vents de promesses, aussi bien qu'il est par la grace de Dieu contre les flots des menaces?

Iusques ici messieurs vous auez oui les accusatios, ou plustost iniures, mesdisances, & calumnies qu'ils ont assemblees contre mon honneur & ma reputation, ce sera à vous ausquels seuls ie me sen obligé à raison de mes biens, de leur qualité, & principalemet de mes serments, d'en juger come il vous plaira, ne refusat point si e suis trouué coulpable de recepuoir punition. Mais si ce que l'espere vous iugez que ie suis accusé partyrans & calumniateurs : lors i'esti120 APOLOGIE DE MONS. merai auoir tresbien enploié mon mediocre seruice, toutes fois tressoial & tressidele.

La sentence de la Prescriptió.

R Donc Messieurs sur ces fresles & infirmes fondements ils viennent bastir la sentence de leur proscription, & ici ils desploient toute leur tragique eloquence, ils tonent, ils foudroient, ils tempestent, ils font comme ces Chorebes ou furies es theatres, dardants toutes parolles execrables & destrempees dedans le Cocyte, Styx, & Acheron contre ce pauure chef. Mais cela Dieu merci m'estonne tout aultant que faisoient les fulminations du Pape Clement lancees du mont Tarpee contre mon predecesseur Monsieur le prince Philibert, qui ne laissa pour cela de le faire son prisonnier. Car apres que i'ai regardé es enuirons de moi, ie trouue que sont vents de parolles, bruicts pour espouuenter des enfants, & non pas vn home qui n'a point par la grace de Dieu perdu courage pour les bruits de tous leurs canons, quattre vints mil foldats commandez par le duc d'Alue, tant d'armees de mer, tant de trahisons dudict Duc, de son successeur, ni auparauant eus de la Duchesse de Parme: toutesfois c'est bien chose plus effroiable qu'vn bruict vain d'vn tel tonnerre, qui s'esuanouist aussi tost & ne blesse personne. Et me suffist en vn mot de dire deuat Responce du vous Messieurs & deuant toute l'Europe, que tout ce à la senten. Espaignol ou Espaignolisé de quelque qualité &

condition qu'il soit, sans respecter aucun, qui a dict ou dira comme ceste infame proscription le publie,

Seigneur Prin

que ie suis trahistre & meschant, aparlé faulsement & contre verité. Ce pendant qu'ils me defendent tant qu'ils vouldront l'eau & le feu, iene lairrai auecmes amis en despit de leur rage viure tant qu'il plaira à Dieu m'en faire la grace, lequel seul a en sa puissance ma vie & ma mort, & a comptez touts les cheueus de ma teste, duquel i'ai senti iusques à present grande faueur & assistence, & espere qu'il me coseruera iusques à la fin. Quat à mes biens que ie possede lesquels il donne (car encores ici il est si bon mesnager qu'il ne veult rien donner de ce qu'il m'a raui) i'espere Dieu aidant, qu'il leur coustera si cher à les auoir, qu'ils en achapteront ailleurs à beaucoup meilleur marché. Quant aus aultres qu'ils me detiennet, i'espere, que Dieu me fera la grace, que ie les en depossederai aussi bien que i'ai faict d'vne bonne partie, & que iamais ils n'ont raui biens à paoures Prince, ores qu'ils en aient despouillé plusieurs qui leur poisent d'aduantage.

Il promet xxv. mil escus, ou en sonds de terre ou en deniers comptans à celui qui me rendra entre ses cruelles mains mort ou vis, ou à celui qui m'ostera la vie. Mais ores qu'il n'en ait point sait de publication iusques à present, pense il que ie soi ignorant, combien de sois lui & les siens ont fait marché auecq les assassineurs & empoisonneurs pour m'oster la vie? Et si Dieu m'a faict la grace de me pouvoir conserver, lors que ie n'estoi adverti: i'espere aussi qui ne me vouldra faire moins de sa-ueur à present, que ie le suis: ains come i'ai plus grade

en-

LE PRINCE D'ORANGE. me faict prendre plus patiemment ceste iniure. En second lieu, Ils lui pardonnent tout delict & forfaict, quelque grief qu'il puisse estre. Mais s'il auoit arraché la Religion Chrestienne de l'vn de ses Roiaulmes? s'il auoit raui sa fille ? sil auoit mesdict de l'Inquisition, qui est le plus grand crime qui soit en Espaigne? Or puis que mon ennemi vouloit tant soublier, que d'attenter sur mes biens, sur ma vie & sur mon honneur, & pour auoir plus de tesmoings de son iniustice & follies, de le publier ainsi par tout le monde, & en tant de langues: ie n'eusse peu desirer pour mon tresgrand aduantage, qu'il eust enrichi sa proscription d'aultres ornements que ceus-ci: à sçauoir d'anoblir pour me tuer, non seulement des villains & infames, mais aussi des plus meschantes gents & des plus execrables de la terre, & donner telle recompense & si honorable à vne tant insigne vertu. Car qu'est-ce qu'il pouuoit trouuer plus propre pour verifier ma iustice, que vouloir m'exterminer par tels moiens? que vouloir par tyrannie, empoisonnements, remission de crimes enormes, anoblissement de meschants, opprimer le defenseur de la liberté d'vn peuple vexé cruellement & tyrannicquement? Ie ne doubte Messieurs que Dieu qui est iuste, nelui aist, & aus siens osté l'entendement, & qu'il n'aist permis qu'il apprestast à tout le monde matiere pour cognoistre son cœur enuenimé cotre ce païs & contre nostre liberté, d'aultant qu'il n'estime rien

toute acte, quelque meschant & detestable qu'il puisse estre, au prix de la mort de celui qui vous a serui jusques à present & si fidelement. Et encores il n'a point de hote de messer en tels sacrileges le nom de Dieu se disant son Ministre! Le ministre doncq a il ceste puissance, non seulement de permettre ce que Dieu a defendu: mais de le guerdonner de pris d'argent, de noblesse & remission de crimes? & de quels crimes ? de tous crimes quelques griefs qu'ils puissent estre. Mais ie ne doubte, que Dieu par son tresiuste iugement ne face tomber la iuste vengeance de son ire, sur le chef de tels ministres, & que il ne maintienne par sa grande bonté mon innocence & mon honneur de mon viuant & enuers la posterité. Quant à mes biens, & à ma vie, il y a long temps, que ie les ai dediez à son seruice, il en fera ce qu'il lui plaira pour sa gloire & pour mon falut.

Et d'aultant Messieurs qu'il vient aussi deriuer les esgouts de ceste infame proscription sur vos testes, tant s'en fault que vous debuiez vous en esmouuoir, que plustost vous deburiez penser, qu'en cela l'Espaignol & ses adherens suiuent le naturel des semmes, lesquelles apres auoir pleuré & mors, pour dernier remede viennent aus iniures, ainsi vostre ennemi rend maintenant ses derniers abbais: & si nous lui faisons preuue de nostre constance, resolution & magnanimité, le voilà au bout de ses misserables entreprises. Car vn Sylla, vn Carbo, vn Marius,

Marius, vn Antoine, & tels aultres tyrans, premiers peres de ces proscriptions abominables, n'ont pas donné aus Espaignols exemple de faire telle sottise & impertinence, ores qu'ils aient tracé l'exemple de cruaulté & barbarie, que ces miserables ont accompli: mais ils proscriuoient ceus qui estoient fugitifs, chassez, cachez, & dedans les pais esquels ils auoient puissance. En cela ceus ci les rassemblent, c'est à dire en cruaulté, qu'ils proscriuent les gens de bien, de vertu, & d'honneur: mais en ce poinct sont-ils sots & ineptes qu'ils proscriuent celui qu'ils doibuent combattre à main armee. Car d'enuoier vn empoisonneur, comme la Duchesse de Parme a enuoié. ou depescher vn massacreur comme son fils heritier vniuersel des vertus de ses ancestres, ce n'est pas l'effect d'vne proscription, mais d'vn brigandage.

Voila Messieurs non pas ce que ie pouuoi dire contre ceste tyrannicque proscription, mais ce que i'ai estimé conuenir en ce temps, parlant à vous qui auez la cognoissance de plusieurs choses que i'obmets, par ce qu'elles vous sont cognuës: & d'aultant si ie vouloi entreprendre de dire les particulieres entreprises du Roi & de ses principaus ministres, i'entreprendroi ce que nul orateur ne peult assez dignement descrire, voire mesmes nul homme de bien ne pourroit iamais concepuoir, tant est grande leur cruaulté, tyrannie, & toutes sortes d'iniustice. Toutes sois i'espere tant par ce que contient ceste proscription, suffisant tesmoignage de leur cœur par

Qiij

trop bas & abiect, que par ma response vous cognoistrez assez, quels sont leurs pernicieus & miserables desseings : & de ceste cognoissance vous apprendrez aussi à quoi il est necessaire que vous aiez l'œil & entendiez diligemment. C'est qu'ils desesperent de vous pouuoir vaincre par la force, & pour tant ils essaient de semer division entre nous, magnifiants premierement ceus qui non seulement nous ont abandonnez contre leur serment, mais en temps perilleus, l'vne de nos villes estant assiegee, de laquelle ils ne peuuent faire aulcune plainte ni alleguer leur pretexte accoustumé, & mesmes (qui est le comble de toute dessoiaulté) au mesme temps nous viennent assaillir par aultres endroits. Les menaces adioustees en ceste proscriptionne tendent à aultre fin sinon de vous estonner pour vous separer d'auecq moi, faisants par tout monstre, que c'est à moi à qui ils font la guerre & non à vous, ainsi que le loup vouloit persuader aus brebis qu'il n'auoit la guerre qu'aus chiens, lesquels estants desfaicts, il accorderoit aisément auecq le trouppeau, car ces chiens estoient tousiours autheurs de la meslee. Mais Messieurs quand i'ai esté absent, quand ie me suis retiré en Allemaigne, ne brussoit-on plus ? n'espandoit-on plus de sang? ne noioit-on plus? la liberté estoit-elle maintenue par ce dous personnage le Duc d'Alue? N'a-ce pas esté lors que malheureusement on faisoit mourir en Espaigne vos ambassadeurs, messieurs

de Bergues & de Montigni? N'estoit-ce pas le temps auquel on presentoit à vos yeus sur des lances les testes de vos principauls chefs & gouverneurs? L'aultre point qu'ils se proposent le plus, est l'extirpation de la Religion. Ici Messieurs ie n'entrerai point en ce debat qu'elle est la vraie Religion, en laquelle Dieu est vraiement serui & inuoqué & se-Ion sa parolle : laissant cela a remonstrer à d'aultres plus exercez que moi en ceste matiere, aussi que chascun peult cognoistre ce que i'en croi par ma profession. Mais bien vous dirai-ie que l'estat de vostre pais, est tel, que sans ledict exercice il ne peult consister trois iours. Vous voiez le nombre miraculeusement accreu, la haine contre le Pape s'est enracinee au cœur de tous les habitants du pais, pour ce que manisestement on a descouuert ses damnables practiques contre tout cest estat. Qui est-ce doncq qui pourra se vanter d'aimer le pais, & conseillera qu'on chasse vn tel nombre de peuple, lequel se retirant laissera le pais desert, paoure & chetif? peuplera & enrichira les estrangers? Mais quand ils ne vouldront sortir, qui est-ce qui les pourra contraindre de le faire? Iettons l'œil sur nos voisins, considerons nos propres exemples, & si nous ne sommes du tout insensez, iamais nous ne choisirons si pernicieus conseils qui ruineroient cest estat de fond en comble. Ie vous dirai Messieurs encores d'aduantage, ores qu'entre ceus qui suiuent l'Eglise Qiiij

Romaine y ait plusieurs gens de bien & amateurs du pais, & entre eus aulcuns qui se sont treshonorablement acquitez: toutesfois ceus de la Religion ont ceci d'asseuré, qu'on ne trouuera aulcun d'entre eus qui ait intelligence ni practicque auec l'ennemi, ains tous vniuersellement lui sont contraires. Et combien qu'aulcuns se soient trouuez entre eus, lesquels ressemblants aus enfants mieures & insolents, aient donné par leur imprudence des affaires en la maison: toutesfois ils n'ont eu pour cela aulcune intelligence auecq l'ennemi commun. Puis doncq Messieurs que vous cognoissez leur desseing, il ne reste aultre chose sinon d'y remedier: & comment? c'est que vous accomplissez par esfect ce que vous auez tousiours en la bouche, & ce que signifie la marque de vos flesches que vous auez voulu estre grauees en vostre seau, à sçauoir que nul membre de ce beau corps regarde à ce qui lui est propre, mais au corps tout entier, qu'vne partie du corps n'attire à soi la viande qui est preparee pour le general, mais qu'elle permette que l'estomach qui est le conseil que vous ordonnerez la digere & enuoie par les veines à touts les membres de cest estat, & principallement ou se presentera quelque maladie que promptement les medecins y soient enuoiez, que les patients endurent pour vn temps, & ainsi sentir par apres vne ioieuse deliurance de leur mal. Sera ce point vne reproche à iamais sur nous, si aiants vn si bel estat en main, les moiens si

beaus, par vne miserable auarice & cupidité d'attirer à nous quelques commoditez au preiudice de nos compatriots, les vns tirans d'vn costé, les aultres d'vn aultre, nous nous trouuons en vn instant accablez par nos ennemis mortels? Aiez fouuenance Messieurs de la tresgrande diminutio de cest estat qui aduint apres la mort du Duc Charles, laquelle n'aduint pour aultre chose sinon d'autat que les prouinces s'amusants à debattre les vnes contre les aultres pour quelques privileges pretendus, pour quelques commoditez, le reste fust abandonné. Ne pensez pas qu'il soit en ma puissance, estants les affaires en tel estat, de resister long temps auecq si peu de moiens, que vous sçauez Messieurs que i'ai eus en main. Mais au contraire si i ai quelque experience au faict du gouvernement & de la guerre, si ie cognoi ce païs, & les moiens de l'ennemi, quand toutes ces armees qui ia nous menacent d'Espaigne & d'Italie pour l'annee suiuante, nous viendroient sur les bras, ils feroient aultant & beaucoup moins que le Duc d'Alue a faict en Hollande & Zelande: & s'il est en vostre puissance d'y donner ordre, comme il est, & neantmoins vous ne le faictes, comment appellera on ceste faulte si elle est commise par vous Messieurs qui estes ici assemblez, sur lesquels se repose tout ce bon peuple qui vous estime comme leurs peres, leurs protecteurs, & lesquels embrasseront comme vne nouuelle enuoiee du ciel vn bon ordre si vous l'arrestez? Aiez donc pitié de vous mesmes:

& si ce qui vous touche ne vous esmeut, aiez pitié de tant de paoure peuple destruict, de tant de paoutes veufues & orphelins, de tant de meurdres & carnages faicts dedans les entrailles de vostre païs, tant d'Eglises destruites, tant de pasteurs errants auec leur paoures trouppeaus. Representez vous ceste cruelle & barbare execution faicte à Niuelle par le Conte de Mansfeld. Lesquelles choses vous pouuez euiter & reietter tout le mal de ceste guerre sur l'ennemi, si seulement vous ostez les partialitez, & d'vn mesme courage vous emploiez vos moiens ensemble, sans espargner, ie ne di pas le fond de vos bourses, mais ce qui en redonde. Et quant à ce qui me touche en particulier, vous voiez Messieurs que c'est ceste teste que ils cerchent, laquelle auecq tel pris & si grande somme d'argent, ils ont vouce & determinee à la mort, & disent pendant que ie serai entre vous que la guerre ne prendra fin. Pleust à Dieu Messieurs ou que mon exil perpetuel, ou mesmes ma mort vous peut apporter vne vraie deliurance de tant de maus & de calamitez, que les Espaignols lesquels i'ai tant de fois veu deliberer au conseil, deuiser en particulier, & que ie cognoi dedans & dehors, vous machinent & vous apprestent. O que ce bannissement me seroit dous, que ceste mort me seroit aggreable. Car pourquoi est-ce que i'ai exposé tous mes biens? est-ce pour m'enrichir? pourquoi ai-ie perdu mes propres freres que i aimoi plus que ma

vie? est-ce pour en trouuer d'aultres? pour quoi ai-ie laissé mon fils si long temps prisonnier, mon fils diie que ie doi tant desirer si ie suis pere? m'en pouuez vous donner vn aultre? ou me le pouuez vous restituer?pourquoi ai ie mis mavie si souuent en danger? quel pris, quel loier puis-ie attendre aultre de mes longs trauaus qui sont paruenus pour vostre seruice iusques à la viellesse & la ruine de tous mes biens, sinon de vous acquerir & acheter, sil en est besoing, aupris de mon sang vne liberté. Si doncq vous iugez Messieurs ou que mon absence, ou que ma mort mesmes vous peult seruir, me voila prestà obeir: commandez, enuoiez moi iusques aus fins de la terre, i'obeirai. Voila ma teste, sur laquelle nul Princeni monarque n'a puissance que vous: disposez en pour vostre bien, salut & conseruation de vostre Republicque. Mais si vous iugez que ceste mediocrité d'experience & d'industrie qui est en moi, & que i'ai acquise par vn si long & si assiduel trauail: si vous iugez que le reste de mes biens, & que ma vie vous peult encores seruir (comme ie vous dedie le tout & le consacre au pais) Resoluez vous sur les points que ievous propose. Et si vous estimez que ie porte quelque amour à la patrie, que i'aie quelque suffisance pour conseiller: croiez que c'est le seul moien pour nous garantir & deliurer. Cela faict, allons ensemble de mesme cœur & volunté, embrassons ensemble la defence de ce bon peuple, qui ne demande que bonnes ouuertures de conseil, ne desirant rien plus que de le suiure: & ce faisant, si encores vous me continuez ceste fa ueur que vous m'auez portée par ci deuant, i'espere moiennant vostre aide & la grace de Dieu, laquelle i'ai sentie si souuent par ci deuant & en choses si perplexes, que ce qui sera par vous resolu, pour le bien & conseruation de vous, vos femmes & enfants, toutes choses sain
ctes & sacrees.

IE LE MAINTIENDRAI.



NASSAV.

COPIE DE LA LETTRE, ESCRITE PAR LE ROI DE SA

esuiure

efte fa

au pere eu le le 1 choles lu, pour fem-

ranges, traduicte de l'Espaignol en François.

A I receu auec grande affection, vostre lettre du vingt-septiesme de May, & depuis celle que le quatorziesme de Iuing, & par ce que l'as escrip m'auez escrip à ma seur auez peu entendre, le peu d'occasion qu'auez, de penser ce que m'escriuez en celle du 27. de May, mais bien le contraire : aussi est certain, que vous vous

tromperiez beaucoup de penser, que ie n'auroie de vous toute confidence, & quant ores quelque vn eut voulu faire contraire office vers moy, y restoit, que ie ne suis si leger, que i'y eusse adiousté foi, aiant si grande experience de vostre loiaulte & services, pourtant vous pouuez de ce desabuser, & vous reposer aus lettres, que par le passé, vous ai escript en cest endroiet, es à vos œuures, mais nullement à ce que aulcuns (peult estre ennemis de mon service, & de vostre bien) vous doiuent auoir faict entendre. Touchant le congé que requerez, pour laisser vos charges: il me deplaist que vos affaires particulieres sont aus termes que dictes, or estant les affaires d'iceus pais en la façon, que se trouuent, ie ne puis laisser vous declarer, que ce n'est raison, que telles personnes, comme la vostre, auquel ie me confie & repose, les abandonnent, signamment Moi estant si espoigné d'iceus:mesmes seroit raison, que ceus qui fussent à leurs maisons, accourussent à ceste necessité, & s'emploiassent à ce que sont obligez, comme vous auez fai Et . presentement, en allant en Anuers, dont i ai receu grand contentemet & suis bien asseuré, que vous ferezillecq, tout ce que conviendra le plus pour mon seruice, & pour le repos & tranquillité d'icelle ville, & du pais. Et pour euiter les desordres, que y aura, comme ie me confie de vous, & le vous encharge bien expressement, & sçai, que vous ne vous monstrerez autre, de ce que vous auez monstr é toute vostre vie.

Et affin que voyez, comme ie traicte librement auecq vous, ie ne laifferai de vous dire, que l'on a pardeça parlé beaucoup, sur ce que vostre
frère s'est trouué en ces choses que passent par dela. Et pource que ne
puis delaisser de m'en ressentir beaucoup, ie vous encharge, que regardez
comment l'on y pourroit remedier, que ne passe plus auant: & le effeEtuez. Et s'il vous semble conuenir, l'essoigner pour quelques iours de
vous, que le faissez. Du bois de Segouia, le premier d'Aoust,
M. D. LXVI.

Soubsigné:

PHILIPPE.

Et sur le dos escript:

Au Prince d'Orange.

Etseellé du seau du Roi.



Vo Are

BANET EDICTEN FORME DE PROSCRIPTION,

FAICT PAR LA MAIESTE DV ROI

nostre Sire à l'encontre de Guillaume de Nassau, Prince d'Oranges, comme chef & perturbateur de l'estat de la Chrestienté, & speciallement de ses pais bas : Par lequel chascun est authorisé de l'offenser & oster du monde, comme peste publique, auecq pris à qui le fera & y assistera.

HILIPPES, par la grace de Dieu, Roi de Castille, de Leon, d'Arragon, de Nauarre, de Naples, de Sicile, de Maillorque, de Sardaine, des Isles, Indes & terre ferme, de la mer Oceane, Archiduc d'Austrice, Duc de Bourgoigne, de Lothier, de Brabant, de Lembourg, de Luxembourg, de Gheldres & de Milan: Conte de Habsbourg, de Flandres, d'Arthois, de Bourgoigne, Palatin, & de Haynault, de Hollande, de Zelande, de Namur & de Zutphen, Prince de Zvvaue, Marquis du sainct Empire, Seigneur de Frize, de Salines, de Malines, des cité, villes & pais d'Vtrech, d'Oueryssel & Groninge, & Dominateur en Asie & en Afrique. A tous ceus qui ses presentes verront salut. Il est notoire à tout le monde comme seu de treshaulte memoire l'Empereur Charles le Quint Monseigneur & pere que Dieu absolue, a traitté sauorablement Guillaume de Nassau pour la succession de seu René de Challon Prince d'Orages son cousin. Et comme de là en auant dés sa premiereieunesse (encores qu'il fust estranger) lui a faict auancement, ce que nous auons tousiours successiuement continué & augmenté de plus en plus, l'aiant faict de nostre ordre, en apres nostre Lieutenant general au gouvernement de Hollande, Zelande, Vtrecht & de Bourgoigne : ioinctement de nostre conseil d'Estat, luy faisant plusieurs biens & honneurs. Par ou à raison des sermens de fidelité & hommages qu'il nous a aussi faict, à cause des fiefs, terres & Seigneuries tenus de nous en diuers de nos pais & prouinces, il estoit grandement submis & obligé à nous

obeir, seruir & tenir sa foi, & procurer le bien & vtilité de nos affaires': consequemment maintenir tout repos & tranquillité en nos estats & pais. Toutes sois chascun sçait que n'auons eu si tost le pied tourné de nos pais bas, que ledict Guillaume de Nassau fait par le moien que dessus Prince d'Oranges, n'ait par ses sinistres praticques, trames & astuces tenté, premierement de gaignerles voluntez de ceus qu'il cognoissoit malcontens, chargés de debtes, haineus de la iustice, studieus de nouueaultez, & sur tout, ceus qui estoient suspects de la Religion, les caressant, sollicitant, & tirant à soi par belles parolles, promesses & vaines persuasions, iusques à la qu'il a esté le principal autheur, promotheur & instructeur de la premiere requeste presentée par quelques troupes de ieunes gentilshommes frequentans journellement la mailon & table: mesmes le complot en fut faict en sadicte maison, à l'assistence du Conte Loys de Nassau son frere, grand hereticque. Et iaçoit qu'il fut directeur de toutes ces menées, si frequentoit il en ce temps la iournellement le conseil d'Estat, estant present à toutes deliberations & resolutions que s'y prenoient : de maniere que chascun peult remarquer sa bonne soi, & l'observance de ses sermens. Et ainsi passant de ladite requeste oultre, lui & ses adherens introduirent les presches heretiques, & assemblées publiques en plusieurs lieus de nosdicts pais, pendant que la Duchesse de Parme, lors Regente & Gouvernante generalle de nos pais bas nostre treschere & tresaimée sœur avoit envoié vers nous pour donner ordre sur ladicte requeste. Et pareillement par l'aduis, du sçeu & participation dudict d'Oranges commencerent les hereticques (guidez par ces presentateurs de ladicte requeste fauorisez de lui) à tumultuairement rompre images, autelz & Eglises, prophaner toutes choses sainces & sacrées, voire les Sacremens ordonnez de Dieu: neantmoins par la grace diuine & la prouidence de ladicte Dame, les choses furét ainsi gouvernées & remediées qu'il fut contrainct se retirer de nosdicts pais & quicter seldicts gouvernemens: toutes fois non sans estre plain de courrous & menaces de s'en vouloir venger. Ce qu'il pensa l'année ensuiuant executer par armes, mais en vain, car il fut si viuement poursuiui de nostre armée allant continuellement à sa suite, qu'il fut dechassé de tous nosdicts pais, sans y pouvoir demeurer quelque part. Mais comme aulcuns temps apres seleua en plusieurs lieus quelque mescontentement de nosdicts subiects contre le gouvernenement du Duc d'Alue, succedé à ladicte Dame audict gouvernemet, entre aultres es prouinces de Hollande & Zelande, il practiqua de y pouuoir retourner. A quoi toutesfois il ne fut receu que premierement ne iura sainctement aus Estats desdits pais, & aus villes, qu'il maintiendroit lesdicts pais & villes pour nous & en nostre obeissance,

CONTRE M. LE PRINCE D'ORANGE. & qu'il ne changeroit rien que fut en l'ançienne Religion, Catholique & Romaine. Seulement comme gouuerneur les assisteroit & defenderoit contre ledict Duc d'Alue, s'il les vouloit forcer & violenter à ce qu'il pretendoit: à sçauoir aux dixiesme & vintiesme deniers d'imposition qu'il vouloit mettre sus, chose que ne lui auions commandé, ny entendions estre faite, sinon du bon gré & volonté de nosdicts subiects: encores au lieu d'aultres aides & impositions, dont on les entendoit descharger. Toutesfois si tost que ledict de Nassau fut entré & reçeu dedans ledict gouvernement, commença par ses ministres & supposts introduire les presches heretiques, ou il pouuoit, persecutant tous les bons pasteurs, predicateurs, religieus & gents de bien, dont il dechassa vn bien grand nombre: & entre iceus, il en sit massaerer plusieurs, ou dissimula au massacre qui en sut fait par aulcuns ses adherens, iusques à ce que lesdictz Estats gradement offensez de ceste cruaulté en voulurent auoir raison : lors faignit la chose lui desplaire. Et neantmoins du depuis retourna à son premier but, mal traittant ceus qu'il recognoissoit Catholicques, & contraires à ses desseings, s'assistant du conseil des ministres hereticques tant estrangers que dudict pais, changeant semblablement les Magistrats qu'il sçauoit ne fauoriser ses entreprinses & desseings: & depuis est venu à introduire liberté de conscience, ou (à vrai dire) confusion de Religiou, dont tost apres est aduenu que les Catholiques ont esté ouvertement persecutez, deiectez & dechassez, les Eglises & monasteres tant d'hommes que femmes, rompus, ruinez & iectez par terre les Religieus & Religieuses mal traittez, bannis & exterminez, s'ils ne vouloient apostater & mesmes se marier, car des aultres il ne se confioit. Comme aussi lui depuis homme marié qu'il estoit, viuant encores sa seconde semme, auroit prins vne Religieuse & Abbesse beniste solemnellement de main Episcopalle, qu'il tient encores aupres de lui: chose la plus deshontée & infame que puisse estre, non seulement selon la Religion Chrestienne, mais aussi par les lois Romaines, & contre toute honnesteté: & finablement a tant procedé qu'il n'a donné plus lieu à la Religion Catholicque, souffrant tous les erreurs & impietez de toutes aultres sectes & heresies, pour exterminer & desraciner (s'il pouuoit) la nostre Catholicque & saincte, obseruee de tout temps par l'vniuers estat des Chrestiens. Cependant il a ainsi fait opiniatrer nos paoures subiects de Hollande, & Zelande, & les reduicts en tels termes, que presque toutes les villes l'vne deuant, l'autre apres ont esté affiegées & prinses, aulcunes d'assault aultres par composition & rendition, tellement que plus d'vne fois, il a esté sur le point d'estre bouté hors par nos armes, iusques que estant mort le grand Commandeur de Castille, lequel auions commis aussi successeur en icelui gouuer-

Rin

de nos

lité en

par

ibli-

nana-

DEE

Per

me-

mitt's

nement apres ledict Duc d'Alue (par nous rappellé pour plus don ner de contentement à nos subiects) les choses seroient venu en vn desordre & desobeissance des gens de guerre, aians prins la ville de Ziriczee, lequel desordre commença à donner quelque faueur audict de Nassau: & tost apres les Estats generauls de nos pais de pardeca desirans une fois sortir de ces calamitez de guerre, persuadez dudict d'Orange, disant & simulant ne desirer que le bien, repos & tranquillité des pais, les faire quictes des gens de guerre estrangers & retenir le pais soubs nostre obeissance, ensemble conseruer en iceus l'ancienne Religion Catholicque, telle qu'elle y auoit toussours esté exercée, & garder les privileges & liberté dudit pais, feirent auec lui le traicté de Gand, estably expressement sur ces deux sondement speciauls, de maintenir icelle Religion & nostre obeissance. Entretant enuoialmes nostre bon frere seu le Seigneur Don Iean d'Austrice (de bonne memoire) auec commandement & intention de accommoder, reconcilier & accorder tous les troubles de nosdicts pais par la plus doulce & gratieuse voie que faire se pourroit, ce qu'ilfeit, indulgeant a nos subiects tout ce qu'aucunement leur pouuoit estre concedé: ratifiant aussi ledict traitté de Gand qu'il fit publier par tout en la maniere accoustumée. A quoi contredit de toutes ses forces ledict d'Oranges: mais ne le pouuant empescher, ne voulut oncques par apres le faire publier es lieus de ses gouvernemens, indigné qu'il ne l'auoit peu empescher (comme dit est: (nonobstant que nous mesmes eussions depuis approuué, emologué & ratisiel'vn & l'autre accord & traicté, que nostredit bon frere, ensemble les Deputez des aultres Estats eussent enuoié divers grands & bons personnages vers ledit d'Oranges pour le persuader à cela, assin d'effectuer de sa part ce à quoi il estoit tenu & obligé par les capitulations du dit traitté de Gand, & pource qu'il causoit & alleguoit tousiours de debuoir recouurer son gouvernement entier, consequemment que les villes quine l'auoient voulurecognoistre pour gouverneur, ou bien celles que depuis auions reprins par force d'armes & reduict aultrement en nostre obeissance, fussent mises soubs sondict gouvernement, il y fut satisfait par la bonté & facilité de nosdicts Estats, qui n'auoient encores lors assez cogneu ses impostures & periures, moiennant toutes fois qu'il iura qu'il ne changeroit riens de la forme de ladicte ancienne Religion Catholicque & Romaine, & que pour ce donna les seuretez & satisfactions que les magistrats, bourgeois & inhabitans de chacune ville pouuoient iustement demander. Sur quoi aiant esté disputé long temps sur les seuretez que chacune ville demandoit, assin que leur sut gardée ce que ledict d'Oranges leur promettoit, se seroient remises soubs son gouverne-

CONTRE M. LE PRINCE D'ORANGE. ment, apres qu'il eust iuré les points susdits & aultres contenus es instruments d'icelles satisfactions: mais tant s'en fault qu'il y ait tenu ni obserué sesdites promesses iurées, que au contraire, il a incontinent introduit en icelles ses ministres & predicateurs Caluinistes, il a fait retourner les heretiques bannis, il a illec practiqué liberté de conscience, & fait faire quelques scandales en quelques Eglises. s'attachant premierement aus mendiants, apres aus magistrats) qu'il a petit à petit persecuté, & mis en fuite les bons pasteurs : finablement expulsé & bannitoute la Religion Catholicque, & interdit l'exercice d'icelle. Quoi faisant vsoit de ses hypocrisses & simulations accoustumées, dilant lui desplaire, & qu'il n'y pouvoit remedier: neantmoins instiguoit soubs main, tant par lui que ses administres tous les seditieus & hereticques à vser de ses malices : & pourcefaire par l'assistence des siens, mettoit fil à fil garnison dedans les villes contre ses pactions & promesses iurées, cependant ne cessoit accuser nostredict frere Don Iean qu'il machinoit contre les Estats, ce que toutesfois nostre dict frere nous a tousiours asseuré n'estre vrai: trop bien, que voiant l'obstination & malices dudict d'Oranges, pouuoit auoir communiqué auec aultres, comme on le pourroit amener à la raison, & empescher qu'il ne troublast derechef tout le repos publicq desdicts pais, comme il a fait par apres. Ce nonobstant ledict d'Oranges n'a dessifé iusques que par ses practiques & trames (a lui bien propres) a mis vne telle diffidence entre nostredict frere & les Estats de nosdicts pais, que ne se voioit que vn tresgrand & euident massacre apparent : de sorte que pour euiter ce desordre, ou du moins l'emprisonnement de sa personne, icelui Don Ieanse mist à seureté en nos ville & chasteau de Namur. A quoi sut meu de tant plus qu'il n'estoit en riens armé, au contraire qu'il estoit clair & certain que ledict d'Orages par tous ses emissaires & ministres appostez, ne cessoit d'inciter les factieus à faire le semblable sur sa personne, comme la mesme année auoit fait faire sur ceus de nostre conseil d'Estat commis au gouvernement general de nosdicts pais : que lors ledict d'Oranges estimant auoir le tout gaigné, commença à descocher toutes ses flesches, ruses & armes, pour attirer nostre peuple en guerre ouuerte contre nostredict frere Lieutenant general. Toutesfois par interuention de bons personnages estans pres sa persone & d'aultres gens de bien du costé des Estats, les choses estoient si auant venues, que le tout s'estoit accommodé, & que d'vne part & d'aultre pour euiter toute occasion de dissidence auoit accordé se retirer du gouvernement & passer en Italie, comme aussi en estoit nostre vouloir & estoient les deputez des Estats vers lui, pour accepter & signer reciproquement les offres & contre-offres.

Mais de malheur cest ennemi commun perturbateur du repos publicq, lequel (cognoissant que du lieu de Hollande où il estoitne pouuoit auec tous ses artifices plus empescher ceste paix & reconciliation) se hasta venir sur ce point à Bruxelles, & simulant vouloir la paix, procuroit la guerre, mettant en auant nouvelles conditions non encores pourparlees ny ouuertes, tellement qu'il paruint à son but, rompant tout l'accord (comme il est à chacun notoire.) En apres estant venue la chose à rupture de guerre ouuerte & trescruelle, se feit par force & tumulte populaire contre la volonté des Estats declairer Revvart ou protecteur de nostre pais de Brabant, & apres second L'eutenant de tous nos pais bas : comme aussi en fin s'est fait choisir par les tumultes de Gand, & de quelques autres lieus, gouverneur de Fladres: aiant aussi fait venir ses frere & beaufrere estragers pour auoir aultres gouvernemens de nos prouinces: & cependant trauail lent lui & les siens nostre peuple de toutes sortes d'impositions, d'exactions, demandes, leuces & quottisations, les plus dures, barbares & tyranniques que onques ne sont esté ouyes pareilles, qu'il a executeà main forte & armes sans accord de nostre peuple, & sans rendre compte: & si quelques vns en parlent, iecte la main sur euls, ou les fait piller, mal traitter, emprisonner, ou tuer. D'aultre part est manifeste ce que nous auons continuellement fait pour accommoder & pacifier le mal entendu, suruenu (come dit est) entre nostredict Lieutenant general & les Estats : mais tout ce qui a esté fait de bien par nous, ou nostredict frere a esté supprimé & caché: Au contraire dequoi, ledict d'Oranges & les siens ont inuenté mille calumnies pour abuser d'aduantage nosdicts subiects, mesmes comme en la coniun-Aure de la victoire de Gembloux auions enuoié le Baron de Selles auec conditions tresraisonnables, pour recepuoir en grace nosdits subiets, & reconcilier le tout, rien ne s'en ensuiuit par l'empeschement qu'il y a sceu mettre: combien que partout ce temps nosdits subiects escriuans tant à nous que à nostre bonfrere & nepueu l'Empereur & aultres Potentats pour iustifier les differens qu'ils auoient contreicelui nostre Lieutenant general, protestoient ouuertement de ne vouloir aucune chose changer en la Religion ancienne Catholique & Romaine, telle qu'elle auoit esté de tout temps gardée en nosdits pais: & ioinctement soubs icelle nous rendre l'obeissance que de droit diuin & humain nous estions deue: qui estoient les seuls deus points qu'auions tousiours demandé & demandions lors d'eus, & quoy estions d'accord. Toutes sois iceluy d'Oranges craignant la reconciliation de nosdicts subiets auec nous, seroit venu a trainner derechef nouuelles inventions, pour non seulement empelcher cecy, mais aussi rendre (s'il pouuoit) pour iamais la chose desesperee & irremedia-

CONTRE M. LE PRINCE D'ORANGE remediable, par le moien de corrumpre le tout par heresie: à quoi est paruenu en plusieurs lieus, tant par ruses, finesses, malices & pariures bien cognus à lui & à tous heretiques, que aussi par pure force, vsant du mesme qu'il auoit fait parauant pour gaster & perdre les prouinces de Hollande & Zelande: mettant tout en vne combustion de tumulte populaire, & desaccagement d'Eglises, prophanations de Sacremens, massacre ou emprisonnemens d'Euesques, Pasteurs, Iesuites, Religieus, Religieuses, & de plusieurs personnes de bien & d'hon neur seculiers, renouuellant tous les magistrats, priuant contre tout ordre de droit, priuileges, vsances & observances anciennes, les Pre. sidens, Conseillers, Gouverneurs de places, Baillys, Preuosts, Drofsats, Escoutettes, Escheuins & autres officiers Catholicques affection nez à nous, bien & repos du pais : remettant en lieu d'iceux & extraordinairement & par son auctorité, & souuent par tumulte populaire par lui excité (entre lequel il regne & triumphe) tous sectaires se. ditieux & personnes turbulentes viuans de proye & sacq, & autres semblables à luy: de maniere qu'il a mis le tout en vne confusion la plus tyrannicque, barbare & sanguinaire que oncques sut ouye. Dont estant desplaisantes aucunes prouinces Catholicques, mesmes de veoir les consciences des bons ainfi oppresses & violentees, les Eglises, Cloistres, Abbayes, Chasteaux & maisons des gentils-hommes & bons personnages mises par terre, & leurs biens donnez en proyeà tous meschans à discretion de cestui estranger, & tout l'estat du pais subuerti par lui, voires iusques à y vouloir forcer prouinces entieres contre leur serment & volonté, se sont voulu reconcilier auec nous : ce qu'il a taché de toutes parts contredire & empescher: mais elles ont esté plus fortes & constantes que luy. Qui pis est, combien que ledict Seigneur Empereur à l'instate requette desdits Estats (quiluy auoient supplié d'estre intercesseur & mediateur d'vne pacification entre nous & eux (eust esté content de prendre le tout en main pour le vuider: à quoi pour le desir que auions de veoir nostre peuple deliuré de ces calamitez serions volontairement condescendus: & de fait sa Maiesté Imperialle auroit enuoyé à cest essect ses Commissaires en Coulongne, tant princes Electeurs, qu'autres des plus principaux du sainct Empire, pour entendre les points differentiaulx, encores ceci ne l'a en riens diuerti, ni retenu de ses mauuaises & peruerses intentions: & de fait iceux Commissaires, aians le tout oui & debattu par bonne espace de temps sur les demandes desdicts Estats & nos offres, ont resolu & decerné les poincts & articles qu'ils ont fait publier & imprimer pour estre acceptez d'vne part & d'aultre. Neantmoins le tout a esté sans aucun esset, nonobstant que lesdits articles fussent si gratieus, iustes & raisonnables

repos pu-

1 estoite

doir la

DRAMARON

THE ROLL

OHE (SHO)

cional element

citats declaire

apres lecond

the choile

S'EMMENT

क्षीरंग्य हार

Kadan maga

abates post

grace noidits

nos notalis

continuet of tho-

-odee en

ignantlar-

a trainmeror

pelcher cery

Testite & it-

qu'il n'y ait personne de bon iugement qui ne confesse qu'ils sont plus que soussissement qui ne confesse qui ne confesse

ont el

[entan]

dela

B121

debuoient requerir nosdits subiets.

Entretant & pendant ceste communication ledict d'Oranges, pour contreminer à l'Empereur & à nous, affin de desesperer le tout, faict faire vne assemblee en Vtrecht des Deputez de quelques villes & pais qu'il tient en son pouuoir pour practiquer illec vne nouuelle ligue ou conspiration manifeste & notoire contre ladicte Religion & nous, auec parolles & sermens execrables & detestables, ne s'abstenans d'iniurier les Commissaires dudict seigneur Empereur : pourquoi faire, se faict assister par sesdicts frere & beau frere & autres apostez : ce que par grandes sollicitations practiques, calomnies & importunes promelles, & presque par foree a extorqué de plusieurs quartiers: & nonobstant tous debuoirs faits par lesdicts Commissaires de faire entendre aus prouinces leurdicte bonne & saincte resolution si salutaire à nos subiects, il a faict par les adherens & personnes supposees (dont il se sert pour instruments) que lesdicts articles ont esté long temps supprimez, & comme ne se pouuoient plus celer n'a seullement empesché qu'ils ne fussent acceptez, mais a procuré que fussent escripts liures pernicieus au contraire, farcis de tous menlonges & calumnies: & de plus en fin les Deputez qu'il a en Anuers aupres de lui de sa mesme farine ont demandé articles plus griefs, impertinens, exorbitans, scandaleus & pleins d'impieté contre Dieu & nous leur souverain Seigneur & prince naturel, tels que ne se peult dire plus : melmement comme ila veu que encores auec tous ses arts, persuasions, & trauauls, il ne lespeult du tout gaigner, il s'est deliberé en fin sortir de Anuers, dont il n'auoit bougé par plus de deux ans, & est allé en nostredite ville d'Vtrecht, affin de paracheuer l'execution de ladicte damnable ligue, & pour à iamais rendre toutes choses iremediables: & generalement s'est ainsi comporté en toute sorte de tyrannie, qu'il a deschasse & exterminé tous gens d'Eglise, mesmes a ainsi traitté les Seigneurs & Magistrats & toute la principale noblesse de nos pais qu'ils sont esté contraincts se retirer & abandonner leur pais, affin que luy y regne & domine plus absolutement entre les furies & tumultes populaires, estans les bons deschassez: & pource que toute ceste confusion & malheur que souffrent nos pais se recognoist proceder du conseil, enhort, instigation & du faict de ce malheureux hypocrite, par son esprit irrequiert & qui met toute sa felicité au trouble de nos subiects, consequemment qu'il est notoire tant qu'il soit en nos pais, iamais n'y peult auoir

CONTRE M. LE PRINCE DORANGE. paix, repos, ni aucune quietude, fondant tout sur vne distidence pepetuelle qu'il a toussours en bouche (chose ordinaire à meschants qui ont la conscience exulceree auec Caim, Iudas & leurs semblables) aussi que nonobstant les requisitions & offres que lui sont esté faictes, mesmes par les Commissaires Imperiaux, lui presentant tresgrands auantages, affin qu'il voulsist se retirer au lieu de sa naissance (où naturellement chacun doibt desirer viure le plus) n'i avoulu entendre, & lui estranger aime mieus perdre nos pais, qu'aquiescer à ce qu'il convient pour le bien de nos subiects naturels d'iceus.

wifon nous

fattibe-

on Departe

notolitecon

Ins executions

lattes dudict

5 Westings

CHOWDER TO

AN MOUNTE

tos libreds, ila

le let vout 10-

TO BELLE-

S MININE

de sollède

oder leur

of chirt विति : 80

tion & do

wert & ou

lequenment

Typest such

Pour ces causes qui sont si iustes, raisonnables & iuridiques: nous vsans en ce regard de l'authorité que auons sur lui, tant en vertu des sermens de fidelité & obeissance qu'il nous a souuent faict, comme estant Prince absolut & souuerain desdicts pais bas : pour tous ses faits peruers & malheureus, & pour estre lui seul chef, autheur & promoteur de ces troubles, & principal perturbateur de tout nostre estat, en somme, la peste publique Chrestienne, le declairons pour trahistre & meschant, ennemi de nous & du pais. Et comme tel l'auons proscript & proscripuons perpetuellement hors de nosdicts pais, tous autres nos Estats, Royaumes & Seigneuries interdisans & defendans à tous nos subiects de quelque estat, condition ou qualité qu'ils soient de hanter, viure, conuerser, parler ni communiquer auec lui en appert, ou couuert, ni le receuoir, ou loger en leurs maisons, ni lui administrer viures, boire, feus, ni aultres necessitez en aucune maniere, sur peine d'encourir nostre indignation, comme cy apres sera dict.

Ainsi permettons à tous, soient nos subiects ou aultres, pour l'execution de nostredicte declaration, de l'arester, empescher, & s'asseurer de sa personne, mesmes de l'offenser& outrager, tant en ses biens qu'en sa personne & vie, exposant à tous ledict Guillaume de Nassau, comme ennemi du genre humain, donnant à chacun tous ses biens meubles & immeubles, où qu'ils soient situez ou assis, qui les pourra prendre & occuper, ou conquerir : exceptez les biens qui sont presentement soubs nostre main & possession.

Et affin mesmes, que la chose puisse estre effectuée tant plus promptement, & pourtant plus tost deliurer nostredict peuple de ceste tyrannie & opression, vueillant appremier la vertu & chastier le crime, promettons en parolle de Roy, & comme ministre de Dieu, que s'il se trouue quelqu'vn soit de nos subiects ou estangers si genereus de cœur, & desireux de nostre ser-

Hand

10 no

hecon

vermei

uice & publicq, qui sache moien d'executer nostredicte ordonnance, & de se faire quicte de ceste dicte peste, le nous deliurant vif, ou mort, ou bien lui ostant la vie : nous lui ferons donner & fournir pour lui & ses hoirs en fonds de terres ou deniers comptans à son chois, incontinent apres la chose effectuee, la somme de vingteineq mille escus d'or: & s'il a commis quelque delict ou fourfaict (quelque grief qu'il soit) nous lui promettons pardonner, & des maintenant lui pardonnons, mesmes s'il ne fut noble, l'anoblissons pour sa valeur: & sile principal facteur prend pour assistence en son entreprise, ou execution de son saict, aultres personnes, leurs ferons bien & mercede, & donnerons a chascun d'iceus selon leur degré & seruice qu'ils nous aurons rendu en ce point, leur pardonnant aussi ce que pourroient auoir mesfaict, & les annoblissant semblablement. Et pour autant que les receptateurs, fauteurs & adherens de tels tyras sont ceus qui sont cause de les faire continuer, nourrir & entretenir en leur malice, sans lesquels ne peuuent les meschans dominer longuement: Nous declarons tous ceus qui dedans vn mois apres la publication de la presente ne se retireront de tenir de son costé, ains cotinueront luy faire faueur & assistence, ou aultrement le hanteront, frequenteront, suiuront, assisteront, conseilleront, ou fauoriseront directement ou indirectement, ou bailleront argent d'ici en auant, semblablement pour rebelles de nous & ennemis du repos publicq, & comme tels les priuons de tous biens, noblesse, honneurs & graces presentes & aduenir, donnans leurs biens & personnes, ou qu'ils se puissent trouuer, soit en nos roiaumes & pais, ou hors d'iceus, à ceux qui les occuperont, soient marchandises, argent, debtes & actions, terres, seigneuries, & aultres, si auant qu'iceus biens ne soient encores saiss en nostre main (comme dit est:) Et pour paruenir a l'arrest de leur dicte personne ou biens, souffira pour preuue, de monstrer qu'on les auroit veu apres le terme mis en ceste, communiquer, parler, traiter, hanter, frequenter en publicq ou secret auec ledict d'Oranges, ou lui auoir donné particuliere faueur, assistence au aide directement ou indirectement. Pardonnant toutesfois à tous tout ce que iusques audittemps auroient fait au contraire, se venans reduire & mettre soubs la deue & legitime obeissance qu'ils nous doibuent, en acceptant ledict traitté d'Arras arresté à Mons, ou les articles des Deputez de l'Empereur à Coulongne. Si donnons en mandement à nos treschers & seaux les Chefs, Presidés & gens de nos priue & grand consauls, Chancelier & gens de nostre conseil en Brabant, Gouverneur, President & gens de nostre conseil à Luxembourg, Gouverneur, Chancelier & gens de nostre conseil en Gheldres, Gouverneur de Lembourg, Faulquemont, Daelhem & d'autres nos pais d'Oultremeuze: Gouverneur, PreCONTRE M. LE PRINCE D'ORANGE.

rdonnance

Loumon

Sour la

in the state of th

noblitions pou

lem degre de

do and

repospublico,

maeur & gu-

ranes on qu'ils

ond organic

en larent, all

vosast crute

1121 (1121-

mesulance

as denoth

ens de polite

empers, Pie-

sidens & gens de nos confauls en Flandres & Artois: Grand bailly de Haynau, & gens de nostre conseil à Mons, Gouverneur, President & gens de nostre conseil en Hollande, Gouuerneur, President & gens de nostre conseil à Namur, Gouverneur, President & gens de nostre confeil en Frize, Gouuerneur, Chancelier & gens de nostre conseil en Oueryssel, Lieutenant de Groningen, Gouuerneur, President & gens de nostre conseil à Vtrecht, Gouverneur de Lille, Douay & Orchies, Preuost, le Conte à Vallenchiennes, Bailly de Tournay, & du Tournesis, Rentmaistres de Bevvest & Beoisterschelt en Zelande, Escoutette de Malines, & tous aultres nos iusticiers & officiers & ceus de nos vassauls qui ce regardera, leurs Lieutenant & chacun d'eus endroit soi & si comme à lui appartiendra, que ceste nostre presente declaration, edict & ordonnance ils facent publier chacun en son endroit es lieus & limites de leur iurisdiction, où l'on est accoustumé faire cris & publications, affin que nul n'en puisse pretendre cause d'ignorance: & au surplus gardent, observent & entretiennent & facent garder, obseruer & entretenir inuiolablement tous les points & articles y contenus selon seur forme & teneur, procedant & faisant proceder respectivement à la recompense, appremiation, paine & punition dessus aucune faueur, port ou dissimulation. De ce faire & que en dependleur donnons & à chacun d'eus plain pouuoir, auctorité & mandement especial, mandons & commandons à tous, que à eus le faisant ils obeissent & entendent diligemment, Et neantmoins comme presentement lesdites publications ne se pourront faire es villes, pais & chastellenies occupees par la rebellion dudict d'Oranges, Nous voulons que les publications que se feront aus plus prochaines villes estant en nostre obeissance soient de toute telle valeur & effect, comme si faites estoient partout es lieux & places accoustumees, & pour telles les auons auctorisees & auctorisons par cesdites presentes, mesmes voulons & comandos que incontinét elles soient imprimees par imprimeurs iurez de noz vniuersitez de Louuain ou Douay en deux diuerses langues, assin qu'il vienne plus facilemet à la cognoissance de tous: & telle est nostre grace, decret & bon plaisir. En tesmoing de ce nous auons fait mettre nostre grand seel à ces presentes que furent faites en nostre ville de Maestricht le xv.iour du Mois de Mars, l'an de grace mil cinq cens quatre vingtz, de noz regnes,à sçauoir des Espaignes, Sicille, &c.le xxv. Et de Naples le xxvij.

Par ordonnance expresse de sa Maiestés

Verreyken.

Et sont les dictes lettres seellees du grand seel de sa Maiesté en cyre vermeille & double queue pendant.

Siij

LETTRES DV PRINCE DE PARME, Avs Govvernevrs et consaves prouinciaus de pardeça, commandant la publication de ce Ban.

Alexandre Prince de Parme & de Plaisance, &c. Gouverneur & Capitaine general.

QUL M

141/4/

加越

wille !

MON Cousin, treschers & bien aimez. Comme le Roi Monseigneur par deus reiterées lettres siennes, nous ait mandé bien expresement de faire incontinent publier es païs de pardeça la proscription
& ban ici ioinét allencontre de Guillaume de Nassau Prince d'Oranges pour les causes contenues en icelui ban, nous ne pouvons laisser pour
obeër au commandement de sa Maiesté de vous l'envoier, vous requerant & neantmoins au nom et de la part de sa Maiesté ordonnant
qu'incontinent ceste veuë aiez à le publier & faire publier par toutes
les villes & places de vostre resort & Iurisdiction en la maniere
accoustumée, à fin que personne n'en puisse pretendre cause d'ignorance,
& n'y faites faulte. A tant mon Cousin treschers & bien aimez nostre St. vous ait en garde. De Mons le x vere, iour de Iuing, 1580.
Ainsi soubz script Alexandre, & contresigné Verreyken.

Aus Gouuerneurs & Consauls prouinciaus de pardeça.



A MESSIEVRS LES ESTATS GENERAVLS.

OVS auez cogneu Messiours par ma vie passee & mes deportements que ien'ai voulu oncques respondre aux libelles diffamatoires qu'aulcuns calumniateurs auoient diuulouez contre moi, tellement que n'eust esté la qualité de l'iniure qui m'a esté faicte par la proscription, que le Roi d'Espaigne a faict publier, ie m'en fusse encores passé, & n'eust esté aussi que mon honneur me commandoit le contraire, comme ie l'ai plus amplement deduict en ma defense laquelle ie vous ai presentee. Depuis est tombee entre mes mains une lettre faulse es contrefaite par mes ennemis qu'il disent ausir esté par eus interceptée & par moi enuoice à Monseigneur le Duc d'Anjou, ou comme ils disent Duc d'Allançon, de laquelle aulcuns personnages d'entre eus & de la plus grande qualité ont enuoié des copies tant en aulcunes villes de pardeça, qu'à aulcuns Princes estrangers. Ceste lettre Messieurs est escripte si ineptement soit qu'on regarde le style, ou qu'on veulle prendre esgard au subiect qui y est contenu, lequel par sa simple lecture descouure assez qu'il n'y a aulcune apparence de verité: que telle inuention impudente ne merite point de response, comme aussi Dieu merci ne s'est trouué homme de pardeça qui s'en soit aulcunement esmeu. Au contraire a esté cogneu à un chascun, leur but n'auoir esté aultre que d'obscurcir par telles fumees, la clarté par laquelle leur miserable & pernicieuse intention contre ce pais, a esté descouuerte es lettres du Cardinal de Granuelle, & aultres que vous auez commande estre imprimees apres auoir recooneu leur mains, leur signes & leur seauls: & pour se donner subiect & matiere de desgorger à la mode de femmes effrontees des mesdisances pleines de mensonges.

mende bien ex-

[44 moforing

Prince dorans-

ns lall empour

AND MILES

Latestroydowness

white her toute

un en la mantage

all resents.

ich diffich to-

Tains, 1580.

las prom-

Mais tant s'en fault qu'ils aient eu par ce moien l'effect pour mon regard qu'ils pretendoient, qu'au contraire ils m'ont faict plaisir en divulgant telles inepties, par ce que par icelles ils verifient d'aduantage ma defense, prouuant suffisament qu'il sont menteurs effrontez, calumniateurs tresimpudents, & faulsaires tresineptes, qui sert de plus en plus à instifier mon innocence, & donner approbation à mes actions. Car puisqu'il est notoire à vn chascun, que la meilleure nouvelle qu'ils pourroient recepuoir ce seroit que ie leur quittasse le pais ; ie leur offre Messieurs, & vous promets sus mon honneur de l'accomplir. Si ils peuvent verifier en vos presences que i aie oncques escrite, ou enuoiée vne telle lettre, qu'incontinent ie sortirai le pais, & me retirerai sans iamais m'opposer à eus: & leur promets sur la simple demande leur enuoier tels passeports & saufconduicts, & en telle forme qu'ils les pourront ou vouldront demander. Mais ce sera à telle condition, s'ils ne veullent accepter ceste offre tant raisonnable, que touts ceuls qui ont esté autheurs d'un tel escrit, ou qu'il l'ont publié, & qui l'ont enuoié es villes de pardeça, ou aus Princes & pais estrangers soient tenus pour menteurs, calumniateurs & mesdisants, comme de faict ils sont tels. Fait à Delft le x x V. Ianuier, M. D. LXXX I.



PAR CHARLES SYLVIVS IMPRI-MEVR DE MESSIEVRS LES ESTATS DE HOLLANDE.

Auecq Privilege.

